

**UBUGENI N'UMUCO MU MASHURI Y'INSHUKE**

**IGITABO CY'UMWARIMU**

**Umwaka wa 1,2,3**

© 2020 Urwego rw'Igihugu rushinzwe uburezi bw'Ibanze (REB)

Iki gitabo ni umutungo wa Leta y'u Rwanda. Uburenganzira bw'umuhanzi w'ibikubiye muri iki gitabo bufitwe n'Urwego rw'Igihugu rushinzwe uburezi bw'Ibanze (REB)

## IJAMBO RY'IBANZE

*Barimu, Barezi,*

Urwego rw'Igihugu rushinzwe uburezi bw'Ibanze (REB) runejejwe no kubagezaho igitabo cy'Ubuhanzi n'Ubugeni kigenewe amashuri y'inshuke. Iki gitabo kizabafasha mu gushyira mu bikorwa integanyanyigisho y'uburezi bw'inshuke ishingiyeye ku bushobozi (*Competence-Based Curriculum*) yo muri 2015.

Mu by'ukuri, intego u Rwanda rufite mu burezi, ni ugukora ku buryo abanyeshuri bagera ku rwego rushimishije rujyanye n'ikiciro barimo hagamijwe kubategura gukurikira ikiciro gikurikira bari ku rugero rukwiriye. Mu rwego rwo kuzamura ireme ry'uburezi, Guverinoma y'u Rwanda ishyira imbaraga mu kunoza uburezi bw'abana b'inshuke hategurwa imfashanyigisho zijyanye n'integanyanyigisho kugira ngo zifashe abarimu mu myigishirize inoze.

Kugira ngo rero intego yo gutanga uburezi bufite ireme mu mashuri y'inshuke igerweho, Urwego rw'Igihugu rushinzwe uburezi bw'Ibanze (REB) ku nkunga ya UNICEF, rwanditse igitabo cyo kwigisha Ubuhanzi n'Ubugeni mu mashuri y'inshuke. Iki gitabo kizabafasha mu myigishirize y' abana b'inshuke binyuze mu mikino, baririmba kandi bashushanya.

N'ubwo iki gitabo kizafasha abarimu gutegura amasomo anyuranye ku kigwa cy'Ubugeni n'Ubuhanzi, ntabwo bivuze ko ibikenewe byose birimo. Umwarimu rero ashobora guhanga ubundi buryo abona buberanye n'imiterere y'ishuri rye n'aho riherereye ndetse n'abanyeshuri be igihe ategura amasomo.

Ndashimira cyane abantu bose bagize uruhare mu myandikire y'iki gitabo. Ndasaba abantu bose bazakoresha iki gitabo gutanga ibitekerezo byatuma kinozwa mu gihe k'ivugururwa ryacyo.

**Dr. MBARUSHIMANA Nelson**

**Umuyobozi Mukuru wa REB**

## **GUSHIMIRA**

Iki gitabo cy'umwarimu cy'*Ubuhanzi n'Ubugeni* kigenewe abarimu bigisha mu mashuri y'inshuke. Cyateguwe n'Urwego rw'Igihugu rushinzwe uburezi bw'Ibanze (REB) ku nkunga ya UNICEF.

Ndashimira mbikuye ku mutima abantu bose bagize uruhare mu itegurwa ry'iki gitabo. Ntabwo cyashoboraga kwandikwa uko bikwiye iyo hatabaho uruhare rw'abafatanyabikorwa banyuranye mu burezi.

Mbere na mbere ndashimira Ubuyobozi bw'Urwego rw'Igihugu rushinzwe uburezi bw'Ibanze (REB) bwakurikiraniye hafi umurimo wo kwandika iki gitabo ndetse n'abakozi b'uru Rwego bagize uruhare mu itegurwa n'iyandikwa ryacyo.

Ndashimira byimazeyo abarimu bigisha mu mashuri y'inshuke, ay'Inderabarezi (TTCs) na Kaminuza/Koleji y'Uburezi bitanze batizigamye kugira ngo iki gitabo gishobore kujya ahagaragara gifite ireme.

Byongeye kandi, ndashimira Save the Children, VSO na ADRA Rwanda bemereye abakozi babo kuza gufatanya natwe kwandika no kunononsora iki gitabo.

Ndashimira kandi abashushanyije n'abatunganyije iki gitabo.

## **MURUNGI Joan**

**Umuyobozi w'Ishami Rishinzwe Integanyanyigisho n'Imfashanyigisho (CTRLD)**

## ISHAKIRO

<b>IJAMBO RY'IBANZE</b> .....	<b>3</b>
<b>GUSHIMIRA</b> .....	<b>4</b>
<b>IGICE CYA MBERE: INTANGIRIRO RUSANGE</b> .....	<b>11</b>
1.0. Intangiriro .....	11
1.1. Impamvu y'iki gitabo .....	11
1.2. Imiterere y'iki gitabo cy'Umurezi.....	11
1.3. Ibyo umurezi, umwana n'umubyeyi basabwa mu myigire n'imyigishirize y'isomo ry'ubugeni n'umuco.....	11
1.3.1. Ibyo umurezi asabwa mu gihe yigisha isomo ry'ubugeni n'umuco.....	11
1.3.2. Ibyo umwana asabwa mu gihe yiga isomo ry'ubugeni n'umuco.....	12
1.3.3. Ibyo umubyeyi asabwa igihe akurikirana imyigire y'umwana mu isomo ry'ubugeni n'umuco.....	12
1.4. Imikoreshereze y'igitabo cy'umunyeshuri .....	13
1.5. Kwita ku burezi bw'abana bafite ibyo bagenerwa byihariye mu myigire yabo.....	13
1.6. Isuzumabushobozi .....	13
<b>IGICE CYA KABIRI: IMYIGISHIRIZE YA BURI NYIGISHO</b> .....	<b>14</b>
<b>INYIGISHO YA 1: GUSHUSHANYA</b> .....	<b>15</b>
1.0. Intangiriro .....	15
1.0.1. Imbanerahamwe ikurikira igaragaza uruhererekane rw'amasomo yo muri iyi nyigisho.....	15
1.1. <b>GUHANGA AMASHUSHO ABANA BIHITIYEMO CYANGWA BAHawe (Umwaka wa mbere)</b> .....	<b>16</b>
1.1.1. Ubushobozi bw'ingenzi bugamijwe .....	16
1.1.2. Ingingo nsanganyamasomo .....	16

1.1.3. Inama ku myigishirize y'amasomo .....	17
1.1.4. Ingero z'ibikorwa bihuza uyu mutwe n'ibindi byigwa .....	26
1.1.5. Isuzumabushobozi risoza uyu mutwe .....	26
<b>1.2. GUHANGA AMASHUSHO (Umwaka wa kabiri).....</b>	<b>26</b>
1.2.1. Ubushobozi bw'ingenzi bugamijwe .....	26
1.2.2. Ingingo nsanganyamasomo .....	26
1.2.3. Inama ku myigishirize y'amasomo .....	27
1.2.4. Ingero z'ibikorwa bihuza uyu mutwe n'ibindi byigwa .....	34
1.2.5. Isuzumabushobozi risoza uyu mutwe.....	34
<b>1.3. GUHANGA IBINTU AGARAGAZA IBITEKEREZO BYE N'IMBAMUTIMA (Umaka wa gatatu) .....</b>	<b>35</b>
1.3.1. Ubushobozi bw'ingenzi bugamijwe: .....	35
1.3.2. Ingingo nsanganyamasomo .....	35
1.3.3. Inama ku myigishirize y'amasomo .....	35
1.3.4. Ingero z'ibikorwa bihuza uyu mutwe n'ibindi byigwa .....	39
1.3.5. Isuzumabushobozi risoza uyu mutwe.....	39
<b>INYIGISHO YA 2: KUBAKA.....</b>	<b>40</b>
<b>2.1. KUBAKA IBINTU BINYURANYE (Umwaka wa mbere) .....</b>	<b>40</b>
2.1.0. Intangiriro .....	40
2.1.1. Uruhererekane rw'amasomo .....	40
2.1.2. Ubushobozi bw'ingenzi bugamijwe: .....	41
2.1.3. Ingingo nsanganyamasomo .....	41
2.1.4. Inama ku myigishirize y'amasomo .....	41
2.1.5. Ingero z'ibikorwa bihuza uyu mutwe n'ibindi byigwa .....	45
2.1.5. Isuzumabushobozi risoza uyu mutwe.....	45

<b>2.2. GUHUZA IBICE BIGIZE ISHUSHO (Umwaka wa kabiri)</b> .....	<b>46</b>
2.2.1. Ubushobozi bw'ingenzi bugamijwe .....	46
2.2.2. Ingingo nsanganyamasomo .....	46
2.2.3. Inama ku myigishirize y'amasomo .....	46
2.2.4. Ingero z'ibikorwa bihuza uyu mutwe n'ibindi byigwa .....	50
2.2.5. Isuzumabushobozi risoza uyu mutwe .....	50
<b>2.3. KUBAKA AFITE INTEGO (Umwaka wa gatatu)</b> .....	<b>50</b>
2.3.1. Ubushobozi bw'ingenzi bugamijwe .....	50
2.3.2. Ingingo nsanganyamasomo .....	50
2.3.3. Inama ku myigishirize y'isomo .....	51
2.3.4. Ingero z'ibikorwa bihuza uyu mutwe n'ibindi byigwa .....	54
2.3.5. Isuzumabushobozi risoza uyu mutwe.....	55
<b>INYIGISHO YA 3: KUBUMBA</b> .....	<b>56</b>
<b>3.0. Intangiriro</b> .....	<b>56</b>
3.0.1. Uruhererekane rw'amasomo .....	56
<b>3.1. KUBUMBA AMASHUSHO YOROHEJE (Umwaka wa mbere)</b> .....	<b>57</b>
3.1.1. Ubushobozi bw'ingenzi bugamijwe .....	57
3.1.2. Ingingo nsanganyamasomo .....	57
3.1.3. Inama ku myigishirize y'amasomo. ....	57
3.1.4. Ingero z'ibikorwa bihuza uyu mutwe n'ibindi byigwa .....	60
3.1.5. Isuzumabushobozi risoza uyu mutwe: .....	60
<b>3.2. KUBUMBA IBINTU BITANDUKANYE (Umwaka wa kabiri)</b> .....	<b>60</b>
3.2.1. Ubushobozi bw'ingenzi bugamijwe .....	60
3.2.2. Ingingo nsanganyamasomo .....	60
3.2.3. Inama ku myigishirize y'amasomo. ....	61
3.2.4. Ingero z'ibikorwa bihuza uyu mutwe n'ibindi byigwa .....	64

3.2.5. Isuzumabushobozi risoza uyu mutwe: .....	64
<b>3.3. KUBUMBA IBINTU BATEKEREJE BIBONEKA AHO BATUYE (Umwaka wa gatatu).....</b>	<b>65</b>
3.3.1. Ubushobozi bw'ingenzi bugamijwe .....	65
3.3.2. Ingingo nsanganyamasomo. ....	65
3.3.3. Inama ku myigishirize y'amasomo.....	65
3.3.4. Ingero z'ibikorwa bihuza uyu mutwe n'ibindi byigwa .....	70
3.3.5. Isuzumabushobozi risoza uyu mutwe: .....	70
<b>INYIGISHO YA 4: UBUKORIKORI .....</b>	<b>71</b>
<b>4.0. Intangiriro .....</b>	<b>71</b>
4.0.1. Uruhererekane rw'amasomo .....	71
<b>4.1. IBIKORESHO BIVA MU BUKORIKORI (Umwaka wa mbere) .....</b>	<b>7 2</b>
4.1.1. Ubushobozi bw'ingenzi bugamijwe .....	72
4.1.2. Ingingo nsanganyamasomo: .....	72
4.1.3. Inama ku myigishirize y'isomo .....	72
4.1.4. Ingero z'ibikorwa bihuza uyu mutwe n'ibindi byigwa .....	75
4.1.5. Isuzumabushobozi risoza uyu mutwe: .....	75
<b>4.2. GUHANGA IBIKORESHO CYANGWA IBIKINISHO (Umwaka wa kabiri) ..</b>	<b>75</b>
4.2.1. Ubushobozi bw'ingenzi bugamijwe .....	76
4.2.2. Ingingo nsanganyamasomo .....	76
4.2.3. Inama ku myigishirize y'isomo. ....	76
4.2.4. Ingero z'ibikorwa bihuza uyu mutwe n'ibindi byigwa .....	83
4.2.5. Isuzumabushobozi risoza uyu mutwe: .....	84
<b>4.3. GUHANGA IBIKORESHO N'IBIKINISHO BYO MU BUKORIKORI (Umwaka wa gatatu) .....</b>	<b>84</b>
4.3.1. Ubushobozi bw'ingenzi bugamijwe .....	84



4.3.2. Ingingo nsanganyamasomo .....	84
4.3.3. Inama ku myigishirize y'isomo. ....	84
4.3.4. Ingero z'ibikorwa bihuza uyu mutwe n'ibindi byigwa .....	90
4.3.5. Isuzumabushobozi risoza uyu mutwe .....	90
<b>INYIGISHO YA 5: KURIRIMBA INDIRIMBO BAMENYEREYE .....</b>	<b>91</b>
<b>5.0. Intangiriro .....</b>	<b>91</b>
5.0.1. Uruhererekane rw'amasomo.....	91
<b>5.1. KURIRIMBA NO KUBYINA (Umwaka wa mbere) .....</b>	<b>91</b>
5.1.1. Ubushobozi bw'ingenzi bugamijwe .....	91
5.1.2. Ingingo nsanganyamasomo. ....	91
5.1.3. Inama ku myigishirize y'amasomo. ....	92
5.1.4. Ingero z'ibikorwa bihuza uyu mutwe n'ibindi byigwa .....	94
5.1.5. Isuzumabushobozi risoza uyu mutwe.....	95
5.2. KURIRIMBA NO KUBYINA HUBAHIRIZWA INJYANA (Umwaka wa kabiri)....	95
5.2.1. Ubushobozi bw'ingenzi bugamijwe .....	95
5.2.2. Ingingo nsanganyamasomo. ....	95
5.2.3. Inama ku myigishirize y'amasomo. ....	95
5.2.4. Ingero z'ibikorwa bihuza uyu mutwe n'ibindi byigwa .....	98
5.2.5. Isuzumabushobozi risoza uyu mutwe .....	98
<b>5.3 GUHIMBA, KURIRIMBA NO KUBYINA INDIRIMBO (Umwaka wa gatatu) 99</b>	
5.3.1. Ubushobozi bw'ingenzi bugamijwe .....	99
5.3.2. Ingingo nsanganyamasomo. ....	99
5.3.3. Inama ku myigishirize y'amasomo.....	99
5.3.4. Ingero z'ibikorwa bihuza uyu mutwe n'ibindi byigwa .....	102
5.3.5. Isuzumabushobozi risoza uyu mutwe .....	102

<b>INYIGISHO YA 6: IBIKORESHO BYA MUZIKA .....</b>	<b>1 0 4</b>
<b>6.0. Intangiriro .....</b>	<b>104</b>
6.0.1. Uruhererekane rw'amasomo .....	1 0 4
<b>6.1. INKOMOKO Y'AMAJWI (Umwaka wa mbere) .....</b>	<b>104</b>
6.1.1. Ubushobozi bw'ingenzi bugamijwe .....	104
6.1.2. Ingingo nsanganyamasomo .....	104
6.1.3. Inama ku myigishirize y'isomo .....	105
6.1.4. Ingero z'ibikorwa bihuza uyu mutwe n'ibindi byigwa .....	107
6.1.5. Isuzumabushobozi risoza uyu mutwe .....	108
<b>6.2. INKOMOKO Y'AMAJWI (Umwaka wa kabiri) .....</b>	<b>108</b>
6.2.1. Ubushobozi bw'ingenzi bugamijwe .....	108
6.2.2. Ingingo nsanganyamasomo .....	108
6.2.3. Inama ku myigishirize y'isomo .....	108
6.2.4. Ingero z'ibikorwa bihuza uyu mutwe n'ibindi byigwa .....	1 1 1
6.2.5. Isuzumabushobozi risoza uyu mutwe.....	1 1 1
<b>6.3. GUKORESHA IBIKORESHO BYA MUZIKA (Umwaka wa gatatu) .....</b>	<b>1 1 1</b>
6.3.1. Ubushobozi bw'ingenzi bugamijwe .....	1 1 1
6.3.2. Ingingo nsanganyamasomo .....	1 1 1
6.3.3. Inama ku myigishirize y'isomo .....	1 1 2
6.3.4. Ingero z'ibikorwa bihuza uyu mutwe n'ibindi byigwa .....	1 1 4
6.3.5. Isuzumabushobozi risoza uyu mutwe.....	1 1 4

# IGICE CYA MBERE: INTANGIRIRO RUSANGE

## 1.0. Intangiriro

Kugira ngo abarezi b'inshuke bashobore gushyira mu bikorwa integanyanyigisho ishingiyeye ku bushobozi, hakenewe imfashanyigisho zinyuranye ziyiherekeza. Muri zo harimo igitabo cy'umurezi kibafasha gutegura no kwigisha abana b'inshuke ku buryo bwimbitse kandi buboneye.

## 1.1. Impamvu y'iki gitabo

Iki gitabo cyagenewe umurezi wigisha isomo ry'Ubugeni n'umuco mu mashuri y'inshuke mu mwaka wa mbere kugeza mu mwaka wa gatatu. Inyigisho ziri muri iki gitabo zitondetse uherye mu mwaka wa mbere kugeza mu mwaka wa gatatu. Cyateguwe kandi hifashishijwe integanyanyigisho ishingiyeye ku bushobozi yateguwe mu mwaka wa 2015.

## 1.2. Imiterere y'iki gitabo cy'Umurezi

Iki gitabo cy'Umurezi kigizwe n'inyigisho esheshatu (6). Izo nyigisho ni izi zikurikira:

- Inyigisho ya mbere: Gushushanya
- Inyigisho ya kabiri: Kubaka
- Inyigisho ya gatatu: Kubumba
- Inyigisho ya kane: Ubukorikori
- Inyigisho ya gatanu: Kuririmba no kubyina
- Inyigisho ya gatandatu: Ibikoresho bya Muzika

Izi nyigisho zigenda zigaruka muri buri mwaka ariko zigatandukanywa n'imitwe ndetse n'amasomo agize buri mutwe muri buri mwaka. N'ubwo muri iki gitabo cy'Umurezi wigisha mu mashuri y'inshuke, hari inyigisho, imitwe n'amasomo byanogejwe ku buryo usanga bitanditse kimwe n'ibiri mu nteganyanyigisho, ntacyo byangije ku byari biyiteganyijwemo; ahubwo byateguwe hagamijwe korohereza umurezi uburyo bw'imyigishirize myiza kandi inoze mu isomo ry'ubugeni n'umuco.

## 1.3. Ibyo umurezi, umwana n'umubyeyi basabwa mu myigire n'imyigishirize y'isomo ry'ubugeni n'umuco

### 1.3.1. Ibyo umurezi asabwa mu gihe yigisha isomo ry'ubugeni n'umuco

Umurezi asabwa kwita kuri ibi bikurikira igihe yigisha isomo ry'ubugeni n'umuco;

- Kuragwa n'urukundo n'urugwiro ku bana bose;

- Gutegura neza aho abana bigira, ndetse n’aho bakinira;
- Gutegura ibikoresho n’imfashanyigisho;
- Kwita ku mutekano w’abana;
- Kuyobora imikino n’ibikorwa by’abana;
- Gufasha buri mwana kugera ku ntego no ku bushobozi ategerejweho;
- Gutoza abana guhorana isuku aho bari hose;
- Gutoza no gufasha abana kwandurura no gusubiza buri gikoresho cyakoreshejwe mu mwanya wacyo igihe igikorwa runaka kirangiye;
- Guha buri mwana ubufasha akeneye
- Gufasha abana bose kubaka no kuzamura ubushobozi bujyanye n’ikigero cyabo mu isomo ry’ubugeni n’umuco;
- Gutahura abana bafite ibibazo bitandukanye no kubaha ubufasha buhagije kugira ngo bashobore kwiga isomo ry’ubugeni n’umuco nta mbogamizi.

### **1.3.2. Ibyo umwana asabwa mu gihe yiga isomo ry’ubugeni n’umuco**

Igihe umwana yiga isomo ry’ubugeni n’umuco asabwa ibi bikurikira:

- Gutega amatwi amabwiriza ahabwa n’umurezi;
- Gukora ibikorwa byose bijyanye n’isomo ry’ubugeni n’umuco,
- Gusobanurira abandi igihangano ke yakoze;
- Gukorera hamwe na bagenzi be;
- Gusaranganya na bagenzi be ibikoresho baba bahawe;
- Gusobanuzwa umurezi cyangwa n’undi wese wamufasha ku byo adasobanukiwe;
- Kwibwiriza gusukura aho yakoreye;
- Kwibwiriza kwisukura ubwe;
- Kwibwiriza kwandurura no gusubiza ibikoresho yakoresheje mu mwanya wabyo.

### **1.3.3. Ibyo umubyeyi asabwa igihe akurikirana imyigire y’umwana mu isomo ry’ubugeni n’umuco**

Ababyeyi bagira uruhare rugaragara mu gufasha abana mu bikorwa bijyanye n’ubugeni n’umuco mu buryo bukurikira:

- Gukundisha abana ibikorwa bijyanye n’ubugeni n’umuco;

- Gushakira abana ibikoresho bikenerwa mu isomo ry’ubugeni n’umuco;
- Guha umwana umwanya uhagije umutega amatwi;
- Gufasha umwana gukora neza umukoro yahawe umwerekera uko uwo mukoro ukorwa;
- Kuririmbira umwana;
- Gushimira umwana ku byo yakozze;
- Gutoza umwana kugira isuku aho ari hose
- Gutoza umwana kugira no kurangwa n’ikinyabupfura
- Gukundisha umwana isomo ry’ubugeni n’umuco.

#### **1.4. Imikoreshereze y’igitabo cy’umunyeshuri**

Umurezi igihe ari kwigisha isomo ry’ubugeni n’umuco ni byiza kureba ko buri mwana afite igitabo. Umurezi asabwa kureba mu gitabo cy’umunyeshuri aho isomo agiye kwigisha rihereye agasaba abana kurambura ku rupapuro ririho. Ibyo bi rinda umwana kurambura aho yishakiye hadafitanye isano n’isomo bagiye kwiga. Umurezi kandi abaza abana ibibazo bijyanye n’ibyo babona kuri urwo rupapuro. Igihe abana basubiza ibyo babona mu gitabo, byorohereza umurezi kwinjiza abana mu isomo kuko ibyo babona mu gitabo bifitanye isano n’igikorwa gisabwa kuri iryo somo.

Nyuma y’uko abana bavuze ibyo babonye mu gitabo, umurezi aboneraho kubasaba gukora igikorwa gisa nk’icyo babonye mu gitabo. Ibyo bizaborohereza guhita bakora icyo gikorwa kuko bazaba barebera mu gitabo bafite. Mu igihe abana bakoresha ibitabo, babifashwamo n’umurezi ari nako abibutsa uburyo bwo kubifata neza.

#### **1.5. Kwita ku burezi bw’abana bafite ibyo bagenerwa byihariye mu myigire yabo**

Umurezi agomba kumenya abana bafite ibibazo byihariye ndetse n’impano zinyuranye kugira ngo ashobore kubitaho ku buryo bwihariye. Agomba kubashakira imikoro yihariye, kubabaza ibibazo byihariye ndetse no kubategurira ibikorwa byihariye kandi yitaye ku byo buri mwana akeneye mu myigire ye.

#### **1.6. Isuzumabushobozi**

Isuzumabushobozi ku isomo ry’ubugeni n’umuco ni igikorwa gikorwa n’umurezi hagamijwe kureba intambwe umwana agenda atera mu kubaka ubushobozi runaka burebana n’ubugeni. Iri suzumabushobozi rikorwa haba mu ntangiriro y’igikorwa cy’umwana, mu gihe k’igikorwa nyirizina cyangwa mu gusozza igikorwa. Iyo hakorwa isuzumabushobozi, umurezi yita kureba niba umwana ari kugera ku ntego

z'igikorwa. Ibi abikora yitegereza uko umwana akora igikorwa, akamubaza ibibazo bijyanye n'ibyo ari gukora hagamijwe kumva uko umwana asobanura ibyo yakoze n'uko abihuza n'isomo yize.

Isuzumabushobozi rikorwa kandi, umurezi areba ibyo umwana yakoze akabigereranya n'ibyo yakoze mu gihe cyashize, ari nako amusaba kugaragaza itandukaniro riri hagati y'ibyo amaze gukora, ibyo yakoze ndetse n'iby'abandi bakoze mu isomo ry'ubugeni n'umuco. Mu gusuzuma kandi, umurezi areba uko umwana yitabira igikorwa, umwete agikorana, uko agisobanura n'uko afatanyaga n'abandi.

Umurezi agomba guha agaciro ibikorwa byose umwana yakoze niyo mpamvu kureba ireme n'ubwiza bw'ibyo umwana yakoze cyangwa yahanze ataricyo cyingenzi mu bugeni n'umuco, ahubwo gushima ibyo yakoze no kumugira inama yibyo yakora kugirango akore ibyiza kurenzaho ni cyo k'ingenzi.

Ni byiza ko ibyo abana bakoze bishyirwa mu ishuri aho babireba bakaba babyifashisha mu mikino no mu mbyino, ibindi bikaba byashyirwa mu nguni z'ibikorwa zitandukanye.

# IGICE CYA KABIRI: IMYIGISHIRIZE YA BURI NYIGISHO

INYIGISHO YA  
MBERE

GUSHUSHANYA

## 1.0. Intangiriro

Ibikorwa by'ubugeni n'umuco ni ingenzi ku bana biga mu mashuri y'inshuke kuko umwana abyigiramo amasomo atandukanye.

Iyo abana batangiyeye amashuri y'inshuke, biga gushushanya bahereye ku misharabiko. icyo gihe bashimishwa no gusharabika ibintu bitandukanye byaba ibyo bihitiyemo cyangwa se ibyo beretswe n'umurezi wabo. Inyigisho nyinshi zigishwa mu mashuri y'inshuke, zigenda ziganisha mu gufasha umwana gushushanya ibyo yihitiyemo kandi umurezi akabimufashamo.

Ni muri urwo rwego rero mu mwaka wa mbere w'amashuri y'inshuke, gushushanya byigwa mu masomo umunani (8), mu mwaka wa kabiri bikigwa mu amasomo ane (4), mu gihe mu mwaka wa gatatu byigwa mu masomo abiri (2).

### 1.0.1. Imbanerahamwe ikurikira igaragaza uruhererekane rw'amasomo yo muri iyi nyigisho

Umwaka	Umutwe	Amasomo
<b>Umwaka wa mbere w'inshuke</b>	Guhanga amashusho abana bihitiyemo cyangwa bahawe	Isomo rya 1: Gushushanya akoresheje intoki n'ikiganza Isomo rya 2: Gusubira mu ishusho Isomo rya 3: Kwandika ukoresheje intoki Isomo rya 4: Gukora ishusho ukoresheje intoki ziriho irangi Isomo rya 5: Gukoresha ikiganza kiriho irangi Isomo rya 6: Gusiga irangi Isomo rya 7: Gusiga irangi mu ishusho Isomo rya 8: Gusiga amabara mu mashusho bikoreye hakoreshejwe amakaramu yabugenewe

<b>Umwaka wa kabiri w'inshuke</b>	Guhanga amashusho	Isomo rya 1: Gushushanya amashusho bikoreye cyangwa bahawe  Isomo rya 2: Gusiga amabara amashusho bikoreye cyangwa bahawe  Isomo rya 3: Gusiga irangi amashusho bikoreye cyangwa bahawe  Isomo rya 4: Gutera irangi
<b>Umwaka wa gatatu w'inshuke</b>	Guhanga ibintu agaragaza ibitekerezo bye n'imbamutima	Isomo rya 1: Gushushanya inkuru  Isomo rya 2: Gusiga amabara mu nkuru yashushanyije no kuyisobanura yifashishije amashusho yayo.

## **1.1. GUHANGA AMASHUSHO ABANA BIHITIYEMO CYANGWA BAHawe (Umwaka wa mbere)**

### **1.1.1. Ubushobozi bw'ingenzi bugamijwe**

Abana bazaba bashobora guhanga amashusho y'ibintu bitandukanye bakoresheje ibikoresho by'ubugeni mberajisho biboneka aho batuye.

### **1.1.2. Ingingo nsanganyamasomo**

- Umuco w'amahoro n'indangagaciro: Isaranganya ry'ibikoresho igihe bashushanya ni kimwe mu bizatuma abana bashobora kubana mu mahoro kandi buri wese abashe kunyurwa n'ibikoresho ahawe, bityo bimwubakemo umuco wo kwihangana agategereza abandi mu gihe akeneye guhindura ibikoresho.
- Uburinganire n'ubwuzuzanye bw'ibitsina byombi: Mu bikorwa byateguwe n'umurezi mu kwigisha gushushanya abakobwa n'abahungu bagiramo uruhare rungana.
- Uburezi budaheza: Mu gihe abana bazaba bashushanya cyangwa basiga amabara, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi yemerera abana guhagarara cyangwa kwicara aho biborohera kubona no kumva neza.
- Kwita ku bidukikije: Abana batozwa gushushanya no gusiga amarangi ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.



### 1.1.3. Inama ku myigishirize y'amasomo

Guhanga amashusho hifashishijwe ibikoresho bitandukanye, ni ngombwa cyane ko umwana utangira umwaka wa mbere w'amashuri y'inshuke, akenera amasomo n'ibikorwa bizamura ubwenge bwe, ingingo ze ndetse n'iterambere mu rurimi. Mu bugeni n'umuco, umurezi ni ngombwa ko yita ku myaka n'ikigero cy'umwana. Niyo mpamvu mu guhanga amashusho, abana batangira bamenyerezwa gukoresha amaboko n'ibiganza byabo bafashwa kumenyerezwa gufata no gukoresha ibikoresho byose byifashishwa mu bugeni. Ni ngombwa gufasha abana ibikorwa byabo byose no gushima amashusho abana bihangiyeye.

#### Isomo rya 1: Gushushanya akoresheje intoki n'ikiganza



*Abana bashushanya bakoresheje intoki.*

- a. **Intego y'isomo:** Kumenyereza umwana gushushanya akoresheje intoki ze n'ikiganza.
- b. **Imfashanyigisho:** urupapuro, umucanga, ubutaka, amashusho n'amafoto agaragaza abana bashushanya bakoresheje intoki ibiganza.
- c. **Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo cy'Ubugeni n'umuco,
  - Isaranganyamasomo mu mashuri y'inshuke,

- Imfashanyigisho y'amahugurwa ku nteganyanyigisho y'uburezi bw'inshuke
- Ibindi bitabo bifitanye isano n'ubugeni n'umuco ku mashuri y'inshuke

#### d. Ibice by'isomo

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
Intangiriro Iminota	<ul style="list-style-type: none"> <li>- Kwereka abana amashusho cyangwa amafoto agaragaza abana bashushanya ibintu bitandukanye bakoresheje intoki cyangwa ibiganza.</li> <li>- Kubaza abana ibibazo bijyanye n'amashusho cyangwa amafoto beretswe.</li> </ul> <p><i>Urugero rw'ikibazo cy'umurezi:</i> Abana mubona kuri aya mashusho, bari gukora iki?</p>	<ul style="list-style-type: none"> <li>- Kwitegereza amashusho cyangwa amafoto agaragaza abana bashushanya ibintu bitandukanye bakoresheje intoki n'ibiganza berekwa n'umurezi.</li> <li>- Gusubiza ibibazo bibajijwe n'umurezi</li> </ul> <p><i>Urugero rw'igisubizo cy'umwana:</i> Turabona abana bari gushushanya bakoresheje intoki n'ikiganza.</p>	Amashusho cyangwa amafoto
Ibikorwa bijyanye n'isomory'umunsi Iminota	<ul style="list-style-type: none"> <li>- Gutanga amabwiriza akubiyemo ibikorwa byo gushushanya bitandukanye bakoresha urutoki n'ikiganza.</li> <li>- Gusohora abana hanze y'ishuri, bagakora igice cy'uruziga, akabasaba kwitegereza uko ashushanya ku butaka akoresheje urutoki rwe n'ikiganza.</li> </ul>	<ul style="list-style-type: none"> <li>- Gutega amatwi amabwiriza akubiyemo ibikorwa byo gushushanya bitandukanye bakoresha urutoki n'ikiganza.</li> <li>- Gusohoka hanze y'ishuri bagakora igice cy'uruziga bakitegereza uko umurezi ashushanya hasi ku butaka akoresheje urutoki n'ikiganza.</li> </ul>	Ubutaka, (umucanga n'ifu bishobora gukoreshwa muri iki gikorwa igihe ari byo byabonetse).
	<ul style="list-style-type: none"> <li>- Gusaba abana Gushushanya ibyo bihiteyemo hasi ku butaka bakoresheje intoki n'ibiganza</li> <li>- Kwitegereza uko abana bashushanya hasi ku butaka, bakoresheje intoki n'ibiganza, utanga ubufasha aho biri ngombwa.</li> </ul>	<ul style="list-style-type: none"> <li>- Gushushanya hasi ku butaka bakoresheje urutoki n'ikiganza.</li> <li>- Kubaza ibibazo umurezi aho bagize imbogamizi no gutega amatwi inama abagira.</li> </ul>	

<b>Umusozo</b> Iminota	- Kubaza abana ibyo bashushanyije.	- Kuvuga ibyo bashushanyije.	
<b>Ibikorwa by'isuzuma/umukoro wo mu rugo</b> Iminota	- Gusaba abana kugaragaza uko bashushanyije ku butaka bakoresheje urutoki n'ikiganza bigana uko babikoze.  - Gusaba abana gushushanya bakoresheje urutoki n'ikiganza bakabikora bageze mu rugo kandi bakabyereka ababyeyi kugira ngo babafashe.	- Kugaragaza uko bashushanyije ku butaka bakoresheje urutoki n'ikiganza bigana uko babikoze  - Gukora umukoro bahawe n'umurezi bageze mu rugo bakabyereka ababyeyi ngo babafashe.	Ubutaka, (umucanga n'ifu bishobora gukoreshwa muri iki gikorwa igihe ari byo byabonetse).

### Isomo rya kabiri : Gusubira mu ishusho

**a) Intego y'isomo :** Gushushanya yigana amashusho akoresheje uburyo n'ibikoresho binyuranye.

**b) Imfashanyigisho :** ikaramu y'igiti, amakaramu y'amabara, uduzi, irangi rishushanya, umucanga.

**c) Ibikorwa by'imyigire n'imyigishirize**

- Umurezi abwira abana agakuru k'umwana wakundaga gushushanya maze ababyeyi be bakamuhemba;
- Abana batega amatwi inkuru babwirwa n'umurezi;
- Umurezi abaza abana igikorwa umwana uvugwa mu nkuru yakoraga;
- Abana basubiza ibibazo cy'umurezi bagaragaza ko umwana yakundaga gushushanya;
- Umurezi abaza abana niba bakunda gushushanya;
- Umurezi abwira abana ko nabo bagiye gushushanya bakabikora bigana ishusho yabateguriye;
- Umurezi yerekera abana uko bakoresha ibikoresho bitandukanye byo gushushanya hanyuma, bagahitamo ibyo bari bukoresha;
- Abana batangira gushushanya bigana ishusho umurezi yatanze;
- Umurezi yegera buri mwana areba uko akora igikorwa cyo gushushanya agatanga inama n'ubufasha aho biri ngombwa;

- Umurezi asaba abana kumanika ibyo bashushanyije ahabugenewe;
- Mu gusoza, umurezi afatanyije n’abana bashimira buri mwana umwe kuri umwe ku bw’igishushanyo yashushanyije;
- Umurezi asaba abana gukusanya ibikoresho bakoreshaga;
- Umurezi asaba abana gukora isuku y’ibikoresho bakoreshaga barangiza bakabibika ahabugenewe;
- Mu gusoza isomo, abana bakora isuku aho bakoreraga ndetse n’isuku yo ku mubiri wabo.

### **Isomo rya gatatu: Kwandika ukoresheje intoki**

**a) Intego y’isomo:** Kumenyereza umwana kwandika akoresheje intoki ze.

**b) Imfashanyigisho:** impapuro, umucanga, ubutaka, ingwa, ifu, amashusho, amafoto agaragaza abana bandika bakoresheje intoki n’ibiganza.

#### **c) Ibikorwa by’imyigire n’imyigishirize**

- Umurezi yereka abana amashusho cyangwa amafoto agaragaza abana barimo kwandika ibintu bitandukanye bakoresheje intoki;
- Abana bitegereza amafoto agaragaza abana barimo kwandika ibintu bitandukanye bakoresheje intoki;
- Umurezi abaza abana uko igikorwa abana bagaragara mu mashusho barimo gukora;
- Abana basubiza ko mu mashusho hagaragaramo abana bari kwandika;
- Umurezi abwira abana ko nabo bagiye gukora igikorwa cyo kwandika bakoresheje urutoki;
- Umurezi asaba abana gusohoka bakajya ahari umucanga wateguwe bagakora igice cy’uruziga;
- Umurezi yerekera abana uko bakoresha urutoki bandika mu mucanga;
- Umurezi asaba abana gukoresha urutoki bakandika icyo bashaka ku mucanga;
- Abana bakoresha urutoki bandika icyo bihitiyemo;
- Umurezi agera kuri buri mwana areba icyo yashushanyije agatanga ubufasha aho biri ngombwa;
- Abana basobanurira umurezi na bagenzi babo ibyo bakoze n’uko babikoze;
- Umurezi ashimira abana bose muri rusange ku gikorwa bamaze gukora akabasaba ko nibagera mu rugo bagikomeza kandi bakereka ababyeyi babo;
- Umurezi asoza isomo asaba abana gukaraba intoki n’isabune.

## **Isomo rya kane: Gukora ishusho ukoresheje intoki ziriho irangi**

**a) Intego y'isomo:** Gushushanya ishusho yoroheje bakoresheje intoki ziriho irangi.

**b) Imfashanyigisho:** impapuro, igitambaro, irangi, amazi, isabune.

**c) Ibikorwa by'imyigire n'imyigishirize**

- Umurezi abwira abana agakuru kajyanye n'umwana wakundaga gushushanya akoresheje urutoki yokojeje mu irangi maze ababyeyi bakamuhemba;
- Abana basubiramo inkuru umurezi amaze kubabwira;
- Umurezi asaba abana kuvuga igikorwa umwana uvugwa mu nkuru yakundaga gukora;
- Abana basubiza ko umwana uvugwa mu nkuru yakundaga gushushanya;
- Umurezi abaza abana niba nabo bakunda gushushanya;
- Umurezi asaba abana guhaguruka mu ntebe bakajya aho bashobora gukora igice cy'uruziga;
- Umurezi abwira abana ko bagiye gushushanya bakoresheje intoki ziriho irangi;
- Umurezi atanga urugero rw'uko bashushanyisha urutoki ruriho irangi akabikora afata urutoki rwe akarukoza mu irangi ry'amazi, yarangiza akarushushanyisha ku rupapuro cyangwa igitambaro;
- Umurezi aha ibikoresho abana akabasaba gushushanya icyo bashaka bakoresheje intoki ziriho irangi;
- Abana bashushanya ibyo bihitiyemo bakoresha intoki ziriho irangi;
- Igihe abana barimo bashushanya, umurezi agenda areba uko babikora akanatanga ubufasha ku babukeneye;
- Umurezi asaba abana kurambika cyangwa kumanika ahabugenewe ibyo bashushanyije bakabyitegereza bagashima ubwiza bw'igishushanyo cya buri mwana;
- Mu gusoza, umurezi asaba abana gukora isuku y'ibikoresho bakoresheje, iy'aho bakoreye ndetse n'iy'umubiri wabo bakaraba intoki n'amazi meza kandi bakoresheje isabune.

## **Isomo rya gatanu: Gukoresha ikiganza kiriho irangi**

**a) Intego y'isomo:** Gukora ishusho yoroheje bakoresheje ikiganza kiriho irangi.

**b) Imfashanyigisho:** impapuro, igitambaro, irangi, amazi, isabune.

**c) Ibikorwa by'imyigire n'imyigishirize:**

- Umurezi asaba abana gukurikira inkuru agiye kubabwira;
- Umurezi abwira abana agakuru k'umwana wakundaga gukoza ikiganza mu irangi maze akacyomeka ku rupapuro, yagikuraho akabona cya kiganza kishushanyije kuri rwa rupapuro; nuko agahaguruka yishimye akajya kwereka ababyeyi;
- Umurezi abaza abana icyo bumvise mu nkuru;
- Abana basubiza ibibazo byabajijwe n'umurezi;
- Umurezi abaza abana niba biteguye gukora amashusho bifashishije uburyo bwo komeka ikiganza kiriho irangi ;
- Umurezi asaba abana gukora igice cy'uruziga aho bitegereza umurezi ukuntu atanga urugero rwo gukora ishusho akoresheje ikiganza kiriho irangi;
- Umurezi agenda asobanura intambwe bikorwamo;
- Umurezi aha ibikoresho abana akabibutsa ko ari byiza kubisaranganya kugira ngo buri wese abone igikoresho cyo gukoresha;
- Abana bakora amashusho atandukanye ajoyanye n'uko babyifuzaga;
- Mu gihe abana bari mu gikorwa cyo gukora amashusho, ni byiza ko umurezi agera kuri buri mwana areba uko akora igikorwa ari nako atanga inama aho biri ngombwa;
- Abana bafashijwe n'umurezi, bamanika ahabugenewe ibihangano byabo bakoze kandi agashimira buri mwana ku gishushanyo yakoze;
- Umurezi asaba abana gukusanya ibikoresho bakabikorera isuku mbere yo kubibika kandi bakibuka no gukora isuku y'umubiri wabo bakaraba n'amazi meza n'isabune.

## **Isomo rya gatandatu: Gusiga irangi**

**a) Intego y'isomo:** Gusiga irangi ahantu hateguwe akoresheje ibikoresho by'ubugeni.

**b) Imfashanyigisho:** impapuro, igitambaro, irangi, amazi, uburoso, ipamba, igifufuma, n'ibindi.

**c) Ibikorwa by'imyigire n'imyigishirize**

- Umurezi asaba abana gutuza barangiza akababwira ko agiye kubaririmbira
- Umurezi aririmbira abana indirimbo yitwa « Nkunda gusiga irangi »

**NKUNDA GUSIGA IRANGI**

Mu gi to ndo cya ka re a ba na bi shi mye ba ri ri mba ba se ka la la la  
 la la la la la la la nku nda gu si g'i ra ngi kui shu ri no mu ru go na ha ta ts'u  
 tu ra byo du si ze ne za cya ne du si ze ne za cya nee

- Abana bumva indirimbo;
- Umurezi abaza abana icyo umwana uvugwa mu ndirimbo ari gukora;
- Abana basubiza ko umwana uvugwa mu ndirimbo ari gusiga irangi;
- Umurezi abwira abana ko nabo bagiye kumwigana basiga irangi;
- Umurezi asaba abana gukora igice cy'uruziga barangiza akaberekera uko basiga irangi;
- Umurezi ahereza abana ibikoresho byo gusiga irangi;
- Abana batangira gusiga amarangi bakurikije amarangamutima yabo;
- Umurezi areba uko abana bakora igikorwa atanga ubufasha aho biri ngombwa;
- Abana bamurika aho basize amarangi umurezi afatanyije nabo bashimira buri mwana ku gikorwa yakoze;
- Abana basukura ibikoresho n'aho bakoreye ndetse bakanakora isuku yabo bakaraba amazi meza n'isabune.

## Isomo rya 7: Gusiga irangi mu ishusho

a) **Intego y'isomo:** Gusiga irangi ahantu hateguwe akoresheje ibikoresho by'ubugeni.

b) **Imfashanyigisho:** urupapuro, amashusho, igitambaro, irangi, amazi, uburoso, ipamba, igifufuma n'ibindi.

c) **Ibikorwa by'imyigire n'imyigishirize:**

- Umurezi asaba abana gutuza barangiza akababwira ko agiye kubarimbira;
- Umurezi arimbira abana indirimbo yitwa « Nkunda gusiga irangi »

### NKUNDA GUSIGA IRANGI

Mu gi to ndo cya ka re a ba na bi shi mye ba ri ri mba ba se ka la la la  
la la la la la la la nku nda gu si g'i ra ngi kui shu ri no mu ru go na ha ta ts'u  
tu ra byo du si ze ne za cya ne du si ze ne za cya neee

- Abana bumva indirimbo baririmbirwa n'umurezi;
- Umurezi abaza abana icyo umwana uvugwa mu ndirimbo ari gukora;
- Abana basubiza ko umwana uvugwa mu ndirimbo ari gusiga irangi;
- Umurezi abwira abana ko nabo bagiye kumwigana basiga irangi;
- Umurezi asaba abana gukora igice cy'uruziga barangiza akaberekera uko basiga irangi;
- Umurezi ahereza abana ibikoresho byo gusiga irangi;
- Abana batangira gusiga amarangi bakurikije amarangamutima yabo;
- Umurezi areba uko abana bakora igikorwa atanga ubufasha aho biri ngombwa;
- Abana bamurika aho basize irangi;
- Umurezi afatanyije n'abana bashimira buri mwana ku gikorwa yakoze;
- Abana basukura ibikoresho naho bakoreye ndetse bakanakora isuku yabo bakaraba amazi meza n'isabune.



## Isomo rya 8: Gusiga amabara mu mashusho abana bikoreye

a) **Intego y'isomo:** Gusiga amabara mu mashusho akoresheje ibikoresho binyuranye.

b) **Imfashanyigisho:** amashusho yashushanyijwe n'abana, amakaramu y'amabara, agacongesho n'ibindi.

c) **Ibikorwa by'imyigire n'imyigishirize:**

- Umurezi asaba abana gutuza barangiza akababwira ko agiye kubaririmbira;
- Umurezi aririmbira abana indirimbo yitwa « Nkunda gusiga amabara »

### NKUNDA GUSIGA IRANGI

Mu gi to ndo cya ka re a ba na bi shi mye ba ri ri mba ba se ka la la la  
la la la la la la la nku nda gu si g'i ra ngi kui shu ri no mu ru go na ha ta ts'u  
tu ra byo du si ze ne za cya ne du si ze ne za cya nee

- Abana bumva indirimbo baririmbirwa n'umurezi ;
- Umurezi abaza abana icyo umwana uvugwa mu ndirimbo akunda gukora;
- Abana basubiza ko umwana uvugwa mu ndirimbo akunda gusiga amabara;
- Umurezi abwira abana ko nabo bagiye kumwigana basiga amabara;
- Umurezi asaba abana gukora igice cy'uruziga barangiza akaberekera uko basiga amabara;
- Umurezi aha abana ibikoresho byo gusiga amabara;
- Abana batangira gusiga amabara bakurikije amarangamutima yabo;
- Umurezi areba uko abana bakora igikorwa cyo gusiga amabara, atanga ubufasha aho biri ngombwa;
- Abana bereka umurezi na bagenzi babo uko basize amabara mu mashusho;
- Umurezi afatanyije n'abana bashimira buri mwana ku gikorwa yakoze;
- Abana basukura ibikoresho naho bakoreye ndetse bakanakora isuku yabo bakaraba amazi meza n'isabune.

#### 1.1.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Amagambo mashya no kunoza imvugo ijyanye n'amazina y'ibikoresho by'ubugeni mberajisho ndetse n'amashusho bahawe cyangwa bakoze.
2	<b>Iterambere mu mibanire n'abandi n'imbamutima</b>	Kwishimira igishushanyo ke no gushima iby'abandi bashushanyije.
3	<b>Ibonezabuzima</b>	Gukaraba intoki, Gusukura aho bakoreye, Guhuza imiyego y'intoki n'iy'amaso.
4	<b>Imibare</b>	Mu mamshusho bubaka harimo amashushongerero
5	<b>Ibidukikije</b>	Igihe bazaba bashushanya amashusho y'ibintu bitandukanye biboneka mu bidukikije.  Gusukura aho bakoreye bijyanye no gufata neza ibidukikije.

#### 1.1.5. Isuzumabushobozi risoza uyu mutwe

Umurezi agomba kwibuka ko isuzumabushobozi ry'amasomo agize uyu mutwe wo guhanga amashusho abana bihitiyemo cyangwa bahawe, rikorwa buhorobuhoro abana bari mu gikorwa kandi hitabwa ku kureba uko bakora n'ibisobanuro batanga ku byo bakoze aho gushingira ku bwiza bw'ibyo bakoze.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije.

Ibihangano abana bakoze bijyanye no guhanga amashusho, bimurikwa ahagaragara aho buri wese abasha kubireba.

### 1.2. GUHANGA AMASHUSHO (Umwaka wa kabiri)

#### 1.2.1. Ubushobozi bw'ingenzi bugamijwe

Abana bazaba bashobora guhanga amashusho yabo bwite bakoresheje uburyo n'ibikoresho binyuranye by'ubugeni mberajisho.

#### 1.2.2. Ingingo nsanganyamasomo

- Umuco w'amahoro n'indangagaciro: Isaranganya ry'ibikoresho igihe bashushanya, gusiga amabara cyangwa amarangi no gutera irangi ni kimwe

mu bizatuma abana bashobora kubana mu mahoro kandi buri wese abashe kunyurwa n'ibikoresho ahawe. Ibi bizamwubakamo umuco wo kwihangana agategereza abandi mu gihe akeneye guhindura ibikoresho.

- Uburinganire n'ubwuzuzanye bw'ibitsina byombi: Mu bikorwa byateguwe n'umurezi mu kwigisha gushushanya, gusiga amabara cyangwa amarangi no gutera irangi, abakobwa n'abahungu bagiramo uruhare rungana.
- Uburezi budaheza: Mu gihe abana bazaba bashushanya, basiga amabara cyangwa amarangi ndetse banatera irangi, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi agomba kwita no kumenya umwihariko wa buri mwana mu bushobozi bwo gukora ibintu bitandukanye kugira ngo amenye ubufasha bwihariye yamugenera.
- Kwita ku bidukikije: Abana batozwa gushushanya, gusiga amabara cyangwa amarangi no gutera irangi, ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye ndetse nabo ubwabo bakisukura.

### 1.2.3. Inama ku myigishirize y'amasomo

Mu mwaka wa kabiri w'amashuri y'inshuke, abana benshi baba bari mu kigero kiri hagati y'imyaka 4 – 5. Aba bana baba baratangiye kumenyera gukoresha ibikoresho byifashishwa mu bugeni. Ni muri urwo rwego umurezi agomba kumenya ko guha abana amashusho bahanga bidahagije gusa, ahubwo ko bashobora kwihangira ayabo bashaka.

Nk'ibisanzwe, umurezi afasha abana mu bikorwa byose bakora. Akanabayobora mu guhanga amashusho yabo bibanda ku masomo mashya babonera mu mwaka wa kabiri w'inshuke nko gutera amarangi. Ibyo abana bakora ni ingenzi kubishima no kubafasha kuzamura urwego rwo kugera ku yindi ntera mu guhanga amashusho.

### Isomo rya 1: Gushushanya ibintu bishakiye

a. **Intego y'isomo:** Gushushanya ibintu bishakiye.

b. **Imfashanyigisho:** impapuro, ikaramu y'igiti, amakaramu y'amabara, n'ibindi.

c. **Ibitabo byifashishijwe:**

- Inyoborabarezi yo mu mashuri y'inshuke;
- Igitabo cy'Ubugeni n'umuco;
- Isaranganyamasomo mu mashuri y'inshuke;

- Imfashanyigisho y'amahugurwa ku nteganyanyigisho y'uburezi bw'inshuke;
- Ibindi bitabo bifitanye isano n'ubugeni n'umuco ku mashuri y'inshuke.

#### d. Ibice by'isomo

Intambwe n'igihe (kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
<p><b>Intangiriro</b></p> <p>Iminota</p>	<ul style="list-style-type: none"> <li>- Kwereka abana ibishushanyo bitandukanye cyangwa amafoto agaragaza abana bari gushushanya;</li> <li>- Kubaza abana ibibazo bijyanye n'amashusho cyangwa amafoto beretswe.</li> </ul> <p><i>Urugero rw'ikibazo cy'umurezi:</i></p> <p>Ni iki bana bagaragara mu mashusho barimo gukora?</p> <ul style="list-style-type: none"> <li>- Gushyira abana ku gice cy'uruziga bicaye no kubaha ibikoresho byo gushushanya no gushushanyirizaho.</li> </ul>	<ul style="list-style-type: none"> <li>- Kwitegereza ibishushanyo bitandukanye cyangwa amafoto agaragaza abana bashushanya berekwa n'umurezi;</li> <li>- Gusubiza ibibazo bibajijwe n'umurezi ku mashusho n'amafoto.</li> </ul> <p><i>Urugero rw'igisubizo cy'umwana:</i></p> <p>Bari gushushanya</p> <ul style="list-style-type: none"> <li>- Kujya ku gice cy'uruziga no kwakira ibikoresho byo gushushanya no gushushanyirizaho.</li> </ul>	<p>Amashusho cyangwa amafoto y'abana bari gushushanya, impapuro, amakaramu y'ibiti n'ibindi.</p>
<p><b>Ibikorwa bijyanye n'isomo ry'umunsi</b></p> <p>Iminota</p>	<ul style="list-style-type: none"> <li>- Kwereka abana igishushanyo kinini cyangwa ifoto nini igaragara iriho ibishushanyo bitandukanye (biri ku kigero cyabo kandi bihura n'insanganyamatsiko igezweho).</li> <li>- Kubaza abana amazina y'ibishushanyo beretswe</li> </ul>	<ul style="list-style-type: none"> <li>- Kwitegereza igishushanyo kinini cyangwa ifoto nini igaragara iriho ibishushanyo bitandukanye.</li> <li>- Gusubiza ibibazo bibazwa n'umurezi basubiza amazina y'ibishushanyo beretswe</li> </ul>	<p>Amashusho cyangwa amafoto y'abana bari gushushanya, impapuro, amakaramu y'ibiti n'ibindi</p>

	<p><i>Urugero rw'ikibazo cy'umurezi:</i></p> <p>Ni ayahe mazina y'ibintu mubona kuri aya mashusho?</p> <p>(abana basubiza ikibazo bakurikije ibyo babona ku mashusho beretswe)</p> <ul style="list-style-type: none"> <li>- Gusaba abana gushushanya ibyo bihitiyemo ku mpapuro bakoresheje amakaramu y'ibiti.</li> <li>- Kwitegereza uko abana bashushanya ku mpapuro bakoresheje ikaramu y'igiti, no gutanga ubufasha aho biri ngombwa.</li> </ul>	<p><i>Urugero rw'igisubizo cy'abana:</i></p> <p>Turabonaho imirongo, inyanya, avoka, ikijumba, ikiganza.</p> <ul style="list-style-type: none"> <li>- Gushushanya ibyo bihiteyemo ku mpapuro bakoresheje amakaramu y'ibiti.</li> <li>- Gusozza igikorwa cyo gushushanya basaba umurezi ubufasha igihe biri ngombwa.</li> </ul>	<p>Amashusho cyangwa amafoto y'abana bari gushushanya, impapuro, amakaramu y'ibiti n'ibindi</p>
<p><b>Umusozo</b> Iminota</p>	<ul style="list-style-type: none"> <li>- Kubaza abana ibyo bashushanyije.</li> </ul>	<ul style="list-style-type: none"> <li>- Kuvuga ibyo bashushanyije.</li> </ul>	
<p><b>Ibikorwa by'isuzuma/ umukoro wo mu rugo</b> Iminota</p>	<ul style="list-style-type: none"> <li>- Gusaba abana kugaragaza uko bashushanyije ku mpapuro ukanabashimira ibyo bakoze</li> <li>- Gufatanya n'abana gutunganya aho bakoreye no kubika neza ahabugenewe ibikoresho byakoreshejwe.</li> <li>- Guha abana umukoro ubasaba gushushanya igikoresho kimwe cyo mu rugo buri wese yihitiyemo kandi bakabyereka ababyeyi kugira ngo babafashe aho biri ngombwa.</li> </ul>	<ul style="list-style-type: none"> <li>- Kwereka umurezi ibyo bashushanyije kugira ngo abashimire.</li> <li>- Gufatanya n'umurezi gutunganya aho bakoreye no kubika neza ahabugenewe ibikoresho byakoreshejwe.</li> <li>- Gukora umukoro bahawe n'umurezi ubasaba gushushanya igikoresho kimwe cyo mu rugo buri wese yihitiyemo kandi bakibuka kwereka ababyeyi ibyo bakoze.</li> </ul>	<p>Amashusho cyangwa amafoto y'abana bari gushushanya, impapuro, amakaramu y'ibiti n'ibindi.</p> <p>ikaramu y'igiti n'impapuro.</p>


## Isomo rya 2: Gusiga amabara amashusho bikoreye cyangwa bahawe

- a. **Intego y'isomo:** Gusiga amabara amashusho bikoreye cyangwa bahawe.
- b. **Imfashanyigisho:** ikaramu y'igiti, agacongesho n'agahanaguzo, amakaramu y'amabara, impapuro zikomeye, ibikoresho by'isuku: ibase, amazi, isabune, agatebo kajyamo imyanda, n'ibindi.
- c. **Ibikorwa by'imyigire n'imyigishirize:**

Mu myigire n'imyigishirize yiri somo, ibikorwa bishobora gukorwa mu buryo bukurikira:

- Umurezi asaba abana kumwerekana ibyo bashushanyije ku umukoro bahawe mu isomo bize ubushize;
- Abana berekana ibyo bashushanyije;
- Umurezi ashimira ibyo abana bakoze mu mukoro bahawe bigakorwa mu buryo bidatinda kugira ngo hatangire isomo rishya;
- Umurezi yereka abana amashusho cyangwa amafoto ariho ibintu bitandukanye bisize amabara;
- Umurezi abaza abana ibyo babonye ku mashusho cyangwa amafoto;
- Abana bavuga ibyo babonye ku mashusho;
- Umurezi yica abana neza ku ruziga kandi mu buryo bworohera buri wese hagendewe ku bushobozi bwe;
- Umurezi aha abana ibikoresho bitandukanye birimo impapuro cyangwa amakayi (iyo ahari), amakaramu y'amabara, n'ibindi byakoreshwa mu isomo bitewe n'ibyo ishuri rifite;
- Umurezi asaba abana gushushanya ibyo bishakiye ukabasaba no kubisiga amabara atandukanye;
- Abana bashushanya ibyo bishakiye bakanabisiga amabara
- Umurezi yitegereza ibikorwa bitandukanye abana bakora, akagenda atanga ubufasha aho biri ngombwa akurikije umwihariko wa buri mwana;
- Nyuma yo gushushanya, mu gikorwa cy'isuzumabushobozi, umurezi asaba abana kwerekana, gushimira buri umwe wese ku byo yakoze kuko ikigamijwe atari uko bakora amashusho y'abanyabugeni ahambaye, ahubwo ari uko bagira iterambere mu bugeni n'umuco;
- Mu musozo w'isomo, umurezi afatanyaga n'abana gusukura aho bakoreye no kubika neza ibikoresho bakoresheje ndetse no gukaraba intoki bakoresheje amazi meza n'isabune.

### Isomo rya 3: Gusiga irangi amashusho bikoreye cyangwa bahawe



*Abana basiga irangi amashusho bihangiyeye nayo bahawe.*

- Intego y'isomo:** Kumenya gusiga irangi amashusho bishushanyirije cyangwa bahawe.
- Imfashanyigisho:** irangi ry'amazi, impapuro, udufuniko tw'amacupa, udukombe cyangwa udusahani two kuvangiraho amarangi, ibikoresho by'isuku: ibase, amazi, isabune, n'ibindi.
- Ibikorwa by'imyigire n'imyigishirize:**

Ibikorwa n'inzira umurezi yakoresheje hejuru yigisha isomo rya kabiri, bishobora guhura n'iby' iri isomo rya gatatu. Igishobora guhinduka n'ibikoresho ndetse n'ubufasha umurezi aha abana mu kubikoresha kandi hakibukwa ko abana bose badafite ubushobozi bungana bwo gukora ibikorwa bitandukanye cyane nk'ibi byo gutera amarangi.

Mu myigire n'imyigishirize y'iri somo rya gatatu, ibikorwa bishobora gukorwa mu buryo bukurikira:

- Umurezi yereka abana amashusho cyangwa amafoto ariho ibintu bitandukanye bisize amarangi;
- Umurezi abaza abana ibyo babonye ku mashusho cyangwa amafoto bibafasha kwinjira mu isomo rishya ndetse bakanasubiza ibibazo babazwa n'umurezi;
- Umurezi yica abana neza ku ruziga kandi mu buryo bworohera buri wese hagendewe ku bushobozi bwe;

- Umurezi aha abana ibikoresho bitandukanye birimo impapuro cyangwa amakayi (iyo ahari), irangi, udufuniko tw'amacupa, uburoso, udukombe, udusahani two kuvangiraho amarangi (palettes), ibikoresho by'isuku, agatebo kajyamo imyanda n'ibindi byakoreshwa mu isomo bitewe n'ibyo ishuri rifite;
- Umurezi asaba abana gushushanya ibyo bishakiye ukabasaba no kubisiga amarangi atandukanye;
- Umurezi yitegereza ibikorwa bitandukanye abana bakora akagenda atanga ubufasha aho biri ngombwa ku mwihariko wa buri mwana;
- Umurezi asaba abana kugaragaza ibyo bakoze abishima ariko anatanga inama mu rwego rwo kunoza igikorwa cyo gusiga amarangi.
- Mu musozo w'isomo, umurezi afatanya n'abana kwisukura neza, gusukura aho bakoreye no kubika neza ibikoresho bakoresheje.

#### Isomo rya 4: Gutera irangi



*Umwana ukora amashusho akoresheje ikiganza.*

- Intego y'isomo:** Gutera irangi akoresheje ibintu bifite iforomo (shapes). zinyuranye
- Imfashanyigisho:** ikaramu y'igiti, irangi ry'amazi, impapuro, udufuniko tw'amacupa, imikebe, udukombe cyangwa udusahani two kuvangiraho amarangi, ibikoresho by'isuku: ibase, amazi, isabune n'ibindi.
- Ibikorwa by'imyigire n'imyigishirize:** Mu gihe abanyeshuri barangije isomo ryo gusiga amarangi bakoresheje uburoso, isomo ryo gutera amarangi rikorwa mu buryo bukurikira:



- Umurezi afasha gutangira isomo n’ibikorwa byo gutera irangi ku mpapuro cyangwa ibindi byaboneka aho batuye bigasimbura impapuro bakoresheje ibintu bifite ishusho inyuranye nk’ikiganza, ikirenge, agafuniko k’icupa, igice cy’ikirayi cyangwa ikijumba, igice cya puwavuro n’ibindi;
- Umurezi yereka abana amashusho cyangwa amafoto yakozwe hakoreshejwe uburyo bwo gutera amarangi;
- Umurezi abaza abana ibyo babonye ku mashusho cyangwa amafoto bibafasha kwinjira mu isomo rishya ndetse bakanasubiza ibibazo babazwa n’umurezi;
- Umurezi yica abana neza ku ruziga ndetse mu buryo bworohera buri wese hagendewe ku bushobozi bwa buri wese;
- Umurezi aha abana ibikoresho bitandukanye birimo, irangi ry’amazi, impapuro, udufuniko tw’amacupa, imikebe, udukombe cyangwa udusahani two kuvangiraho amarangi, ibikoresho by’isuku: ibase, amazi, isabune, n’ibindi byakoreshwa mu isomo bitewe ni byo ishuri rifite;
- Umurezi asaba abana gutera irangi ibyo bishakiye bakoresheje intoki, ibiganza, ibirenge, udufuniko tw’amacupa, igice k’ikirayi, igice k’ikijumba cyangwa igice cya puwavuro n’ibindi byakoreshwa muri iki gikorwa bitewe n’ibiboneka iwabo;
- Umurezi yitegereza ibikorwa abana bakora bitandukanye akagenda atanga ubufasha aho biri ngombwa yita ku mwihariko wa buri mwana;
- Umurezi asaba abana kugaragaza ibyo bakoze akabashimira ariko anatanga inama mu rwego rwo kunoza igikorwa cyo gutera amarangi.
- Mu musozo w’isomo, umurezi afasha abana kwisukura neza, gusukura aho bakoreye no kubika neza ibikoresho bakoresheje.
- Umurezi aha abana umukoro wo gutera irangi bakora amashusho babifashwamo n’ababyeyi cyangwa ababarera.

**Ikitonderwa:** Ibikoresho bikoreshwa bigomba kuba bifite ubuziranenge buhagije kugira ngo hatagira ingaruka mbi biteza abana. Urugero nk’amarangi akoreshwa hano agomba kuba ari ay’amazi kandi yujuje ubuziranenge.

#### 1.2.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo asobanura ibyo yakoze cyagwa ibyakozwe n'abandi,  Kunguka amagambo mashya ajyanye n'ibikorwa yakoze.
2	<b>Iterambere mu mibanire n'abandi n'imbamutima</b>	Gukorera hamwe mu matsinda yo guhanga amashusho bakoresha ibikoresho batabirwanira.
3	<b>Ibonezabuzima</b>	Gukoresha ingingo nini n'intoya ndetse no guhuza ijisho n'ikiganza.
4	<b>Imibare</b>	kubara amashusho bakoze,  gukoresha ibinyempande bifite intego (shapes) zitandukanye mu gihe basiga amabara n'amarangi.
5	<b>Ibidukikije</b>	Mu gushushanya, bazakoresha ibikoresho byo mu bidukukije.

#### 1.2.5. Isuzumabushobozi risoza uyu mutwe

Umurezi agomba kwibuka ko isuzumabushobozi ry'amasomo agize uyu mutwe wo guhanga amashusho rikorwa buhorobuhoro abana bari mu gikorwa kandi hitabwa kureba uko bakora n'ibisobanuro batanga ku byo bakoze aho gushingira ku bwiza gusa bw'ibyo bakoze.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije.

Ibihangano abana bakoze bijyanye no guhanga amashusho, bizamurikwa ahagaragara ku buryo abana bazajya bagereranya ibyo bakoze n'ibyo abandi bakoze.

Umurezi yirinda kuvuga ko igihangano cy'umwana ari kibi, ahubwo amushimira intambwe yateye yo kugira icyo akora. Amusaba ko niba hari icyo yavugurura kugira ngo igihangano ke kibe kiza kurushaho yakitaho mu bikorwa byo gusiga amabara, amarangi no gutera amarangi.

### **1.3. GUHANGA IBINTU AGARAGAZA IBITEKEREZO BYE N’IMBAMUTIMA (Umwaka wa gatatu)**

#### **1.3.1. Ubushobozi bw’ingenzi bugamijwe:**

Abana bazaba bashobora gushushanya inkuru no gusobanurira bagenzi babo ibyo bashushanyije bagaragaza ibitekerezo n’imbamutima zabo.

#### **1.3.2. Ingingo nsanganyamasomo**

- Umuco w’amahoro n’indangagaciro: Isaranganya ry’ibikoresho igihe bashushanya inkuru, basiga amabara mu byo bashushanyije ni kimwe mu bizatuma abana bashobora kubana mu mahoro kandi buri wese abashe kunyurwa n’ibikoresho ahawe, bityo bimwubakemo umuco wo kwihangana agategereza abandi mu gihe akeneye guhindura ibikoresho.
- Uburinganire n’ubwuzuzanye bw’ibitsina byombi: Mu bikorwa byateguwe n’umurezi mu kwigisha gushushanya inkuru, basiga amabara mu byo bashushanyije, kugaragaza ibitekerezo byabo n’imbamutima zabo mu bishushanyo bakora ndetse no gusobanura inkuru bifashishije amashusho yabo, abakobwa n’abahungu bagiramo uruhare rungana.
- Uburezi budaheza: Mu gihe abana bazaba bashushanya inkuru, basiga amabara mu byo bashushanyije, banagaragaza ibitekerezo byabo n’imbamutima zabo mu bishushanyo bakora ndetse no gusobanura inkuru bifashishije amashusho yabo, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi agomba kwita no kumenya umwihariko wa buri mwana mu bushobozi bwo gukora ibintu bitandukanye kugira ngo amenye ubufasha bwihariye amugenera.
- Kwita ku bidukikije: Abana batozwa gushushanya inkuru, basiga amabara mu byo bashushanyije, banagaragaza ibitekerezo byabo n’imbamutima zabo mu bishushanyo bakora ndetse no gusobanura inkuru bifashishije amashusho yabo, ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

#### **1.3.3. Inama ku myigishirize y’amasomo**

Mu mwaka wa gatatu w’inshuke abana benshi baba bageze mu kigero cy’imyaka 5 – 6. Mu bikorwa byinshi bakora ku rwego rwabo, baba bamaze gutera imbere mu guhanga amashusho bashushanya. Kuri iki kigero k’imyaka kandi, abana batangira gufashwa kumenya guhanga amashusho no kugaragaza ibitekerezo by’imbamutima zabo. Ni byiza rero ko umurezi agomba kumenya ko ibyo abana bakora bigomba kuba bijyanye n’urwego rwabo rw’imitekerereze n’imyaka bagezemo. Abana

bafashwa gushushanya inkuru no guhabwa umwanya wo gusobanurira abandi ibyo yashushanyije, bahabwa umwanya wo guhanga amashusho bishakiye ariko bagafashwa kujyana n’insanganyamatsiko igezweho. Umurezi agomba gushimira abana ibyo bakoze nuko babisobanuriye bagenzi babo.

## Isomo rya 1: Gushushanya inkuru

**a. Intego y’isomo:** Gushushanya inkuru no gusiga amabara mu byo bashushanyije.

**b. Imfashanyigisho:** impapuro, ikaramu y’igiti, amakaramu y’amabara, n’ibindi.

**c. Ibitabo byifashishijwe:**


- Inyoborabarezi yo mu mashuri y’inshuke;
- Igitabo cy’Ubugeni n’umuco;
- Isaranganyamasomo mu mashuri y’inshuke;
- Imfashanyigisho y’amahugurwa ku nteganyanyigisho y’uburezi bw’inshuke;
- Ibindi bitabo bifitanye isano n’ubugeni n’umuco ku mashuri y’inshuke.

**d. Ibice bigize isomo**

Intambwe n’igihe (igihe kigenwa n’umurezi)	Ibikorwa by’umurezi	Ibikorwa by’abana	Imfashanyigisho zijyanye na buri gice
Intangiriro Iminota	<ul style="list-style-type: none"> <li>- Kwereka abana amashusho y’inkuru zitandukanye; zishushanyije</li> <li>- Kubaza abana ibibazo bijyanye n’amashusho y’inkuru zitandukanye beretswe.</li> </ul> <p><i>Urugero rw’ikibazo cy’umurezi:</i></p> <p>Ni iki mubona kuri aya mashusho?</p> <ul style="list-style-type: none"> <li>- Gushyira abana ku ruziga bicaye no kubaha ibikoresho byo gushushanya inkuru.</li> </ul>	<ul style="list-style-type: none"> <li>- Kwitegereza amashusho y’inkuru zitandukanye;</li> <li>- Gusubiza ibibazo bibajijwe n’umurezi ku mashusho y’inkuru umurezi yaberetse.</li> </ul> <p><i>Urugero rw’igisubizo cy’umwana:</i></p> <p>Ndabona amashusho atandukanye.</p> <ul style="list-style-type: none"> <li>- Kujya ku ruziga no kwakira ibikoresho byo gushushanya inkuru.</li> </ul>	Amashusho y’inkuru cyangwa, ibitabo birimo amashusho y’inkuru zitandukanye.

<p><b>Ibikorwa bijyanye n'isomo ry'umunsi</b></p> <p>Iminota</p>	<ul style="list-style-type: none"> <li>- Guha abana amabwiriza;</li> <li>- Gushyira abana mu matsinda;</li> <li>- Gusaba abana guhimba inkuru ngufi;</li> <li>- Kuyobora abana mu gihe bahimba udukuru tugufi banatuganiraho hagati yabo.</li> <li>- Gusaba abana gushushanya amashusho y'inkuru ngufi ku mpapuro bakoresheje amakaramu y'ibiti.</li> <li>- Gusaba abana kugaragaza ibitekerezo byabo n'imbamutima mu bishushanyo by'inkuru bakora.</li> <li>- Kwitegereza uko abana bashushanya udukuru tugufi bakoresheje, impapuro, amakaramu y'ibiti,</li> <li>- Gutanga ubufasha aho biri ngombwa.</li> </ul>	<ul style="list-style-type: none"> <li>- Abana bahimba inkuru ngufi bakaziganiraho.</li> <li>- Gushushanya amashusho y'inkuru ngufi ku mpapuro bakoresheje amakaramu y'ibiti</li> <li>- Gusobanurira bagenzi babo inkuru bashushanyije</li> <li>- Kugaragaza ibitekerezo byabo n'imbamutima mu gihe bari gushushanya inkuru ngufi.</li> <li>- Gushushanya babaza aho bagize ibibazo banasoza ibikorwa byo gushushanya inkuru.</li> </ul>	<ul style="list-style-type: none"> <li>- Amashusho cyangwa amafato ariho amashusho y'inkuru ngufi zitandukanye, impapuro n'amakaramu y'ibiti.</li> </ul>
<p><b>Umusozo</b></p> <p>Iminota</p>	<ul style="list-style-type: none"> <li>- Kubaza abana inkuru bashushanyije</li> </ul>	<ul style="list-style-type: none"> <li>- Kuvuga inkuru bashushanyije</li> </ul>	
<p><b>Ibikorwa by'isuzuma/umukoro wo mu rugo</b></p> <p>Iminota</p>	<ul style="list-style-type: none"> <li>- Gusaba abana kugaragaza inkuru bashushanyije ku mpapuro unabashimira ko bakoze neza.</li> <li>- Gufatanya n'abana gutunganya aho bakoreye no kubika neza ahabugenewe ibikoresho byakoreshejwe.</li> </ul>	<ul style="list-style-type: none"> <li>- Kugaragaza uko bashushanyije inkuru ku mpapuro banatega amatwi ibyo bashimirwa n'umurezi</li> <li>- Gufatanya n'umurezi gutunganya aho bakoreye no kubika neza ahabugenewe ibikoresho byakoreshejwe.</li> </ul>	<ul style="list-style-type: none"> <li>- Utumanikisho</li> <li>- Imikubuzo</li> </ul>

## Isomo rya 2: Gusiga amabara mu nkuru yashushanyijwe no kuyisobanura



*Umwana uri gusobanurira bagenzi be inkuru yashushanyije.*

### a. Intego y'isomo:

Gusiga amabara mu nkuru yashushanyije no kumenya gusobanura inkuru yashushanyije yifashishije amashusho yayo.

**b. Imfashanyigisho:** ikaramu y'igiti, amakaramu y'amabara, irangi, impapuro zikomeye, ibikoresho by'isuku: ibase cyangwa indobo, amazi, isabune, agatebo kajyamo imyanda...

### c. Ibikorwa by'imyigire n'imyigishirize:

Mu myigire n'imyigishirize yiri somo, ibikorwa bikorwa mu buryo bukurikira:

- Kwereka abana amashusho y'inkuru bashushanyije mu isomo riheruka;
- Kubabaza uko bakoze umukoro bari bahawe no kubashimira ibyo bakoze kuri iryo somo. Ibi bigakorwa mu buryo bidatinda kugira ngo bahite batangira isomo rishya;
- Kwereka abana amashusho y'inkuru kandi asize amabara ndetse no kubasobanurira uko basiga amabara mu nkuru bashushanyije;
- Kwicaza abana neza ku ruziga kandi mu buryo bworohera buri wese mu kwiga hagendewe ku bushobozi bwe;
- Guha abana ibikoresho bitandukanye birimo impapuro zikomeye cyangwa amakayi (iyo ahari), amakaramu y'amabara, ibikoresho by'isuku, agatebo kajyamo imyanda, ibishushanyo by'inkuru zitandukanye basiga amabara kandi ari bo ubwabo babishushanyije, n'ibindi byakoreshwa mu isomo bitewe n'ibyo ishuri rifite;
- Gusaba abana gushushanya inkuru bishakiye;
- Gusaba abana gusiga amabara atandukanye inkuru bashushanyije;
- Umurezi atanga urugero rw'uko basiga amabara mu nkuru;
- Abana basobanurira bagenzi babo ibyo bashushanyije ndetse n'uko babisize

amabara atandukanye;

- Mu kwitegereza ibikorwa bitandukanye abana bakora, umurezi agenda atanga ubufasha aho biri ngombwa ku mwihariko wa buri mwana;
- Nyuma yo gusiga amabara mu mashusho y'inkuru, umurezi asaba abana kugaragaza uko basize amabara ku mashusho y'inkuru;
- Gushima ibikorwa abana bakoze;
- Mu musozo w'isomo, umurezi afatanya n'abana gusukura aho bakoreye no kubika neza ibikoresho bakoresheje kandi agafasha abana kwisukura bakaraba intoki.

#### 1.3.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo asobanura ibyo yakoze cyagwa ibyakozwe n'abandi, kunguka amagambo mashya ajyanye n'ibikorwa byakozwe mu isomo.
2	<b>Iterambere mu mibanire n'abandi n'imbamutima</b>	Gukorera hamwe mumatsinda basangira ibikoresho n'amashuhshongero
3	<b>Iboneza buzima</b>	Hatezwa imbere ingingo nini n'intoya ndetse no guhuza ijisho n'ikiganza
4	<b>Imibare</b>	Abana babara amashusho bakoze.
5	<b>Ibidukikije</b>	Mu gushushanya abana bakoresha ibikoresho byo mubidukukije.

#### 1.3.5. Isuzumabushobozi risoza uyu mutwe

Isuzumabushobozi ry'amasomo agize uyu mutwe wo guhanga ibintu rikorwa hibandwa cyane ku buryo umwana agaragaza ibitekerezo n'imbamutima bye. Umwana kandi asobanura ibyo yakoze ahuza amashusho n'amabara yasize. Iri suzumabushobozi rigenda rikorwa buhoro buhoro igihe abana bari mu gikorwa cyo guhanga ibintu bagaragaza ibitekerezo n'imbamutima byabo aho gushingira ku bwiza bw'ibyo bakoze. Ningombwa kwibanda ku byo umwana yakoze n'uko ari kubikora umubaza ibibazo bimufasha kuvumbura ko hari ibitaranoga, bityo bigatuma atekereza uko agiye kubinoza.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije. Ibihangano abana bakoze bijyanye no guhanga ibintu agaragaza ibitekerezo bye n'imbamutima, bizamurikwa ahagaragara kuburyo abana bazajya bagereranya ibyo bakoze nibyo abandi bakoze maze bakabyigiraho.

## 2.1. KUBAKA IBINTU BINYURANYE (Umwaka wa mbere)

### 2.1.0. Intangiriro

Mu mibereho y’abana batoya bakunda gukinisha ibintu bitandukanye babonye. Bashimishwa no gukina bubaka ibintu bitandukanye bifashishije ibikoresho bishakiye bakubaka ibintu bitandukanye babona aho batuye. Mu gikorwa cyo kubaka abana baba bafite ubwisanzure bwo kugaragaza icyo batekereza ari nako kimwogerera amahirwe yo gukura akunda ubushakashatsi, imikino yo kubaka ibintu itandukanye, n’ibindi. Ni byiza rero ko umwana atozwa ubwo bumenyi ngiro bwo kubaka akiri mutoya kuko binatuma ingirangango ze z’ubwonko zibasha kwegerana bityo bikamufasha gukura neza. Urugero: kubaka imodoka, igare, indege, umupira wo gukina, ni bimwe mu bikorwa byo kubaka abana bakunda gukora mu buryo bwo kwishimisha. Ibikorwa nk’ibi bimenyereza abana gukora ibikorwa bijyanye no kubaka.

Mu mwaka wa mbere, kubaka byigwa mu masomo abiri (2)

Mu mwaka wa kabiri, kubaka byigwa mu masomo abiri (2)

Mu mwaka wa gatatu, kubaka byigwa mu masomo abiri (2)

### 2.1.1. Uruhererekane rw’amasomo

Umwaka	Umutwe	Amasomo
<b>Umwaka wa mbere w’inshuke</b>	Kubaka ibintu binyuranye	Isomo rya 1: Kubaka ibintu biba mu rugo. Isomo rya 2: Guhuza amashusho abiri bakayabyaza ikintu gifatika.
<b>Umwaka wa kabiri w’inshuke</b>	Guhuza ibice bigize ishusho	Isomo rya 1: Guhuza ibice by’ikintu gifatika Isomo rya 2: Guhuza ibice by’amashusho
<b>Umwaka wa gatatu w’inshuke</b>	Kubaka afite intego	Isomo rya 1: Guteranya amashusho yakaswemo uduce ku buryo bitanga ishusho Isomo rya 2: Kubaka ibikoresho byo rugo ahereye kubyo yihimbiye



### 2.1.2. Ubushobozi bw'ingenzi bugamijwe:

Abana bazaba bashobora kubaka ibintu bitandukanye bifashishije ibikoresho bitandukanye biri aho batuye.

### 2.1.3. Ingingo nsanganyamasomo

- **Umuco w'amahoro n'indangagaciro:** Isaranganya ry'ibikoresho igihe bubaka ni kimwe mu bizatuma abana bashobora kubana mu mahoro kandi buri wese abashe kunyurwa n'ibikoresho ahawe bityo bimwubakemo umuco wo kwihangana agategereza abandi mu gihe akeneye guhindura ibikoresho byo kubaka.
- **Uburinganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha kubaka ibintu bitandukanye, abakobwa n'abahungu bagiramo uruhare rungana.
- **Uburezi budaheza:** Mu gihe abana bazaba bubaka ibintu biba mu rugo no guhuza amashusho abiri bakayabyaza ikintu gifatika, buri wese mu bushobozi bwe azahabwa umwana uhagije kugira ngo ashobore gukoresha ibikoresho yagenewe. Umurezi agomba kwita no kumenya umwihariko wa buri mwana mu bushobozi bwo gukora ibintu bitandukanye kugira ngo amenye ubufasha bwihariye amugenera.
- **Kwita ku bidukikije:** Abana batozwa kubaka ibintu biba mu rugo no guhuza amashusho abiri bakayabyaza ikintu gifatika bakakimanika ahabugenewe. Abana batozwa kubungabunga ibidukikije no kutabyangiza, kandi bakanatuzwa kwandurura ibikoresho no gusukura aho bakoreye.

### 2.1.4. Inama ku myigishirize y'amasomo

Isomo rijyanye no kubaka ibintu bitandukanye abana bararikunda cyane kuko baba babona amashusho atandukanye bose bakifuzza kuyakinisha. Kubaka bituma umwana agaragaza imbamutima ze bityo bigatuma ubwenge bwe bukanguka hakiri kare. Murezi niba ugiye guha abana ibikinisho bijyanye no kubaka ibintu bitandukanye, banza witegereze neza ko ibyo bikinisho biri ku rugero rw'umwana, kuburyo umwana abasha kubiterura, kubisunika, kubikurura. Byegereze umwana kugirango mugihe abikeneye abibone byoroshye. Mbere yo guha umwana ibikoresho banza ubigenzure kuko byabangamira umwana igihe yubaka ibintu bitandukanye kandi irinde kumutegeka ibyo yubaka. Reka umwana akore ibyo yitekereje noneho umenye icyo yahisemo maze umufashe acyiteho.

## Isomo rya 1: Kubaka ibintu biba mu rugo

- a. **Intego y'isomo:** kumenya kubaka ibintu byo mu rugo.
- b. **Imfashanyigisho:** ibikinisho by'amatafari yo kubakisha, amabuye, imifuniko y'amacupa impapuro, umucanga, amashusho n'amafoto agaragaza abana bubaka ibikoresho bitandukanye.
- c. **Ibitabo byifashishijwe:**
- Inyoborabarezi yo mu mashuri y'inshuke,
  - Igitabo cy'ubugeni n'umuco,
  - Isaranganyamasomo mu mashuri y'inshuke,
  - Ibindi bitabo byaboneka bifitanye isano n'ubugeni n'umuco.
- d. **Ibice by'isomo:**

Intambwe n'igihe (igihe kigenwa na mwarimu)	Ibikorwa by'umurezi	Ibikorwa by'abana	Imfashanyigisho zijyanye na buri gice
Intangiriro Iminota	<p>- Kwereka abana amashusho cyangwa amafoto agaragaza abana bubaka ibikoresho byo mu rugo.</p> <p>- Kubaza abana ibibazo bijyanye n'amashusho cyangwa amafoto agaragaza abana bubaka ibikoresho byo mu rugo beretswe.</p> <p><i>Urugero rw'ikibazo cy'umurezi:</i></p> <p>Abana mubona kuri aya mashusho bari bubaka iki?</p>	<p>- Kwitegereza amashusho cyangwa amafoto agaragaza abana bubaka ibikoresho byo mu rugo berekwa n'umurezi.</p> <p>- Gusubiza ibibazo byabajijwe n'umurezi</p> <p><i>Urugero rw'igisubizo cy'umwana:</i></p> <p>Turabona abana bari kubaka ibikoresho byo mu rugo.</p>	Amashusho cyangwa amafoto

<p><b>Ibikorwa bijyanye n'isomori'umunsi</b></p> <p>Iminota 15</p>	<ul style="list-style-type: none"> <li>- Gutanga amabwiriza yo kubasobanurira ibikorwa byo kubaka ibintu byo mu rugo.</li> <li>- Gusohora abana hanze y'ishuri bagakora igice cy'uruziga akabasaba kwitegereza uko umurezi yubaka ibintu byo mu rugo.</li> <li>- Gutanga urugero rwo kubaka ibintu byo mu rugo</li> <li>- Gusaba abana kubaka ibintu bihitiyemo bakoresheje ibikoresho bitandukanye.</li> <li>- Kwitegereza uko abana bubaka ibintu buri wese yishakiye utanga ubufasha aho biri ngombwa.</li> <li>- Gukomeza gufasha abana kubaka ibintu byo mu rugo bitandukanye bihitiyemo no gufasha by'umwihariko abafite ibibazo.</li> </ul>	<ul style="list-style-type: none"> <li>- Kwitegereza imfashanyigisho, kumva ibisobanuro by'umurezi bijyanye na zo no kuzikorakora.</li> <li>- Kwitegereza neza uko umurezi yubaka ibintu byo mu rugo</li> <li>- Kubaka ibintu byo mu rugo bihitiyemo ubwabo bakoreshe ibikoresho bitandukanye.</li> <li>- Abana bakomeza kubaka ibintu bitandukanye.</li> <li>- Abana bakomeza kubaka ibintu bitandukanye.</li> </ul>	<p>Ibikinisho by'amatafari yo kubakisha, amabuye, imifuniko y'amacupa impapuro, umucanga, amashusho n'amafoto agaragaza abana bubaka ibikoresho byo kubaka.</p>
<p><b>Umusozo</b></p> <p>Iminota 5</p>	<ul style="list-style-type: none"> <li>- Kubaza abana ibintu byo mu rugo bubatse</li> </ul>	<ul style="list-style-type: none"> <li>- Gusobanurira umurezi ibintu byo mu rugo bubatse.</li> </ul>	
<p><b>Ibikorwa by'isuzuma/umukoro wo mu rugo</b></p> <p>Iminota 5</p>	<ul style="list-style-type: none"> <li>- Gusaba abana gusobanurira abandi ibintu byo mu rugo bubatse.</li> <li>- Gufatanya n'abana gutunganya aho bakoreye no kubika ibikoresho byakoreshejwe neza ahabugenewe.</li> </ul>	<ul style="list-style-type: none"> <li>- Gusobanurira ibintu bitandukanye byo mu rugo bubatse babigaragariza bagenzi babo.</li> </ul>	

## Isomo rya 2: Guhuza ibice bibiri by'ishusho bagakora ishusho y'ikintu runaka



*Abana bari guteranya amashusho.*

- Intego y'isomo:** Kumenya guhuza ibice bibiri by'ishusho bagakora ishusho y'ikintu runaka
- Imfashanyigisho:** ubujeni bifashisha bahuza amashusho, ibikoresho by'isuku: amazi, isabune, agatebo kajyamo imyanda n'ibindi.
- Ibikorwa by'imyigire n'imyigishirize:**

Mu myigire n'imyigishirize yiri somo, ibikorwa bikorwa mu buryo bukurikira:

- Umurezi yereka abana uko intambwe zikurikirana mu kubaka amashusho uhereye ku bice bigize ikizima. Urugero niba ugiye kubaka inka urabanza ubwire abana ibice bigize igishushanyo cy'inka yuzuye noneho ukagenda ubabwira ibice bigize iyo nka hanyuma ugatangira kubereka uko bayubaka no guhuza icice bigize ishusho yayo;
- Umurezi yereka abana ibice bibiri by'ishusho bishobora guhuzwa hakavamo ishusho y'ikintu runaka.
- Umurezi abaza abana ibyo babonye ku bice bibiri by'ishusho beretswe.
- Umurezi yica abana neza ku ruziga mu buryo bworohera buri wese hagendewe ku bushobozi bwe;
- Umurezi asobanurira abana uko ibice bibiri by'ishusho babihuza bikavamo ishusho y'ikintu runaka.

- Umurezi aha abana ibikoresho bitandukanye birimo ubujeni bwo guhuza amashusho, ibikinisho by'amatafari bashobora guhuza bakavanamo ikintu kimwe gifatika, ibice bibiri by'ishusho bashobora guhuza hakavamo ishusho y'ikintu runaka, ibikoresho by'isuku, agatebo kajyamo imyanda, n'ibindi byakoreshwa mu isomo bitewe n'ibyo ishuri rifite.
- Umurezi yitegereza ibikorwa bitandukanye abana bakora, anagendanda mu ishuri atanga ubufasha bukenewe kuri buri mwana. Ibi umurezi abikorwa yitaye ku mwihariko wa bri wese.
- Umurezi asaba abana guhuza ibice by'ishusho bagakuramo ishusho y'ikintu runaka,
- Abana bahuza ibice by'ishusho bagakuramo ishusho y'ikintu runaka.
- Umurezi asaba abana gusobanura ibice by'amashusho bahuje bagakuramo ishusho y'ikintu runaka.
- Nyuma yo guhuza ibice bibiri hakavamo ishusho ishusho y'ikintu runaka, mu gikorwa cy'isuzuma, umurezi asaba abana kugaragaza uko bahuje ibyo bice bakavanamo ishusho y'ikintu runaka. Umurezi aboneraho umwanya wo gushima ibikorwa abana bakoze.
- Mu musozo w'isomo, umurezi afatanya n'abana gusukura aho bakoreye no kubika neza ibikoresho bakoresheje kandi agafasha abana kwisukura bakaraba intoki.

### 2.1.5. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Abana bunguka amagambo mashya ajyanye n'amashusho bahawe cyagwa bakoze bubaka ibintu bitandukanye ndetse n'ibikorwa bakoze
2	<b>Iterambere mu mibanire n'abandi n'imbamutima</b>	Abana bakorera hamwe mumatsinda kandi bakishimira kwerekana ibyo bubaka.
3	<b>Iboneza buzima</b>	Hatezwa imbere ingingo nini n'intoya ndetse no guhuza ijisho nikiganza
4	<b>Imibare</b>	Mu mashusho bubaka barimo n'amashushongerero.
5	<b>Ibidukikije</b>	Mu gihe bashushanya bazakoresha ibikoresho byo mu bidukukije.

### 2.1.5. Isuzumabushobozi risoza uyu mutwe

Isuzuma ry'amasomo agize uyu mutwe wo kubaka ibintu binyuranye rikorwa buhoro buhoro abana bari mu gikorwa kandi hitabwa ku kureba uko bakora, muhate bafite ndetse n'ibisobanuro batanga ku byo bakoze aho gushingira gusa ku bwiza bw'ibyo

bakoze. Ni byiza rero ko umurezi agenda yitegereza ubushake umwana agenda agira bwo gufatanya n’abandi ndetse no gusangira ibikoresho n’abandi igihe bidahagije. Ibyo umwana agomba kubitozwa bikaba umuco.

Umurezi asabwa kubika neza kandi ku gihe amakuru ajyanye n’ubushobozi bw’abana bushingiye ku ntego za buri somu yigishije hagamijwe kureba intambwe agenda atera mu kubaka ubushobozi bwe. Ibihangano abana bakoze bijyanye no kubaka ibintu binyuranye, bigomba kumurikwa ahagaragara aho bahora babireba.

## **2.2. GUHUZA IBICE BIGIZE ISHUSHO (Umwaka wa kabiri)**

### **2.2.1. Ubushobozi bw’ingenzi bugamijwe**

Abana bazaba bashobora guhuza ibice bigize ibintu bifatika cy’amashusho y’ibintu basanzwe bazi.

### **2.2.2. Ingingo nsanganyamasomo**

- Umuco w’amahoro n’indangagaciro: Isaranganya ry’ibikoresho igihe bazaba bateranya ibice bigize ishusho ni kimwe mu bizatuma abana bashobora kubana mu mahoro kandi buri wese abashe kunyurwa n’ibikoresho ahawe bityo bimwubakemo umuco wo kwihangana agategereza abandi mu gihe akeneye guhindura ibikoresho.
- Uburinganire n’ubwuzuzanye bw’ibitsina byombi: Mu bikorwa byateguwe n’umurezi mu kwigisha guhuza ibice bigize ishusho, abakobwa n’abahungu bagiramo uruhare rungana.
- Uburezi budaheza: Mu gihe abana bazaba bateranya ibice bigize ishusho, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi agomba kwita no kumenya umwihariko wa buri mwana mu bushobozi bwo gukora ibintu bitandukanye kugira ngo amenye ubufasha bwihariye amugenera.
- Kwita ku bidukikije: Abana batozwa guhuza ibice bigize ishusho, ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### **2.2.3. Inama ku myigishirize y’amasomo**

Imikino ijyanye no guteranya amashusho atandukanye abana barayikunda cyane kuko baba babona amashusho atandukanye bose bakifuzwa kuyakinisha. Ibi bituma umwana agaragaza imbamutima ze, bityo bigatuma ubwenge bwe bukanguka hakiri kare. Murezi rero, niba ugiye guha abana ibikinisho bijyanye no guhuza amashusho atandukanye, banza witegereze neza ko ibyo bikinisho biri mu rugero rw’umwana

bitamuremereye ku buryo umwana abasha kubiterura, kubisunika, cyangwa se kubikurura. Byegereze umwana kugira ngo mu gihe abikeneye abibone ku buryo bumworoheye. Mbere yo guha umwana ibikoresho ariko, banza ubigenzure neza urebe niba bitamubangamira igihe ahuza amashusho.

### Isomo rya 1: Guhuza ibice by'ishusho ugakora ishusho y'ikintu runaka

a. **Intego y'isomo:** Guhuza ibice by'ishusho ugakora ishusho y'ikintu runaka.

b. **Imfashanyigisho:** ubujeni bifashisha bahuza amashusho, ibikoresho by'isuku: ibase, amazi, isabune, agatebo kajyamo imyanda, ibiti, ibyondo, amazi, imishipiri, ibirere, imisumari, isakaro, n'ibindi.

c. **Ibitabo byifashishijwe:**

- Inyoborabarezi yo mu mashuri y'inshuke;
- Igitabo cy'Ubugeni n'umuco;
- Isaranganyamasomo mu mashuri y'inshuke;

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
Intangiriro Iminota	<ul style="list-style-type: none"> <li>- Kwereka abana ibice by'amashusho y'ibintu bitandukanye</li> <li>- Kubaza abana ibice by'amashusho y'ibintu bitandukanye babonye</li> </ul> <p><i>Urugero rw'ikibazo cy'umurezi:</i> Ni iki mubona kuri aya mashusho?</p> <ul style="list-style-type: none"> <li>- Gushyira abana ku ruziga bicaye no kubaha ibikoresho byo gukoresha bateranya ibice by'amashusho</li> </ul>	<ul style="list-style-type: none"> <li>- Kwitegereza ibice by'amashusho bitandukanye beretswe n'umurezi.</li> <li>- Gusubiza ibibazo bibajijwe n'umurezi, ku bice by'amashusho bitandukanye beretswe n'umurezi.</li> </ul> <p><i>Urugero rw'igisubizo cy'umwana:</i> ndabona igice k'ikirayi, igice cya karoti, igice k'icupa.</p> <ul style="list-style-type: none"> <li>- Kwicara ku ruziga bitegereza ibikoresho bagiye gukoresha bateranya ibice by'amashusho.</li> </ul>	Ubukenyane bifashisha bahuza amashusho, ibikoresho by'isuku: ibesani, amazi, isabune, agatebo kajyamo imyanda n'ibindi.

<p><b>Ibikorwa bijyanye n'isomo ry'umunsi</b> Iminota</p>	<ul style="list-style-type: none"> <li>- Kwereka abana ko ishusho yuzuye ishobora kuvamo ibice binyuranye kandi ko ibyo bice iyo biteranyije bishobora kongera kuvamo ishusho yuzuye.</li> <li>- Kuyobora abana mu gihe bateranya ibice by'amashusho binyuranye no kubasaba guhuza ibice bigize ishusho zitandukanye</li> <li>- Gusaba abana kugaragaza ibitekerezo byabo n'imbamutima mu gikorwa cyo guhuza ibice bigize ishusho</li> <li>- Kwitegereza uko abana bateranya ibice bigize ishusho utanga ubufasha aho biri ngombwa.</li> </ul>	<ul style="list-style-type: none"> <li>- Kwitegereza no kumva neza uku ishusho yuzuye ishobora kuvamo ibice binyuranye kandi ko ibyo bice iyo biteranyije bishobora kongera kuvamo ishusho yuzuye</li> <li>- Guhuza ibice bitandukanye bigize ishusho.</li> <li>- Guhuza ibice bitandukanye bigize ishusho ndetse no kuyisobanurira bagenzi be.</li> <li>- Guhuza ibice bigize ishusho banasobanurira bagenzi babo uko bahuza ibice binyuranye by'ishusho.</li> </ul>	<p>ubujeni bifashisha bahuza amashusho, ibikoresho by'isuku: ibesani, amazi, isabune, agatebo kajyamo imyanda n'ibindi.</p>
<p><b>Umusozo</b> Iminota</p>	<ul style="list-style-type: none"> <li>- Kubaza abana ishusho bateranyije</li> </ul>	<ul style="list-style-type: none"> <li>- Kuvuga ishusho bateranyije iyo ari yo.</li> </ul>	
<p><b>Ibikorwa by'isuzuma/umukoro wo mu rugo</b> Iminota</p>	<ul style="list-style-type: none"> <li>- Gusaba abana kugaragaza uko bateranyije ishusho unabashimira uko bakoze neza.</li> <li>- Gufatanya n'abana gutunganya aho bakoreye no kubika ibikoresho byakoreshejwe neza ahabugenewe.</li> </ul>	<ul style="list-style-type: none"> <li>- Kugaragaza uko bateranyije ishusho banatega amatwi ibyo bashimirwa n'umurezi</li> <li>- Gufatanya n'umurezi gutunganya aho bakoreye no kubika ibikoresho byakoreshejwe neza ahabugenewe.</li> </ul>	



## Isomo rya 2: Guhuza ibice by'amashusho

- a. **Intego y'isomo:** Kumenya guhuza ibice by'amashusho y'ibintu binyuranye babona aho batuye.
- b. **Imfashanyigisho:** Ibice by'amashusho y'ibikoresho binyuranye, ubujeni bifashisha bahuza amashusho, ibikoresho by'isuku: ibesani, amazi, isabune, agatebo kajyamo imyanda n'ibindi.
- c. **Ibikorwa by'imyigire n'imyigishirize:**

Mu myigire n'imyigishirize y'iri somo, ibikorwa bikorwa mu buryo bukurikira:

- Umurezi yereka abana ibice bigize amashusho atandukanye bize mu isomo riheruka akababaza uko bakoze umukoro akanabashimira ibyo bakoze kuri iryo somo ariko bigakorwa mu buryo bidatinda.
- Umurezi yereka abana ibice by'amashusho bitandukanye ndetse akanabagaragariza isano bifitanye hagati yabyo.
- Umurezi abaza abana ibyo babonye mu gihe barebaga ibice by'amashusho bitandukanye.
- Umurezi yicaza abana neza ku ruziga ndetse mu buryo bworohera buri wese hagendewe ku bushobozi bwe;
- Umurezi aha abana ibikoresho bitandukanye, birimo; ibiti, ibyondo, amazi, imishipiri, ibirere, imisumari, isakaro, ibikoresho by'isuku agatebo kajyamo imyanda ndetse utibagiwe n'ibice by'ibishushanyo bitandukanye. n'ibindi byakoreshwa mu isomo bitewe n'ibyo ishuri rifite;
- Umurezi asaba abana guhuza ibice by'amashusho y'ibintu binyuranye babona aho batuye, nyuma yaho basobanura ibice by'amashusho bahuje kugira ngo bakore amashusho ibintu runaka babona aho batuye.
- Umurezi yitegereza ibikorwa bitandukanye abana bakora, agenda atanga ubufasha aho biri ngombwa akurikije umwihariko wa buri mwana;
- Nyuma yo guhuza ibice by'amashusho y'ibintu binyuranye babona aho batuye mu gikorwa cy'isuzuma, umurezi asaba abana kugaragaza uko bateranyije amashusho, maze agushima ibikorwa abana bakoze;
- Mu musozo w'isomo, umurezi afatanya n'abana gusukura aho bakoreye, bakabika neza ibikoresho bakoresheje akanafasha abana kwisukura bakaraba intoki.

## 2.2.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo basobanura uko bateranyije ibice byikintu n'amashusho, amagambo mashya ajyanye n'amashusho bahawe
2	<b>Iterambere mu mibanire n'abandi n'imbamutima</b>	Bakorera hamwe mu matsinda kwishimira kwerekana ibyo bateranyije.
3	<b>Iboneza buzima</b>	Batoza ingingo nto z'ikiganza.
4	<b>Imibare</b>	Bashobora kubara amashusho bateranyije
5	<b>Ibidukikije</b>	Bakoresha ibikoresho byo mu bidukukije.

## 2.2.5. Isuzumabushobozi risoza uyu mutwe

Umurezi agomba kwibuka ko isuzuma ry'amasomo agize uyu mutwe wo guhuza ibice bigize ishusho, hitabwa ku kureba ukuntu umwana asobanura ibyo yakoze ahuza amashusho n'amabara yasize. Ibi bigakorwa buhoro buhoro abana bari mu gikorwa aho gushingira gusa ku bwiza bw'ibyo yakoze. Ni ngombwa rero kureba ibyo umwana yakoze n'uko abikora. Umurezi agomba kumubaza ibibazo bimufasha kuvumbura ko hari ibitaranoga bityo bigatuma atekereza uko agiye kubinoza.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije. Ibi bikazamufasha kureba uko umwana agenda atera intambwe mu kubaka ubushobozi bwo guhuza amashusho.

Ibihangano abana bakoze bijyanye no guhanga ibintu bigaragaza ibitekerezo n'imbamutima byabo bizamurikwa ahagaragara ku buryo abana bazajya bagereranya ibyo bakoze n'ibyo abandi bakoze maze bakabyigiraho.

## 2.3. KUBAKA AFITE INTEGO (Umwaka wa gatatu)

### 2.3.1. Ubushobozi bw'ingenzi bugamijwe

Abana bazaba bashobora kubaka ibintu binyuranye bihimbiye mu mutwe bijyana n'ibyo babona.

### 2.3.2. Ingingo nsanganyamasomo

- Umuco w'amahoro n'indangagaciro: Isaranganya ry'ibikoresho bazaba bakoresha bubaka ibintu binyuranye bihimbiye ni kimwe mu bizatuma abana bashobora kubana mu mahoro kandi buri wese abashe kunyurwa n'ibikoresho ahawe bityo bimwubakemo umuco wo kwihangana agategereza abandi mu gihe akeneye guhindura ibikoresho.

- Uburinganire n’ubwuzuzanye bw’ibitsina byombi: Mu bikorwa byateguwe n’umurezi mu kwigisha kubaka ibintu binyuranye bihimbiye, abakobwa n’abahungu bagiramo uruhare rungana.
- Uburezi budaheza: Mu gihe abana bazaba bubaka ibintu bitandukanye bihimbiye, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi agomba kwita no kumenya umwihariko wa buri mwana mu bushobozi bwo kubaka ibintu bitandukanye kugira ngo amenye ubufasha bwihariye amugenera.
- Kwita ku bidukikije: Abana batozwa kubaka ibintu bitandukanye bihimbiye, ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### 2.3.3. Inama ku myigishirize y’isomo

Imikino ijyanye no kubaka ibintu bitandukanye ku mwana ni ingirakamaro cyane kuko ituma ubwenge bwe bukanguka hakiri kare. Murezi rero, niba ugiye guha abana ibikinisho bijyanye no kubaka, banza witegereze neza ko ibyo bikinisho biri mu rugero rwabo bitabaremereye ku buryo abana babasha kubiterura, kubisunika, kubikurura byegereze abana kugira ngo mu gihe babikeneye babibone byoroshye, kandi urebe ko ibyo bikoresho ubahaye bitamurika cyane cyangwa bishashagirana. Ibyo byose mbere yo guha abana ibikoresho banza ubigenzure kuko byabangamira abana igihe bubaka bafite intego.

#### Isomo rya 1: Guteranya amashusho yakaswemo uduce ku buryo bitanga ishusho

- Intego y’isomo:** kumenya gukata uduce dutandukanye mu ishusho yuzuye no kongera guteranya utwo duce tukabyara ishusho.
- Imfashanyigisho:** ubujeni bifashisha bahuza amashusho, ibikoresho by’isuku: ibesani, amazi, isabune, agatebo kajyamo imyanda icupa rya pulasitiki, amashusho y’ikirayi, aya karoti na y’ ikijumba
- Ibitabo byifashishijwe:**
  - Inyoborabarezi yo mu mashuri y’inshuke,
  - Igitabo cy’Ubugeni n’umuco,
  - Isaranganyamasomo mu mashuri y’inshuke

### c. Ibice by'isomo:

Intambwe n'igihe (igihe kigenwa na mwarimu)	Ibikorwa by'umurezi	Ibikorwa by'abana	Infashanyigisho zijanyanye na buri gice
<p><b>Intangiriro</b></p> <p>Iminota</p>	<ul style="list-style-type: none"> <li>- Kwereka abana amashusho yakaswemo uduce</li> <li>- Kwereka abana ishusho yavuye muri twa duce umurezi yaberetse.</li> <li>- Kubaza abana uduce tw'amashusho babonye ndetse n'ishusho yavuye muri utwo duce.</li> </ul> <p><i>Urugero rw'ikibazo cy'umurezi:</i></p> <p>Ni utuhe duce tw'amashusho mwabonye? Noneho mwongere muvuge ishusho yavuye muri turiya duce.</p> <ul style="list-style-type: none"> <li>- Gushyira abana ku ruziga bicaye no kubaha ibikoresho byo gukoresha bubaka ibintu bitandukanye.</li> </ul>	<ul style="list-style-type: none"> <li>- Kwitegereza uduce tw'amashusho, dutandukanye</li> <li>- Kwitegereza ishusho yavuye muri twa duce beretswe.</li> <li>- Gusubiza ibibazo bibajijwe n'umurezi,</li> </ul> <p><i>Urugero rw'igisubizo cy'umwana:</i></p> <p>umutwe w'inka, amaguru y'inka, amaboko y'inka, umurizo w'inka.</p> <ul style="list-style-type: none"> <li>- Ishusho yavuye muri utu duce ni inka.</li> <li>- Kwicara kuruziga bitegereza ibikoresho bagiye gukoresha.</li> </ul>	<p>Ubujeni bifashisha bahuza amashusho, ibikoresho by'isuku: ibesani, amazi, isabune, agatebo kajyamo imyanda</p> <p>Ibishushanyo by'ibintu bitandukanye.</p> <p>Urugero: amacupa, ibirayi, ibijumba, amateke, karoti, inzu</p>
<p><b>Ibikorwa bijyanye n'isomoriy'umunsi</b></p> <p>Iminota</p>	<ul style="list-style-type: none"> <li>- Gutanga amabwiriza abana bagiye gukurikiza mu gihe cyo guteranya amashusho.</li> <li>- Kwereka abana uduce tugize ishusho ndetse no kubereka uburyo twa duce bashobora kudukuramo ishusho yuzuye</li> <li>- Kuyobora abana mugihe bakatamo uduce dutandukanye ishusho bishakiye bakanateranya utwo duce bakakavamo ishusho yuzuye</li> </ul>	<ul style="list-style-type: none"> <li>- Kwitegereza uduce tugize ishusho no kureba uburyo twa duce bashobora kudukuramo ishusho ryuzuye</li> <li>- Abana bakata ishusho bishakiye mo uduce dutandukanye bakanateranya utwo duce tukavamo ishusho yuzuye</li> </ul>	<p>Ibishushanyo by'ibintu bitandukanye.</p> <p>Urugero: amaguru y'inka amaboko y'inka umutwe w'inka, umurizo w'inka.</p>

	<ul style="list-style-type: none"> <li>- Gusaba abana kugaragaza ibitekerezo byabo n'imbamutima mu gikorwa cyo guteranya amashusho y'ibintu bishakiye bagaragaza ko bifitiye icyizere.</li> <li>- Kwitegereza uko abana bateranya amashusho y'ibintu bishakiye bitandukanye no gutanga ubufasha aho biri ngombwa.</li> </ul>	<ul style="list-style-type: none"> <li>- Guteranya ibice by'amashusho y'ibintu bishakiye agaragaza ko bifitiye cyizere ndetse no</li> <li>- Guteranya amashusho y'ibintu bishakiye bitandukanye babaza aho bagize ibibazo banasoza ibikorwa byo guteranya amashusho.</li> </ul>	
<b>Umusozo</b> Iminota	<ul style="list-style-type: none"> <li>- Kubaza abana amashusho bakasemo ibice ndetse n'icyo bateranyije</li> </ul>	<ul style="list-style-type: none"> <li>- Kuvuga ishusho bakase n'iyi bateranyije iyo ariyo.</li> </ul>	
<b>Ibikorwa by'isuzuma/umukoro wo mu rugo</b> Iminota	<ul style="list-style-type: none"> <li>- Gusaba abana kugaragaza uko bakase ishusho mo uduce dutandukanye n'uko baduteranyije bakavanamo ishusho yuzuye unabashimira uko bakoze neza.</li> <li>- Gufatany n'abana gutunganya aho bakoreye no kubika ibikoresho byakoreshejwe neza ahabugenewe.</li> </ul>	<ul style="list-style-type: none"> <li>- Kugaragaza uko bakase ishusho mo uduce dutandukanye n'uko baduteranyije bakavanamo ishusho yuzuye banatega amatwi ibyo bashimirwa n'umurezi</li> <li>- Gufatany n'umurezi gutunganya aho bakoreye no kubika ibikoresho byakoreshejwe neza ahabugenewe.</li> </ul>	

## Isomo rya 2: Kubaka ibikoresho byo mu rugo ahereye ku byo yihimbiye

- a. **Intego y'isomo:** Kumenya kubaka ibikoresho byo mu rugo ahereye ku byo yihimbiye.
- b. **Imfashanyigisho:** Ibikinisho by'amatafari, amacupa, ibirere, umucanga, amabuye, impapuro.
- c. **Ibikorwa by'imyigire n'imyigishirize:**

Mu myigire n'imyigishirize yiri somo, ibikorwa bikorwa mu buryo bukurikira:

- Umurezi yereka abana amashusho ariho ibikoresho byo mu rugo, baba barize mu isomo riheruka no kubabaza uko bakoze umukoro akanabashimira ibyo bakoze kuri iryo somo ariko bigakorwa mu buryo bidatinda;

- Umurezi yereka abana amashusho manini atandukanye agaragaza ibikoresho byo mu rugo;
- Umurezi abaza abana ibyo babonye mu gihe barebaga amashusho manini atandukanye agaragaza ibikoresho byo mu rugo;
- Umurezi yicaza abana neza ku ruziga ndetse mu buryo bworohera buri wese hagendewe ku bushobozi bwe;
- Umurezi aha abana ibikoresho bitandukanye birimo ibiti, ibyondo, amazi, imishipiri, ibirere, imisumari, isakaro, ibikoresho by'isuku agatebo kajyamo imyanda ndetse utibagiwe n'ibice by'ibishushanyo bitandukanye. n'ibindi byakoreshwa mu isomo bitewe n'ibyo ishuri rifite;
- Umurezi asaba abana kubaka ibikoresho byo mu rugo ahereye ku byo yihimbiye, nyuma yaho, buri mwana asobanura ibikoresho yubatse;
- Umurezi yitegereza ibikorwa bitandukanye abana bakora ari na ko atanga ubufasha aho biri ngombwa ku mwihariko wa buri mwana;
- Nyuma yo kubaka ibikoresho byo mu rugo biboneka aho batuye ahereye ku byo yihimbiye, mu gikorwa cy'isuzuma, umurezi asaba abana kugaragaza uko bubatse ibyo bikoresho;
- Umurezi aboneraho umwanya wo gushima ibikorwa abana bakoze;
- Mu musozo w'isomo, umurezi afatanya n'abana gusukura aho bakoreye no kubika neza ibikoresho bakoresheje no gufasha abana kwisukura bakaraba intoki.

#### 2.3.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	- Kunoza imvugo basobanura uko bubatse ishusho cyangwa ikintu runaka. - Kunguka amagambo mashya ajyanye n'amashusho y'ibintu bubatse.
2	<b>Iterambere mu mibanire n'abandi n'imbamutima</b>	Bakorera hamwe mu matsinda kwishimira kwerekana ibyo bubatse.
3	<b>Iboneza buzima</b>	Bateza ingingo nini n'intoya mu gihe bubaka.
4	<b>Imibare</b>	Bashobora kubara ibintu runaka bubaka.
5	<b>Ibidukikije</b>	Bakoresha ibikoresho babona mu bidukikije.

### 2.3.5. Isuzumabushobozi risoza uyu mutwe

Isuzuma ry'amasomo agize uyu mutwe wo kubaka afite intego (iforomo) rikorwa buhoro buhoro abana bari mu gikorwa kandi hitabwa ku kureba uko bakora n'ibisobanuro batanga ku byo bakoze aho gushingira gusa ku bwiza bw'ibyo bakoze.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije. Ibihangano abana bakoze bijyanye no kubaka, bizamurikwa ahagaragara ku buryo abana bazajya bagereranya ibyo bakoze n'ibyo abandi bakoze

Umurezi yirinda kuvuga ko igihangano cy'umwana ari kibi; ahubwo amushimira intambwe yateye yo kugira icyo akora ari nako amusaba kureba niba hari icyo yavugurura kugira ngo bibe byiza kurushaho.

### 3.0. Intangiriro

Mu mibereho y’abana batoya, bakunda gukinisha ibintu bitandukanye bahuye na byo. Abana bashimishwa no gukinisha ibumba aho barifata bakabumba ibintu bitandukanye babona aho batuye. Igikorwa cyo kubumba giha abana ubwisanzure bwo kugaragaza icyo batekereza ku bibakikije bakabigaragaza binyuze mu byo babumbye. Igikorwa cyo kubumba kandi giha umwana amahirwe yo gukura akunda gukora ubushakashatsi igihe yahawe amahirwe akiri mutoya yo kumureka akabumba ibyo yitekerereje. Byongeye kandi, igikorwa cyo kubumba giha amahirwe umwana yo gukoresha amaboko yombi bityo bikanatuma akura ibice by’ubwonko (ik’iburyo n’ik’ibumoso) bigakora neza.

Mu mwaka wa mbere n’uwa kabiri, kubumba byigwa mu masomo abiri (2) muri buri mwaka, mu gihe mu mwaka wa gatatu kubumba byigwa mu masomo ane (4)

#### 3.0.1. Uruhererekane rw’amasomo

Umwaka	Umutwe	Amasomo
<b>Umwaka wa mbere w’inshuke</b>	<b>Kubumba amashusho yoroheje</b>	<b>Isomo rya 1:</b> Kubumba ahereye ku ntego (iforomo) zoreheje  <b>Isomo rya 2:</b> Kubumba ibintu bitandukanye
<b>Umwaka wa kabiri w’inshuke</b>	<b>Kubumba ibintu bitandukanye</b>	<b>Isomo rya 1:</b> Kubumba ibintu bitandukanye bijyanye n’insanganyamatsiko bagezeho  <b>Isomo rya 2:</b> kubumba bakora amashusho y’imibare ndetse n’inyuguti
<b>Umwaka wa gatatu w’inshuke</b>	Kubumba ibintu batekereje biboneka aho batuye	<b>Isomo rya 1:</b> Kubumba ibintu batekereje  <b>Isomo rya 2:</b> Kubumba umuntu  <b>Isomo rya 3:</b> Kubumba abagize umuryango mugari  <b>Isomo rya 4:</b> Kubumba ibikoresho byo mu rugo abana bihitiyemo no kubisobanura



### 3.1. KUBUMBA AMASHUSHO YOROHEJE (Umwaka wa mbere)

#### 3.1.1. Ubushobozi bw'ingenzi bugamijwe

Abana bazaba bashobora kubumba ibintu bifite intego (iforomo) zoroheje bigana ibintu babona aho batuye no gusobanurira abandi icyo babumbye.

#### 3.1.2. Ingingo nsanganyamasomo.

- **Uburinganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha kubumba abakobwa n'abahungu bagiramo uruhare rungana.
- **Uburezi budaheza:** Mu gihe abana bazaba babumba, buri wese mu bushobozi bwe, azahabwa umwanya uhagije kugira ngo ashobore gukoresha ibikoresho yagenewe. Umurezi yita kuri buri mwana wese agatanga ubufasha bukenewe
- **Kwita ku bidukikije:** Abana batozwa kubumbira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

#### 3.1.3. Inama ku myigishirize y'amasomo.

Mu gihe umurezi ategura ibumba, imonyi cyangwa inombe byo guha abana kugira ngo babumbe agomba kureba neza niba nta bintu byakomeretsa umwana igihe arimo gukata ibumba akabikuramo. Muri ibyo dusangamo: ibintu bikoze mu byuma bishobora gusharura uruhu. Igihe byabayeye ngombwa ko mu gikorwa cyo kubumba hifashishwa ibumba rya kizungu ni ngombwa ko umurezi yibuka kongera kubika neza ibumba risigaye ritari gukoreshwa akanabikora igihe abana basoje igikorwa cyo kubumba yirinda ko ryatakaza ubuhehere kuko uko ributakaza rigenda ryangirika kandi bakarikoresheje inshuro nyinshi

Umurezi mu gihe ari kwigisha kubumba abana bo mu mwaka wa mbere agomba kubibutsa ko ntawemerewe gutamira ibumba igihe abumba. Umurezi igihe abana bari gukora igikorwa agomba kugera kuri buri mwana akareba uko arimo gukora igikorwa akamuha ubufasha cyangwa inama aho zikenewe. Umurezi agomba kwibuka ko abana bishima iyo ibyo barangije kubumba babibona babyanitse ku zuba kugira ngo bikomere. Biba akarusho iyo banabisize amarangi ibishobora gusigwa kuko bashimishwa no kubona ibintu bitatse mu mabara yabyo ku buryo bwa kamere.

## Isomo rya 1: Kubumba ahereye ku ntego (iforomo) zoreheje

- Intego y'isomo:** Kubumba ibintu bihitiyemo bakoresheje intego (iforomo)
- Imfashanyigisho:** ibumba, igitaka cy'inombe, igitaka cy'imonyi, ibumba rya kizungu, ivaze, akabindi, ishyiga, amazi, igikarito, urubaho.
- Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo cy'Ubugeni n'umuco,
  - Isaranganyamasomo mu mashuri y'inshuke,
  - Ibindi bitabo bifitanye isano n'ubugeni n'umuco ku mashuri y'inshuke

Intambwe n'igihe (igihe kigenwa n'umwarimu)	Ibikorwa by'umurezi	Ibikorwa by'abana	Imfashanyigisho zizyanye na buri gice
<b>Intangiriro</b>  Iminota	- Guha abana bimwe mu bikoresho byabumbwe mu bintu bitandukanye ukabasaba kubyitegereza bakaganira ku cyo bibumbyemo.	- Kwigereza ibikoresho bahawe n'umurezi.  - Abana basubizako ibikoresho byabumbwe mw'ibumba, inombe ibindi byabumbwe mu gitaka cy'imonyi	Amashusho cyangwa amafoto, akabindi, ivaze n'ibumba
<b>Ibikorwa bijyanye n'isomo ry'umunsi</b>  Iminota	- Kubwira abana ko bagiye gukora igikorwa cyo kubumba akabibutsako burimwana araza kubumba icyo yihitiyemo.  - Gusaba abana kwegera umurezi akabaha urugero rwo kubumba ikintu gifite intego (iforomo) zoroheje.	- Gutega amatwi amabwiriza umurezi abaha.  - Kwigereza uko umurezi abumba  - Gufata ibumba cyangwa igitaka k'inombere  - Kubumba icyo yahisemo.  - Gusaba ubufasha kubabukeneye	Ibumba , igitaka. amazi, urubaho, igikarito

	<ul style="list-style-type: none"> <li>- Guha abana ibumba cyangwa igitaka k'inombe giteguye neza ku buryo byorohera abana guhita babumba.</li> <li>- Gusaba buri mwana kubumba ikintu yihitiyemo mu byo abona aho atuye.</li> <li>- Kureba niba abana nta mbogamizi bari guhura nazo igihe babumba, zaba zihari agatanga ubufasha.</li> <li>- Gusaba abana kumurika icyo yabumbye yarangiza agahita ajya kucyanika ahava izuba igihe batifashishije ibumba rya kizungu.</li> </ul>	<ul style="list-style-type: none"> <li>- Kumurika icyo yabumbye yarangiza agahita ajya kucyanika ahava izuba igihe batifashishije ibumba rya kizungu.</li> </ul>	
<b>Umusozo</b> Iminota	<p>Mu gihe cy'isuzuma abana bazegeranya ibikoresho bakoreshaga babikorere isuku nibarangiza bakore isuku y'aho bakoreye.</p> <p>Gukaraba intoki n'amazi meza n'isabune.</p>	<p>Kwegeranya ibikoresho bakoreshaga bakabikorera isuku barangiza bagakora isuku y'aho bakoreye.</p>	<p>Amazi, isabune</p>

**Iri somo rya 2: Kubumba ibintu bitandukanye rizigishwa kimwe n’isomo rya 1: Kubumba ahereye ku maforomo yoroheje.**

**3.1.4. Ingero z’ibikorwa bihuza uyu mutwe n’ibindi byigwa**

<b>1</b>	<b>Ikinyarwanda</b>	Kunguka amagambo mashya ajyanye n’ibikoresho bakoresha babumba no mu gihe basobanurira abandi ibyo babumba.
<b>2</b>	<b>Iterambere mu mibanire n’abandi n’imbamutima</b>	Bishimira gusobanurira abandi ibyo bakoze.
<b>3</b>	<b>Iboneza buzima</b>	Bateza imbere ingingo nto babumba, busukura ubwabo banasukura aho bakoreye.
<b>4</b>	<b>Imibare</b>	Bifashisha amasushongero mukubumba
<b>5</b>	<b>Ibidukikije</b>	Bakoresha ibikoresho babona mu bidukukije.

**3.1.5. Isuzumabushobozi risoza uyu mutwe:**

Umurezi agomba kwibuka ko isuzuma ry’amasomo agize uyu mutwe wo kubumba amashusho yoroheje rikorwa buhoro buhoro abana bari mugikorwa kandi hitabwa kureba uko bakora nibisobanuro batanga ku byo bakoze aho gushingira gusa ku bwiza bw’ibyo bakoze. Umurezi yita kureba ubushake n’amatsiko umwana agira bwo gufata ibikoresho byo kubumba akabibumbamo ibintu bitandukanye.

Umurezi asabwa kubika neza kandi ku gihe amakuru ajyanye n’ubushobozi bw’abana bushingiye ku ntego za buri somo yigishije. Ibihangano abana bakoze bijyanye no kubumba amashusho yoroheje, bizamurikwa ahagaragara aho bahora babireba. Abana bagende bigira ku bihangano bya bagenzi babo.

**3.2. KUBUMBA IBINTU BITANDUKANYE (Umwaka wa kabiri)**

**3.2.1. Ubushobozi bw’ingenzi bugamijwe**

Abana bazaba bashobora kubumba ibintu babona aho batuye no kuvuga kubyo babumbye.

**3.2.2. Ingingo nsanganyamasomo.**

- **Uburiganire n’ubwuzuzanye bw’ibitsina byombi:** Mu bikorwa byateguwe n’umurezi mu kwigisha kubumba, abakobwa n’abahungu bagiramo uruhare rungana.
- **Uburezi budaheza:** Mu gihe abana bazaba babumba, buri wese mu bushobozi bwe, azahabwa umwanya uhagije kugira ngo ashobore gukoresha ibikoresho

yagenewe. Umurezi yita kuri buri mwana wese agaha buri mwana ubufasha akeneye.

- **Kwita ku bidukikije:** Abana batozwa kubumbira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### 3.2.3. Inama ku myigishirize y’amasomo.

Umurezi igihe azaba yigisha iri somo ryo kubumba, ni ngombwa gusaba abana kubumba ibintu bagengedeze ku nsanganyamatsiko y’icyumweru. Ibi kandi bigakorwa yibutsa abana ko ari bo bahitamo icyo babumba kijyanye n’iyo nsanganyamatsiko.

#### **Isomo rya 1: Kubumba ibintu bitandukanye bijyanye n’insanganyamatsiko bagezeho**

- Intego y’isomo:** Kubumba ibintu bitandukanye babireba cyangwa batabireba.
- Imfashanyigisho:** ibumba, igitaka cy’inombe, igitaka cy’imonyi, ibumba rya kizungu, ivaze, akabindi, ishyiga, amazi, igikarito, urubaho n’ibindi.
- Ibitabo byifashishijwe:**
  - Inyoborabarezi yo mu mashuri y’inshuke,
  - Igitabo cy’Ubugeni n’umuco,
  - Ibindi bitabo bifitanye isano n’ubugeni n’umuco ku mashuri y’inshuke

Intambwe n’igihe (igihe kigenwa n’umurezi)	Ibikorwa by’umurezi	Ibikorwa by’abana	Imfashanyigisho zijyanye na buri gice
Intangiriro Iminota	- Mu gihe insanganyamatsiko igezweho muri icyo cy’umweru ivuga ku biribwa, umurezi azaha abana ibibumbano by’ibiribwa bitandukanye abasabe kuvuga amazina y’ibiribwa bisanishwa na byo biboneka aho batuye.	- Abana bavuga ibiribwa bitandukanye biboneka aho batuye biteye kimwe n’ibibumbano umurezi yabahaye.	Ibibumbano bikurikira: ikijumba, igitoki, igihaza, ipapayi, umwumbati

<p><b>Ibikorwa bijyanye n'isomori'umunsi</b></p> <p>Iminota</p>	<ul style="list-style-type: none"> <li>- Kubwira abana ko bagiye kubumba bimwe mu biribwa bihitiyemo biboneka aho batuye.</li> <li>- Gusaba abana kwegera umurezi akabaha urugero rwo kubumba ikintu gifite iforomo yoroheje.</li> <li>- Guha abana ibumba cyangwa igitaka k'inombe giteguye neza ku buryo byorohere abana guhita babumba.</li> <li>- Gusaba buri mwana kubumba ibiribwa yihitimo mubyo abona aho atuye.</li> <li>- Kureba niba abana nta mbogamizi bari guhura nazo igihe babumba, zaba zihari agatanga ubufasha.</li> <li>- Gusaba abana gusobanura ibyo babumbye barangiza bagahita bajya kubyanika ku zuba igihe bashaka ko bikomera.</li> </ul> <p><i>Ikitonderwa:</i></p> <p>Iyo bakoresheje ibumba rya kizungu bakaba bateganya kuzongera kurikoresha ntibanika ibyaribumbwemo.</p>	<ul style="list-style-type: none"> <li>- Abana batega amatwi amabwiriza umurezi abaha.</li> <li>- Twitegereza urugero bahabwa n'umurezi.</li> <li>- Gufata ibumba cyangwa igitaka k'inombere</li> <li>- Kubumba icyo yahisemo.</li> <li>- Gusaba ubufasha kubabukeneye</li> <li>- Gusobanura icyo yabumbye yarangiza agahita ajya kucyanika ahava izuba igihe batifashishije ibumba rya kizungu.</li> </ul>	<p>Ibumba, igitaka, amazi, urubaho, igikarito</p>
---	--	---	---

<b>Umusozo</b> Iminota	- Mu gihe k'isuzuma abana bazegeranya ibikoresho bakoreshaga babikorere isuku, nibarangiza babibike aho bigenewe kubikwa. - Abana bazakora isuku y' aho bakoreye.	- Kwegeranya ibikoresho bakoreshaga bakabikorere isuku barangiza bagakora isuku y' aho bakoreye. - Gukaraba intoki n' amazi meza n'isabune	Amazi, isabune
<b>Ibikorwa by'isuzuma/umukoro wo mu rugo</b> Iminota	Gusaba abana kubumba icyo bashatse igihe bageze mu rugo barangiza bakabyereka abo babana nabo.	Kubumba icyo bashatse bageze mu rugo	Ibumba, itaka, amazi

## Isomo rya 2: Kubumba bakora amashusho y'imibare ndetse n'inyuguti

- a. **Intego y'isomo:** Kubumba ibintu bitandukanye babireba cyangwa batabireba
- b. **Imfashanyigisho:** Ibumba, igitaka k'inombe, imonyi, amazi, ibesani, igikarito, urubaho n'ibindi.
- c. **Ibikorwa by'imyigire n'imyigishirize:**
  - Guha abana amakarita matoya ariho imibare n'inyuguti zitandukanye ukabasaba kuzitegereza;
  - Umurezi ha abana inyuguti n'imibare bibumbye akabasaba kuvuga ibihuye n'ibyo bafite ku dukarita;
  - Abana bavuga imibare cyangwa inyuguti bisa n'ibyabumbwe;
  - Umurezi asaba buri mwana kwegera umurezi akabaha urugero rwo kubumba imibare cyangwa inyuguti;
  - Umurezi aha abana ibikoresho byo kubumba;
  - Abana batangira kubumba imibare iri hagati ya 1 ni 10 cyangwa inyuguti eshanu z'ibanze;
  - Umurezi yegera abana igihe bari kubumba akitegereza uko babumba agatanga inama igihe abana bazikeneye;

- Abana basobanura imibare n’inyuguti babumbye barangiza bakabyanika kugira ngo bikomere;
- Umurezi afatanyije n’abana bashimira buri mwana wese ku nyuguti cyangwa imibare babumbye;
- Umurezi asoza asaba abana kuzabumba imibare igihe bageze mu rugo bakazazana ibyo bakoze mu cyumweru gikurikira.

### 3.2.4. Ingero z’ibikorwa bihuza uyu mutwe n’ibindi byigwa

1	<b>Ikinyarwanda</b>	Kunoza imvugo bavuga kucyo babumbye n’ibikoresho bakoresheje.
2	<b>Iterambere mu mibanire n’abandi n’imbamutima</b>	Bishimira kuvuga kucyo babumbye.
3	<b>Iboneza buzima</b>	Banoza ingingo nto babumba
4	<b>Imibare</b>	Babumba amashusho y’imibare.
5	<b>Ibidukikije</b>	Bakoresha ibikoresho babona mu bidukukije.

### 3.2.5. Isuzumabushobozi risoza uyu mutwe:

Umurezi agomba kwibuka ko isuzuma ry’amasomo agize uyu mutwe wo kubumba ibintu bitandukanye rikorwa buhoro buhoro abana bari mugikorwa kandi hitabwa kureba uko babumba nibisobanuro batanga ku byo babumbye aho gushingira kubwiza gusa bw’ibyo yabumbye.

Umurezi asabwa kubika neza kandi ku gihe amakuru ajyanye n’ubushobozi bw’abana bushingiye ku ntego za buri somo yigishije. Umurezi yirinda kuvuga ko igihangano cyumwana ko ari kibi ahubwo amushimira intambwe yateye yo kugira icyo akora akamusa niba hari icyo yavugurura kugirango bibe byiza kurushaho

Ibihangano abana bakoze bijyanye no guhanga amashusho, bizamurikwa ahagaragara kuburyo abana bazajya bagereranya ibyo bakoze nibyo abandi bakoze bakabyigiraho.



### 3.3. KUBUMBA IBINTU BATEKEREJE BIBONEKA AHO BATUYE (Umwaka wa gatatu)

#### 3.3.1. Ubushobozi bw'ingenzi bugamijwe

Abana bazaba bashobora kubumba ibintu basanzwe bazi ariko batabireba kandi bakaba bashobora gusobanurira abandi icyo babumbye.

#### 3.3.2. Ingingo nsanganyamasomo.

**Uburinganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha kubumba abakobwa n'abahungu bagiramo uruhare rungana.

**Uburezi budaheza:** Mu gihe abana bazaba babumba cyangwa, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi yita kuri buri mwana wese agatanga ubufasha mwana ubukeneye.

**Kwita ku bidukikije:** Abana batozwa kubumbira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

#### 3.3.3. Inama ku myigishirize y'amasomo.

Umurezi wigisha isomo ryo kubumba mu mwaka wa gatatu agomba guha abana uburenganzira bwo kugaragaza ubuhanga bwabo binyuze mu kubareka bakihitiramo icyo babumba, icyo bakibumbamo, ndetse n'uburyo bakibumba. Ibi bibazamurira ubushobozi bwo guhanga udushya. Iyo abana babumba ibintu mu mibyimba ifatika, umurezi yibanda mu gufasha umwana kugira ubushobozi bwo kubumba ibice binini by'ingenzi bigize umwimerere w'icyo abumba. Urugero: nk'igihe umwana arimo kubumba umuntu, umurezi agomba gufasha umwana areba niba yibutse gushyiraho ibice by'ingezi bigize umubiri w'umuntu; urugero: umutwe, igihimba, amaguru n'amaboko. Ikiba kigamijwe muri iri somo ni ukubaka mu mwana ubushobozi bwo kuvumbura ibice binini bigize ikintu, kubera ko ubushobozi bwokubumba ibice bito by'ikintu bwiyongera uko umuntu agenda akura.

#### Isomo rya 1: Kubumba ibintu batekereje

- a. **Intego y'isomo:** Kubumba ibintu bitandukanye batekereje
- b. **Imfashanyigisho:** ibumba, igitaka cy'inombe, igitaka cy'imonyi, ibumba rya kizungu, ivaze, akabindi, ishyiga, amazi, igikarito, urubaho...


**c. Ibitabo byifashishijwe:**

- Inyoborabarezi yo mu mashuri y'inshuke,
- Igitabo cy'Ubugeni n'umuco,
- Ibindi bitabo bifitanye isano n'ubugeni n'umuco ku mashuri y'inshuke

<b>Intambwe n'igihe (igihe kigenwa n'umurezi)</b>	<b>Ibikorwa by'umurezi</b>	<b>Ibikorwa by'abana</b>	<b>Imfashanyigisho zijyanye na buri gice k'isomo</b>
<b>Intangiriro</b> Iminota	- Umurezi yereka abana ibibumbano yateguye yarangiza akababaza ibisa na byo mubantu bisanzwe.	- Abana basubiza ibibazo babajijwe urugero: ikijumba, isahani...	Ibibumbano bikurikira: ikijumba, igitoki, igihaza, ipapayi, umwumbati.
<b>Ibikorwa bijyanye n'isomo ry'umunsi</b> Iminota	- Kubwira abana ko bagiye kubumba kandi bari bubumbe ibintu bihitiyemo. - Gusaba abana kwegera umurezi akabaha urugero rwo kubumba. - Guha abana ibumba cyangwa igitaka k'inombe giteguye neza kuburyo byorohera abana guhita babumba. - Gusaba buri mwana kubumba ikintu gifite umubyimbwa ufatika. - Kureba niba abana ntambogamizi bari guhuranazo igihe babumba. Zaba zihari agatanga ubufasha. - Gusaba abana gusobanura ibyo babumbye barangiza bagahita bajya kubyanika ku zuba igihe bashaka ko bikomera. Iyo bakoresheje ibumba rya kizungu bakaba bateganya kuzongera kurikoresha ntibanika ibyaribumbwemo.	- Abana bumva amabwiriza y'umurezi. - Kwitegereza urugero bahabwa n'umurezi. - Gufata ibumba cyangwa igitaka k'inombere - Kubumba icyo yahisemo. - Gusaba ubufasha kubabukeneye - Gusobanura icyo yabumbye yarangiza agahita ajya kucyanika ahava izuba igihe batifashishije ibumba rya kizungu.	Ibumba, igitaka, amazi, urubaho, igikarito

<b>Umusozo</b> Iminota	- Mu gihe k'isuzuma abana bazegeranya ibikoresho bakoresheje babikorere isuku nibarangiza bakore isuku y' aho bakoreye. - Gukaraba intoki n' amazi meza n'isabune.	- Kwegeranya ibikoresho bakoresheje bakabikorera isuku barangiza bagakora isuku y' aho bakoreye.	Amazi, isabune
<b>Ibikorwa by'isuzuma/ umukoro wo mu rugo</b> Iminota	Gusaba abana kubumba icyo bashatse igihe bageze murugo barangiza bakabyereka abo babana nabo.	Kubumba icyo bashatse bageze murugo	Inombe, itaka,

## Isomo rya 2: Kubumba umuntu



*Abana bari kubumba*

- Intego y'isomo:** Kubumba umuntu bakoresheje ibikoresho bitandukanye.
- Imfashanyigisho:** Ibumba, igitaka cy'inombe, imonyi, amazi, ibesani, igikarito, urubaho, ifoto yerekana ibice by'umubiri w'umuntu.
- Ibikorwa by'imyigire n'imyigishirize**
  - Umurezi abaza abana ibice by'ingenzi bigize umubiri w'umuntu;
  - Abana bavuga ibice by'ingenzi bigize umubiri w'umuntu

- Umurezi asaba abana kwitegereza ishusho yabumbye akababaza niba ifite ibice by'ingezi bigize umubiri w'umuntu maze bagasubiza uko babibona;
- Umurezi aha abana ibikoresho bikubiyemo ibumba, igitaka k'inombe, imonyi, amazi, ibesani, igikarito, urubaho abana bagahitamo ibyo bakoresha babumba umuntu;
- Abana batangira igikorwa cyo kubumba umuntu bakabikora uko babitekereza;
- Mu gihe abana bari mugikorwa cyo kubumba, umurezi asabwa kugera aho buri mwana ari kubumbira akareba uko abikora kugirango amenye ubufasha umwana akeneye;
- Abana bahabwa umwanya wo kumurika ibyo babumbye barangiza bakanika kuzuba ibyo babumbye kugirango bikomere;
- Mu gusoza umurezi asaba abana kwegeranya ibikoresho bakoresheje bakabikorera isuku barangiza bagakaraba intoki bakoresheje amazi n'isabune;

### **Isomo rya 3: Kubumba abagize umuryango mugari**

- Intego y'isomo:** Kubumba abagize umuryango mugari bakoresheje ibikoresho bitandukanye.
- Imfashanyigisho:** Ibumba, igitaka cy'inombe, imonyi, amazi, ibesani, igikarito, urubaho, ifoto yerekana ibice by'umubiri w'umuntu.
- Ibikorwa by'imyigire n'imyigishirize**
  - Umurezi abaza abana abagize umuryango mugari
  - Abana bavuga abagize umuryango mugari
  - Umurezi abwira abana ko bagiye kubumba abagize umuryango
  - Umurezi aha abana ibikoresho bikubiyemo ibumba, igitaka k'inombe, imonyi, amazi, ibase, igikarito, urubaho abana bagahitamo ibyo bakoresha babumba abagize umuryango mugari
  - Abana batangira igikorwa cyo kubumba abagize umuryango mugari bakabikora uko babitekereza;
  - Mu gihe abana bari mugikorwa cyo kubumba, umurezi asabwa kugera aho buri mwana ari kubumbira akareba uko abikora kugirango amenye ubufasha umwana akeneye;
  - Abana bahabwa umwanya wo kumurika ibyo babumbye barangiza bakabyanika kuzuba kugira ngo bikomere;
  - Umurezi ashimira abana ku byo bakoze;

- Mu gusoza umurezi asaba abana kwegeranya ibikoresho bakoreshaga bakabikorera isuku barangiza bagakaraba intoki bakoreshaje amazi n’isabune;

#### **Isomo rya 4: Kubumba ibikoresho byo mu rugo no kubisobanura**

**a. Intego y’isomo:** Kubumba ibikoresho byo mu rugo no kubisobanura bakoreshaje ibikoresho bitandukanye.

**b. Imfashanyigisho:** Ibumba, igitaka cy’inombe, imonyi, amazi, ibesani, igikarito, urubaho, isafuriya, ibase, ifoto yerekana ibikoresho bimwe byo murugo.

#### **c. Ibikorwa by’imyigire n’imyigishirize**

- Umurezi abaza abana ibikoresho byo murugo bazi
- Abana bavuga ibikoresho byo murugo biboneka aho batuye
- Umurezi abwira abana ko bagiye kubumba ibikoresho byo mu gikoni biboneka aho batuye.
- Umurezi aha abana ibikoresho bikubiyemo ibumba, igitaka k’inombe, imonyi, amazi, ibesani, igikarito, urubaho abana bagahitamo ibyo bakoresha babumba ibikoresho byo murugo;
- Abana batangira igikorwa cyo kubumba ibikoresho byo murugo uko babitekereza;
- Mugihe abana bari mugikorwa cyo kubumba, umurezi asabwa kugera aho buri mwana ari kubumbira akareba uko abikora kugira ngo amenye ubufasha buri mwana akeneye;
- Abana bahabwa umwanya wo kumurika ibyo babumbye barangiza bakabyanika kuzuba kugirango bikomere;
- Umurezi ashimira abana kubyo bakoze ;
- Umurezi asoza isomo asaba abana kwegeranya ibikoresho bakoreshaga bakabikorera isuku barangiza bagakaraba intoki bakoreshaje amazi n’isabune

### 3.3.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo bavuga icyo babumbye, babumba amashusho y'inyuguti.
2	<b>Iterambere mu mibanire n'abandi n'imbamutima</b>	Bishimira kuvuga ku cyo babumbye, bashimishwa no kubona ibihanagano byabo.
3	<b>Iboneza buzima</b>	Banoza ingingo nto babumba
4	<b>Imibare</b>	Babumba amashusho y'imibare.
5	<b>Ibidukikije</b>	Bakoresha ibikoresho babona mu bidukukuje.

### 3.3.5. Isuzumabushobozi risoza uyu mutwe:

Umurezi agomba kwibuka ko isuzuma ry'amasomo agize uyu mutwe wo kubumba ibintu batekereje biboneka aho batuye cyane hitabwa k'untu asobanura ibyo yabumbye ibi bigakorwa buhoro buhoro abana bari mugikorwa aho gushingira gusa ku bwiza bw'ibyo babumbye. Ni ngombwa bubaza umwana ibyo yakoze n'uko ari kubikora wita ku kumubaza ibibazo bimufasha kuvumbura ko hari ibitaranoga bityo bigatuma atekereza uko agiye kubinoza. Umurezi asuzuma ubushake by'umwana mu gukurikirana kwanika no kwanura ibyo yabumbye kugeza ubwo byumye neza.

Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije.

Ibihangano abana bakoze bijyanye no kubumba, bizamurikwa ahagaragara ku buryo abana bazajya bagereranya ibyo babumbye n'ibyo abandi bakoze maze bakabyigiraho.

#### 4.0. Intangiriro

Inyigisho y’Ubukorikori ishingiyeye ku bumeningiro isaba cyane abana gukora ibikorwa bitandukanye. Mu myigire ishingiyeye ku bushobozi, abana bagomba guhabwa umwanya uhagije mu myigire yabo kugira ngo bakore ibintu bitandukanye. Umurezi ahera ku byo abana basanzwe bazi kandi bafitiye ubushobozi, akabafasha kuvumbura ibindi bagendeye cyane ku mikino bagira hagati yabo. Ikigamijwe ni ukugera ku bikoresho byo mu bukorikori baba babasha kwikorera nko kubanga imipira, kuboha imigozi, imitako yo mu ndodo, imitako yo mu birere, imodoka, inzu, ibipupe (bikozwe mu myenda), amadarubindi, ingofero, n’ibindi.

Gukora no gukoresha ibikoresho byo mu bukorikori biri mu bizamura iterambere ry’umwana mu nguni zose z’ubuzima bwe. Aha twavugaga nko mu mitekerereze, ubushobozi mu ndimi, gukura neza mu ngingo z’umubiri, mu mibanire n’abandi no mu kugaragaza amarangamutima. Niyo mpamvu umurezi agomba gufasha abana gukora ibikoresho byo mu bukorikori no kubikoresha neza kandi ikigero k’imyaka y’abana n’ubushobozi bwabo bikitabwaho cyane.

Mu mwaka wa mbere, ubukorikori bwigwa mu isomo rimwe gusa (1), Mu mwaka wa kabiri ndetse no mu wa gatatu, ubukorikori bugabanyijemo amasomo ane (4) muri buri mwaka.

##### 4.0.1. Uruhererekane rw’amasomo

Umwaka	Umutwe	Amasomo
<b>Umwaka wa mbere w’inshuke</b>	<b>Ibikoresho biva mu bukorikori</b>	<b>Isomo rya 1:</b> Kumenya ibikoresho biva mu bukorikori
<b>Umwaka wa kabiri w’inshuke</b>	<b>Guhanga ibikoresho cyangwa ibikinisho</b>	<b>Isomo rya 1:</b> Kubanga umupira, <b>Isomo rya 2:</b> Kuboha <b>Isomo rya 3:</b> Kuzinga impapuro, <b>Isomo rya 4:</b> Gukata no komeka

<b>Umwaka wa gatatu w'inshuke</b>	<b>Guhanga ibikoresho n'ibikiniso byo mu bukorikori</b>	<b>Isomo rya 1:</b> Guhanga ibikoresho byo mu bukorikori bakenera mu gukina <b>Isomo rya 2:</b> Guhanga ibikoresho byo mu bukorikori bakenera mu kuririmba <b>Isomo rya 3:</b> Guhanga ibikoresho byo mu bukorikori bakenera mu kubyina, <b>Isomo rya 4:</b> Guhanga ibikoresho byo mu bukorikori bakenera mu gutaka ishuri.
-----------------------------------	---	---

## 4.1. IBIKORESHO BIVA MU BUKORIKORI (Umwaka wa mbere)

### 4.1.1. Ubushobozi bw'ingenzi bugamijwe

Abana bazaba bashobora kuvuga ibikoresho biva mu bukorikori bakunze kubona bagaragaza ibyo babona, ubwiza ndetse n'akamaro kabyo.

### 4.1.2. Ingingo nsanganyamasomo:

- **Uburiganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha ibikoresho biva mu bukorikori, abakobwa n'abahungu bagiramo uruhare rungana.
- **Uburezi budaheza:** Mu gihe abana bazaba bakinisha ibikoresho biva mu bukorikori, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe. Umurezi yemerera abana guhagarara no kwicara aho biborohera kubona no kumva neza. Abaha kandi n'umwanya uhagije ngo bakoreshe ibyo bikoresho bitandukanye.
- **Kwita ku bidukikije:** ibikoresho byinshi biva mu bukorikori bikorwa n'ibintu bituruka mu bidukikije. Abana batozwa kubikinishiriza ahabugenewe kandi bakamenyerezwa kubungabunga ibidukikije no kutabyangiza. Byongeye, abana batozwa kwandurura ibikoresho no gusukura aho bakoreye.

### 4.1.3. Inama ku myigishirize y'isomo

Ibikoresho biva mu bukorikori byibitsemu ubushobozi ntagereranywa bwo gukangura ubwenge bw'umwana. Umwana wo mu mwaka wa mbere w'amashuri y'inshuke aba akeneye gukundishwa ishuri cyane, birumvikana ko yabifashwamo n'umurezi we, akabikora amugenera ibikoresho byinshi byavuye mu bukorikori kugira ngo abikinise akoresha amaboko yombi, bityo bimufashe kuzamura ubushobozi bw'ubwonko bwe. Nk'uko ubwonko bufite ibice bibiri: ik'ibumoso n'ik'iburyo, iyo umwana (n'undi muntu wese) akoresheje akaboko k'ibumoso (nk'urugero nko kwandika), igice cy'ubwonko ke k'iburyo kiba gikora gitera imbere,



iyo yandikishije akaboko k'iburyo, igice cy'ubwonko ke k'ibumoso kiba gikora gitera imbere, birumvikana ko rero ibikinisho byinshi byakozwe mu bukorikori bituma abana bakoresha ibice byabo byombi (ik'ibumuso n'ik'uburyo), bityo ubwonko bwose bugatera imbere.

Ikibandwaho muri uyu mwaka nk' abana bafite hagati y'imyaka 3-4, ni ugutegura ibikinisho biri ku rwego rwabo bagafashwa kumenya amazina yabyo n'akamaro kabyo.

### Isomo rya 1: Ibikoresho biva mu bukorikori

- a. **Intego y'isomo:** Gusesengura no gutandukanya ibikoresho byo mu bukorikori agaragaza akamaro n'ubwiza abibonamo
- b. **Imfashanyigisho:** ibikoresho biva mu bukorikori: imipira ibanze mu birere, umugozi wo gusimbuka, ikiziriko, igiseke, umusambi (soma umusaambi), inkoko (soma inkooko)/ intara, imodoka yo mu bikenyeri, ingofero yo mu bikenyeri, amadarubindi mu bikenyeri, igikinisho cya terefone, igikinisho cya radiyo, inzu ikozwe mu bikarito, imidoka mu kajerekani n'ibindi.
- c. **Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo cy'Ubugeni n'umuco,
  - Isaranganyamasomo mu mashuri y'inshuke,
  - Ibindi bitabo bifitanye isano n'ubugeni n'umuco ku mashuri y'inshuke

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
<b>Intangiriro</b> Iminota	<ul style="list-style-type: none"> <li>- Kwereka abana amashusho cyangwa amafoto agaragaza ibikoresho biva mu bukorikori</li> <li>- Kubaza abana ibibazo bijyanye n'amashusho cyangwa amafoto beretswe.</li> </ul> <p><i>Urugero rw'ikibazo cy'umurezi:</i> Abana mubona kuri aya mafoto, hariho ibihe bikoresho?</p> <ul style="list-style-type: none"> <li>- Kwicaza abana ku ruziga bitegura kujya mu isomo rishya</li> </ul>	<ul style="list-style-type: none"> <li>- Kwitegereza amashusho cyangwa amafoto agaragaza ibikoresho biva mu bukorikori</li> <li>- Gusubiza ibibazo bibajijwe n'umurezi</li> </ul> <p><i>Urugero rw'igisubizo cy'umwana:</i> Turabona imipira yo gukina, ingofero y'igikinisho, terefone y'igikinisho</p> <ul style="list-style-type: none"> <li>- Kwicara ku ruziga</li> </ul>	Amashusho cyangwa amafoto imipira yo gukina, ingofero y'igikinisho, terefone y'igikinisho

<p><b>Ibikorwa bijyanye n'isomori umunsi</b></p> <p>Iminota</p>	<ul style="list-style-type: none"> <li>- Guha abana ibikoresho bitandukanye byo mu bukorikori no kubaha uburenganzira bwo kubikinisha</li> <li>- Gubasaba kuvuga amazina ya buri gikoresho kiva mu bukorikori bafite n'akamaro gifite mu buzima bwa buri munsi</li> <li>- Guha ubufasha abana aho biri ngombwa cyane unoza aho batavuze amazina neza n'akamaro kibikoresho biva mu bukorikori bahawe.</li> </ul>	<ul style="list-style-type: none"> <li>- Kwakira ibikoresho bitandukanye byo mu bukorikori no kubikinisha.</li> <li>- Kuvuga amazina ya buri gikoresho kiva mu bukorikori bafite n'akamaro gifite mu buzima bwa buri munsi</li> <li>- Gutega amatwi ibyo umurezi ababwira kugira ngo bamenye ibyo batari bazi neza banabaza aho badasobanukiwe neza.</li> </ul>	<p>Imipira ibanze mu birere, umugozi wo gusimbuka, ikiziriko, igiseke, umusambi, inkoko/intara, imodoka yo mu bikenyeri, ingofero yo mu bikenyeri, amadarubindi mu bikenyeri, igikinisho cya terefone, igikinisho cya radiyo, inzu ikozwe mu bikarito, indege n'ingofero zikozwe mu mpapuro, imodoka mu kajerekani n'ibindi bikoresho biboneka aho batuye</p>
<p><b>Umusozo</b></p> <p>Iminota</p>	<ul style="list-style-type: none"> <li>- Kubaza abana amazina n'akamaro k'ibikoresho biva mu mubukorikori wibanda kubyo wasanze batari bazi neza.</li> </ul>	<ul style="list-style-type: none"> <li>- Kuvuga amazina n'akamaro k'ibikoresho biva mu mubukorikori basuziza ibyo umurezi ababajije.</li> </ul>	
<p><b>Ibikorwa by'isuzuma/umukoro wo mu rugo</b></p> <p>Iminota</p>	<ul style="list-style-type: none"> <li>- Gushyira ibikoresho biva mu bukorikori byose hamwe, ukabasa kuvangura ibisa bakabishyira hamwe mu matsinda.</li> <li>- Gufasha abana kubika neza ibikoresho byakoreshejwe byose ahabugenewe</li> <li>- Guha abana umukoro wo kureba ibindi bikinisho biva mu bukorikori biri mu rugo batabonye ku ishuri bakamenya amazina n'akamaro kabyo.</li> </ul>	<ul style="list-style-type: none"> <li>- Kuvangura ibikoresho babishyira mu matsinda bagendeye ku bifite icyo bihuriyeho.</li> <li>- Gufatanya kubika neza ibikoresho byakoreshejwe byose ahabugenewe</li> <li>- Gukora umukoro bahawe n'umurezi bageze mu rugo bakabaza ababyeyi aho biri ngombwa.</li> </ul>	

#### 4.1.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Bunguka amagambo mashya ajoye n'ibikoresho biva mu bukorikori, banoza imvugo bavuye ku gikoresho runaka.
2	<b>Iterambere mu mibanire n'abandi n'imbamutima</b>	Bishimira gukina n'abandi bakoresheje ibikoresho biva mu bukorikori.
3	<b>Iboneza buzima</b>	Banoza ingingo nto n' inini bakoresheje ibikoresho biva mu bukorikori.
4	<b>Imibare</b>	Gukora ibirundo by'ibikoresho.
5	<b>Ibidukikije</b>	Bakoresha ibikoresho babona mu bidukukije.

#### 4.1.5. Isuzumabushobozi risoza uyu mutwe:

Umurezi agomba kwibuka ko isuzuma ry'amasomo agize uyu mutwe w'ibikoresho biva mu bukorikori rikorwa buhoro buhoro igihe abana bari kuvuye amazina y'ibikoresho, bari kubitandukanya nibindi rikorwa kandi binyuze mu kiganiro umurezi agirana n'umwana amubaza ibibazo kubikoresho biva mu bukorikori yibanda kumubaza uko bikoze n'ibyo gikozwemo. Aha, ibisubizo umwana agenda atanga byerekana intambwe umwana agenda atera mukumenya ibikoresho biva mu bukorikori. Ikiganiro umurezi agirana n'umwana kigomba no kuba kimufasha kumenya ibyo atarazi.

## 4.2. GUHANGA IBIKORESHO CYANGWA IBIKINISHO (Umwaka wa kabiri)



*Abana bari gufatanyaga n'umurezi mu guhangana ibikoresho mu bukorikori.*

### 4.2.1. Ubushobozi bw'ingenzi bugamijwe

Abana bazaba babasha guhanga ibikoresho byo mu bukorikori bifashishije bumwe mu buryo bworoheje.

### 4.2.2. Ingingo nsanganyamasomo

- **Uburiganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha guhanga ibikoresho cyangwa ibikinisho biva mu bukorikori, abakobwa n'abahungu bagiramo uruhare rungana.
- **Uburezi budaheza:** Mu gihe abana bazaba bahanga ibikoresho cyangwa ibikinisho biva mu bukorikori, buri wese mu bushobozi bwe azahabwa umwanya uhagije kugira ngo ashobore gukoresha no guhanga ibikoresho bishya yagenewe. Umurezi yemerera abana guhagarara no kwicara aho biborohera kubona no kumva neza, abaha n'umwanya uhagije ngo bakoreshe ibyo bikoresho bitandukanye.
- **Kwita ku bidukikije:** ibikoresho byinshi biva mu bukorikori bikorwa n'ibintu bituruka mu bidukikije, abana bamenyerezwa kubungabunga ibidukikije no kutabyangiza cyanecyane iyo bari guhanga ibikoresho n'ibikinisho bishyashya. Abana batozwa kandi kwandurura ibikoresho no gusukura aho bakoreye.
- **Umuco w'amahoro n'indangagaciro:** mu gihe abana basaranganya ibikoresho bahanga ibikoresho cyangwa ibikinisho biva mu bukorikori baba bazamura imibanire myiza hagatiyabo. Ibi kandi bigakorwa mu mahoro.

### 4.2.3. Inama ku myigishirize y'isomo.

Guhanga ibikoresho byo mu bukorikori bifashishije bumwe mu buryo bworoheje ni kimwe mu bikorwa bifasha abana kuko bamenya kwikorera ibikoresho n'ibikinisho byo gukinisha. Ibi bizamura byinshi ku mitekerereze n'ubwenge by'abana nk'uko byagaragajwe mu mwaka wa mbere. Umurezi agomba gufasha abana by'umwihariko mu gikorwa cyo guhanga ibikoresho n'ibikinisho biva mu bukorikori byoroheje kuko aba bana abenshi baba mu kigero cy'imyaka 4 - 5.

Ikibandwaho muri uyu mwaka wa kabiri, ni uguhanga ibikoresho n'ibikinisho bitandukanye biva mu bukorikori. Aha ibyinshi bibikwa mu nguni y'ubugeni bakabikoresha mu mikino yabo itandukanye.

### Isomo rya 1: Kubanga umupira

- Intego y'isomo:** kubanga umupira bakoresheje ibikoresho biboneka aho batuye
- Imfashanyigisho:** imipira ibanze mu birere, imipira ibanze mu budodo, imipira ikoze mu bitambaro bishaje bitagikoreshwa, imikasi, imipira ikoze mu mpapuro,

impapuro, ibirere, indodo, ibice by'ibitambaro, utugozi dukoze mu bitambaro, n'ibindi.

**c. Ibitabo byifashishijwe:**

- Inyoborabarezi yo mu mashuri y'inshuke,
- Igitabo cy'Ubugeni n'umuco,
- Isaranganyamasomo mu mashuri y'inshuke,
- Ibindi bitabo bifitanye isano n'ubugeni n'umuco ku mashuri y'inshuke

<b>Intambwe n'igihe (igihe kizagenwa n'umurezi)</b>	<b>Ibikorwa by'umurezi</b>	<b>Ibikorwa by'abana</b>	<b>Imfashanyigisho zijyanye na buri gice</b>
<p><b>Intangiriro</b></p> <p>Iminota</p>	<p>- Kwereka abana amashusho cyangwa amafoto agaragaza abana bari gukina udupira mu mikino itandukanye y'abahungu n' abakobwa</p> <p>- Kubaza abana ibibazo bijyanye n'amashusho cyangwa amafoto beretswe.</p> <p><i>Urugero rw'ikibazo cy'umurezi:</i></p> <p>Abana mubona kuri aya mafoto, bari gukora iki?</p> <p>- Kwicaza abana ku ruziga bitegura kujya mu isomo rishya</p>	<p>- Kwitegereza amashusho cyangwa amafoto agaragaza abana bari gukina udupira mu mikino itandukanye y'abahungu n' abakobwa</p> <p>- Gusubiza ibibazo bibajijwe n'umurezi</p> <p><i>Urugero rw'igisubizo cy'umwana:</i></p> <p>Turabona bari gukina udupira mu mikino itandukanye</p> <p>- Kwicara ku ruziga</p>	<p>Amashusho cyangwa amafoto</p>

<p><b>Ibikorwa bijyanye n'isomero ry'umunsi</b></p> <p>Iminota</p>	<ul style="list-style-type: none"> <li>- Guha abana imipira ibanze mu bintu bitandukanye: mu birere, mu budodo, mu mpapuro, mu bitambaro n'ibindi biboneka aho abana batuye no kubasaba kuyitegereza neza</li> <li>- Guha abana urugero rwo kubanga umupira wo mu bitambaro aberekera intambwe ku ntambwe ku buryo abana batangira kwitegura kubanga iyabo</li> <li>- Guha abana ibikoresho ngo batangire kubanga umupira w'ibitambaro</li> <li>- Gutangira intambwe ku yindi abana ibyo umurezi akora maze abana bakagerageza kumwigana. Izo ntambwe ni nko kuzingazinga ibitambaro mu buryo bw'umubumbe, ariko abana babyigana, kuzengurutsaho imigozi ikoze muri bya bitambaro bishaje bitagikoreshwa</li> <li>- Kugenda afasha abana muri buri gikorwa bagezeho babanga umupira afasha buri wese anamuha inama mu bushobozi bwe.</li> </ul>	<ul style="list-style-type: none"> <li>- Kwakira imipira ibanze mu bintu bitandukanye bitikereza uburyo ikozemo n'iby'ikoze</li> <li>- Kwitegereza intambwe ku ntambwe y'ibyo umurezi akora ku kubanga umupira kugira ngo baze gutangira iyabo inzira zose bazibonye</li> <li>- Kwakira ibikoresho bahawe n'umurezi bitegura kuhanga imipira yo mu bitambaro</li> <li>- Kujyana n'umurezi bigana ibyo akora bigana ibikorwa byo se akora intambwe ku ntambwe kugira ngo bakore imipira imeze neza babasha gukina</li> <li>- Kwemera no kwakira inama n'ubufasha n'umurezi mu gihe babanga imipira yabo.</li> </ul>	<ul style="list-style-type: none"> <li>- Imipira ibanze mu birere, imipira ibanze mu budodo, imipira ikoze mu bitambaro bishaje bitagikoreshwa, imikasi, imipira ikoze mu mpapuro, impapuro, ibirere, indodo, ibice by'ibitambaro, nutugozu dukaze mu bitambaro</li> <li>Ibitambaro bishaje bitagikoreshwa, imikasi, imigozi ikoze mu bitambaro n'ibindi byakoresha kuri gikorwa biboneka aho batuye</li> </ul>
--	---	--	---

<p><b>Umusozo</b> Iminota</p>	<p>- Kubaza abana kuvuga ibyo bakoze n'imimaro yabyo</p> <p><i>Urugero rw'ikibazo cy'umurezi:</i></p> <p>Abana mumaze gukora iki? Ese bimaze iki?</p>	<p>- Gusubiza ibyo bakoresheje babanga imipira</p> <p><i>Urugero rw'igisubizo cy'umwana:</i></p> <p>Tumaze kubanga imipira mu bitambaro bishaje, imipira tuyokoresha dukina</p>	
<p><b>Ibikorwa by'isuzuma/ umukoro wo mu rugo</b> Iminota</p>	<p>- Kubaza abana ibyo bakoresheje babanga imipira.</p> <p><i>Urugero rw'ikibazo cy'umurezi :</i></p> <p>Abana mwakoresheje iki mubanga imipira</p> <p>- Gufasha abana kubika neza ibikoresho byakoreshejwe byose ahabugenewe</p> <p>- Kubika neza ibikoresho ahabugenewe byakoreshejwe banasukura aho bakoreye nabo ubwabo ubafasha gukaraba intoki neza.</p>	<p>- Gusubiza ibyo bakoresheje babanga imipira</p> <p><i>Urugero rw'igisubizo cy'umwana:</i></p> <p>Twakoresheje ibitambaro bishaje bitagikoreshejwe, imigozi ikoze mu birere, n'imikasi.</p> <p>- Kubika neza ibikoresho ahabugenewe byakoreshejwe banasukura aho bakoreye nabo ubwabo bafashwa n'gukaraba intoki neza.</p>	

## Isomo rya 2: Kuboha

### a) Intego z'amasomo:

Kuboha ibintu bishakiye

**b) Imfashanyigisho:** ibyatsi bitandukanye (urukangaga, ubunyundo, ubusuna, ubuhivu, ishingwe, intamyi, imamfu, intaratara, imigano, iminaba, imigwegwe, urufunzo, imivumu, ibirere), imigozi itandukanye, imisambi, yimikasi, inkoko (soma inkooko), indodo, amazi n'ibindi biboneka aho batuye.

### c) Ibikorwa by'imyigire n'imyigishirize:

Ibikorwa n'inzira umurezi yakoresheje hejuru yigisha isomo rya mbere twabonye ahabanza, bishobora guhura n'iby'isomo rikurikira bitewe ni uko ayo masomo yose ahurira mu mutwe umwe. Igishobora guhinduka n'ibikoresho ndetse n'ubufasha umurezi aha abana mu kubikoresha kandi hakibukwa ko abana bose badafite ubushobozi bungana mu gukora ibikorwa bitandukanye n'ibikoresho byo mu bukorikori. Ibikorwa byibandwaho ni ukuboha ibintu abana bishakiye kandi bashoboye bigendanye n'ikigero bagezeho.

Mu myigire n'imyigishirize y'iri somo rya kabiri ry'ububoshyi, ibikorwa bishobora gukorwa mu buryo bukurikira:

- umurezi mbere na mbere agomba kwibuka ko abana bo mu mwaka wa kabiri w'amashuri y'inshuke bataragira ubushobozi cyane bwo gukora ibikoresho byuzuye by'ububoshyi, bakeneye gukundishwa umurimo wo kuboha kandi icyo baboha bagikora mu buryo n'ubushobozi bwabo kandi hatabayeho gukoresha ibikoresho byabateza ibibazo;
- Isomo ritangira abana bicazwa neza mu myanya yabugenewe kugira ngo babashe kugira ibyo bakora;
- Umurezi yereka abana bimwe mu bikoresho biboshywe nk'ingata, udusambi, udutebo, uduseke, imikeka, ingofero, ibidasesa, isaha, inkangara, ingata n'ibindi biboshywe biboneka ahobatuye;
- Umurezi abaza abana amazina by'ibikoresho biboshywe n'akamaro kabyo;
- Umurezi yereka abana akanabaha ibikoresho byifashishwa mu kuboha;
- Umurezi atanga urugero rwo kuboha kimwe mu bikoresho biva mu bukorikori. Urugero: Ingata.
- Umurezi yereka abana uko bahuza ibyatsi no kubizinga mu buryo bw'uruziga maze ubwatsi bugahura ukagenda unyuzaho umugozi kugira ngo bukomere ndetse ntibusandare;



- Umurezi aha abana ibikoresho byifashishwa mu kuboha
- Abana batangira kuboha ibikoresho bihitiyemo
- Umurezi aha abana ubufasha bwose bushoboka mu gihe baboha;
- Igihe barangije, umurezi ababaza akamaro k'ingata akaba yanabongereraho ubundi bumenyi batari bafite;
- Umurezi aha abana umwanya wo kuvuga ibyo bakoze n'icyo byamara mu buzima busanzwe
- Umurezi yibuka ko gushima ibikorwa by'abana bamaze kuboha ari ingenzi kugira ngo bishimire ubushobozi bagezeho; icyo gihe bongera kurushaho gukunda isomo ry'ubugeni n'umuco;
- Umurezi afatanyaga n'abana gusukura aho bakoreye no kubika neza ibikoresho byakoreshejwe kandi nabo ubwabo bakisukura;
- Umurezi aha abana umukoro wo kuboha ikindi gikoresho bishakiye bageze mu rugo kandi bakabifashwamo n'ababyeyi.

### Isomo rya 3: Kuzinga impapuro

- Intego z'amasomo:** Kuzinga impapuro bakoramo ibintu bishakiye
- Imfashanyigisho:** impapuro z'ubwoko butandukanye ziboneka aho batuye, amakaramu y'igiti, imikasi, ubujeni, ibikarito n'ibikoresho bikoreshwa mu isuku n'isukura.
- Ibikorwa by'imyigire n'imyigishirize:**

Mu myigire n'imyigishirize y'iri somo rya 3 ryo kuzinga impapuro, ibikorwa bishobora gukorwa mu buryo bukurikira:

- Isomo ritangira umurezi yicaza abana neza mu myanya yabugenewe kugira ngo babashe kugira ibyo bakora bijyanye no kuzinga impapuro;
- Umurezi yereka abana bimwe mu bikoresho byifashishwa mu buzima busanzwe kandi bihinnye mu mpapuro;
- Umurezi abaza abana amazina y'ibikoresho bihinnye mu mpapuro n'akamaro kabyo, urugero amabahasha atwarwamo impapuro, amabahasha atwarwamo ibintu (envelope);
- umurezi yereka abana urugero rw'uko bakora indege mu rupapuro, abikora bareba inzira zose, ubundi akayigurutsa ayitera mu kirere;

- Umurezi aha abana umwanya n’ibikoresho nabo bagatangira gukora indege bakoresheje ibikoresho bahawe;
- Umurezi aha abana ubufasha bwose bushoboka mu gihe baboha;
- Igihe barangije, umurezi ababaza akamaro k’indege ukabongereraho ubundi bumenyi batari bafite;
- Umurezi aha abana umwanya wo kuvuga ibyo bakoze n’icyo byamara mu buzima busanzwe no kugurutsa indege bakoze
- Ikindi gikoresho gikoze mu mpapuro abana bakunda, ni ingofero abana bambara ku munsu w’isabukuru. Umurezi ashobora kubafasha mu kuzikora maze buri mwana akambara ingofero ye yikoreye;
- Aha bashobora kubanza kuririmba indirimbo yo kwifuriza umwe muri bagenzi babo isabukuru nziza (kabone n’ubwo yaba atayigize) bakoresha akaririmbo ka “ISABUKURU NZIZA/HAPPY BIRTHDAY”;

Indirimbo: kuyandika no mu manota.

- Umurezi abaza abana uko bambika umwana wagize isabukuru, mu bisubizo baguha hazamo n’ingofero;
- Umurezi aha abana ibikoresho birimo impapuro, imikasi, na papiyokora, ubujeni cyangwa garafezi (agateranzuma);
- Abana babifashijwemo n’umurezi, batangira gukora ingofero ku buryo buri wese akora ingofero imukwiriye;
- Umurezi aha buri mwana umwanya akambara ingofero ye yikoreye ubundi bakaririmba indirimbo yavuzwe haruguru;
- Umurezi abaza abana igikorwa bakoze n’akamoro kacyo;
- Gushima ibikorwa abana bamaze gukora ni ingenzi kugira ngo bishimire ubushobozi bagezeho, bongera barushaho gukunda isomo ry’ubugeni n’umuco;
- Umurezi afatanya n’abana gusukura aho bakoreye no kubika neza ibikoresho byakoreshejwe kandi nabo ubwabo bakisukura
- Umurezi aha abana umukoro wo kuboha ikindi gikoresho bishakiye bageze mu rugo kandi bagafashwa n’ababyeyi babo muri uyu mukoro.

Icyitonderwa, amasomo yavuzwe haruguru yo guhanga ibikoresho cyangwa ibikinisho si ihame ko ari byo bikorwa muri aya masomo gusa. Birashoboka ko umurezi ashobora gukoresha ibindi bikoresho bijya gusa bitewe n’ikigero abana bagezemo, ndetse n’ibikoresho biboneka mu gace ishuri ry’inshuke rihereyemo.

## Isomo rya 4: Gukata no komeka

- a. **Intego z'amasomo:** Gukata no komeka impapuro bakoramo ibintu bishakiye.
- b. **Imfashanyigisho:** imikasi, impapuro zitandukanye, ubujeni, amakaramu y'ibiti.
- c. **Ibikorwa by'imyigire n'imyigishirize:**

Mu myigire n'imyigishirize y'iri somo rya 4 ryo gukata no komeka; ibikorwa bishobora gukorwa mu buryo bukurikira:

- Muri iri somo, bakoresha ibikoresho bikurikira: impapuro, imikasi, ubujeni n'ibindi byaboneka aho batuye;
- Umurezi ashobora kubaha intego (amaforomo atandukanye nka mpandeshatu, mpande enye, mpandeshanu, mpandesheshatu, n'izindi) zishushanyije ku mpapuro
- Umurezi afasha abana gukata impapuro bibanda kuri za ntego;
- Umurezi afasha abana bagasiga ubujeni kuri ya maforomo yakaswe bakayatera ahandi cyanecyane nko ku mpapuro
- Umurezi aha abana umwanya wo kuvuga ibyo bakoze n'icyo byamara mu buzima busanzwe;
- Umurezi afatany n'abana gusukura aho bakoreye no kubika neza ibikoresho byakoreshejwe na bo ubwabo bakisukura;
- Umurezi aha abana umukoro wo gukora ikindi gikoresho bishakiye bageze mu rugo bagafashwa n'ababyeyi.

### 4.2.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo asobanura uko yakoze igikoresho, amagambo mashya ajyanye n'ibikoresho ndetse n'uburyo bwifashishwa mu bukorikori.
2	<b>Iterambere mu mibanire n'abandi n'imbamutima</b>	Bishimira gukina n'abandi bakoresheje ibikoresho biva mu bukorikori.
3	<b>Iboneza buzima</b>	Banoza ingingo nto n'inini bakoresheje ibikoresho biva mu bukorikori.
4	<b>Imibare</b>	Gushyira hamwe ibintu bisa.
5	<b>Ibidukikije</b>	Bakoresha ibikoresho babona mu bidukukije.

#### **4.2.5. Isuzumabushobozi risoza uyu mutwe:**

Umurezi agomba kwibuka ko isuzuma ry’amasomo agize uyu mutwe wo guhanga ibikoresho cyangwa ibikinsho rikorwa buhoro buhoro abana bari mugikorwa kandi hitabwa ku kureba uburyo bahanga, umwihariko w’ibyo bakoze n’uko bakoresha ibikoresho byo guhanga ibikoresho n’ ibisobanuro batanga ku byo bahanze aho gushingira gusa ku bwiza bw’ibyo bahanze.

Ibihangano abana bakoze bijyanye n’ibikoresho cyangwa ibikinsho, bizamurikwa ahagaragara ku buryo abana bazajya bagereranya ibyo bakoze n’ibyo abandi bakoze bakigira ku byabagenzi babo.

### **4.3. GUHANGA IBIKORESHO N’IBIKINSHO BYO MU BUKORIKORI (Umwaka wa gatatu)**

#### **4.3.1. Ubushobozi bw’ingenzi bugamijwe**

Abana bazaba bashobora guhanga ibikoresho n’ibikinsho byo mu bukorikori bifashishije ibikoresho biboneka aho batuye kandi bakoresheje uburyo bunyuranye.

#### **4.3.2. Ingingo nsanganyamasomo**

- Uburinganire n’ubwuzuzanye bw’ibitsina byombi: Mu bikorwa byateguwe n’umurezi mu kwigisha guhanga ibikoresho cyangwa ibikinsho biva mu bukorikori, abakobwa n’abahungu bagiramo uruhare rungana.
- Uburezi budaheza: Mu gihe abana bazaba bahanga ibikoresho cyangwa ibikinsho biva mu bukorikori, buri wese mu bushobozi bwe azahabwa umwanya uhagije kugira ngo ashobore gukoresha no guhanga ibikoresho bishya yagenewe. Umurezi yemerera abana guhagarara no kwicara aho biborohera kubona no kumva neza, abaha n’umwanya uhagije ngo bakoreshe ibyo bikoresho bitandukanye.
- Kwita ku bidukikije: ibikoresho byinshi biva mu bukorikori bikorwa n’ibintu bituruka mu bidukikije, abana bamenyerezwa kubungabunga ibidukikije no kutabyangiza cyanecyane iyo bari guhanga ibikoresho n’ibikinsho bishyashya. Abana batozwa kandi kwandurura ibikoresho no gusukura aho bakoreye.
- Umuco w’amahoro n’indangagaciro: mu gihe abana basaranganya mu mahoro ibikoresho bahanga ibikoresho cyangwa ibikinsho biva mu bukorikori baba bazamura imibanire myiza hagati yabo.

#### **4.3.3. Inama ku myigishirize y’isomo.**

Mu mwaka wa gatatu w’amashuri y’inshuke, guhanga ibikoresho byo mu bukorikori bifashishije bumwe mu buryo bworoheje ni kimwe mu bikorwa bifasha abana

kumenya kwikorera ibikoresho n'ibikinsho byo gukinisha. Ibi bizamura byinshi ku mitekerereze n'ubwenge by'abana nk'uko byagaragajwe mu gice cyo mu mwaka wa mbere. Byongeye kandi, umurezi agomba gufasha abana by'umwihariko mu gikorwa cyo guhanga ibikoresho n'ibikinsho byoroheje biva mu bukorikori kuko ababana abenshi baba bageze mu kigero cy'imyaka 5 – 6 begereje igihe cyo gutangira umwaka wa mbere w'amashuri abanza.

Ikibandwaho muri uyu mwaka wa gatatu, ni uguhanga ibikoresho n'ibikinsho bitandukanye biva mu bukorikori byisumbuyeho ugereranije n'umwaka wa kabiri. Aha ibyinshi bibikwa mu nguni y'ubugeni bakabikoresha mu mikino yabo itandukanye.

### **Isomo rya 1: Guhanga ibikoresho byo mu bukorikori bakenera mu gukina**

- a. **Intego y'isomo:** Guhanga ibikoresho yahisemo bikoreshwa mu gukina akurikije uko intambwe zikurikirana
- b. **Imfashanyigisho:** ibikoresho biva mu bukorikori bijyanye n'insanganyamatsiko biboneka aho batuye: nk'inigi, imikasi, imipira ikoze mu mpapuro, impapuro, ibirere, indodo, ibice by'ibitambaro, utugozi dukoze mu bitambaro, imigozi yo gusimbuka ikoze mu birere, udufuniko tw'amacupa, udusumari, udukarito dutandukanye, inyundo, imodoka zikozwe mu bikarito n'ibindi biboneka aho batuye.
- c. **Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo cy'Ubugeni n'umuco,
  - Isaranganyamasomo mu mashuri y'inshuke,
  - Ibindi bitabo bifitanye isano n'ubugeni n'umuco ku mashuri y'inshuke

#### d. Ibice bigize isomo

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
<p><b>Intangiriro</b></p> <p>Iminota</p>	<ul style="list-style-type: none"> <li>- Kwereka abana ibikoresho bitandukanye byavuye mu bukorikori bikoreshwa mu gukina nk'imipira, ibikinisho by' imodoka, ibya telefone, ibya television n'ibindi byaboneka aho batuye</li> <li>- Kubaza abana ibibazo bijyanye nibikoresho biva mu bukorikori babonye.</li> </ul> <p><i>Urugero rw'ibibazo umurezi ashobora kubaza abana:</i></p> <p>Niba ari imodoka urababaza izina ryayo, ubaze ijwi bazi imodoka ivugamo, ubaze n'akamaro kayo</p>	<ul style="list-style-type: none"> <li>- Kwitegereza ibikoresho bitandukanye bikoreshwa mu gukina nk'imipira, ibikinisho by' imodoka, ibya telefone, ibya television, n'ibindi.</li> <li>- Gusubiza ibibazo bibazwa n'umurezi</li> </ul>	<ul style="list-style-type: none"> <li>- Ibikoresho bitandukanye byavuye mu bukorikori nk'imipira, ibikinisho by' imodoka, ibya telefone, ibya television, imisumari, inyundo, n'ibindi biboneka aho batuye</li> </ul>
<p><b>Ibikorwa bijyanye n'isomo ry'umunsi</b></p> <p>IMINOTA</p>	<ul style="list-style-type: none"> <li>- Kwereka abana telefone no kubabaza izina ryayo n'umumaro wayo</li> <li>- Guha abana, urugero rwo gukora igikinisho; Urugero: Gukora igikinisho cya telefone yo mu gikarito cyangwa mu gipapuro aberekeram intambwe ku ntambwe ku buryo abana batangira kwitegura gukora telefone zabo.</li> <li>- Guha abana ibikoresho ngo batangire gukora ibikinisho bya telefone zabo</li> <li>- Gutangira intambwe ku ntambwe abana nabo bakora ibyo umurezi akora ku gikinisho cya telefone, atangira akata intego(iforomo) yayo ubundi agashushanyaho akadirishya kareberwamo (screen), kwandikaho numero</li> </ul>	<ul style="list-style-type: none"> <li>- Kureba no gusubiza ibibazo bibazwa n'umurezi, urugero: ni telefone ikoreshwa ihamaga n'ibindi</li> <li>- Kwitegereza intambwe ku ntambwe y'ibyo umurezi akora ku gukora igikinisho cya telefone yo mu gikarito cyangwa mu gipapuro</li> <li>- Kwakira ibikoresho bahawe n'umurezi bitegura gukora ibikinisho telefone zabo</li> </ul>	

	<ul style="list-style-type: none"> <li>- Kugenda afasha abana muri buri gikorwa bagezeho cyanecyane nko mu gukata afasha buri wese anamuha inama mu bushobozi bwe kugeza barangije</li> </ul>	<ul style="list-style-type: none"> <li>- Kujyana n'umurezi bigana ibyo akora bigana ibikorwa byo se akora intambwe ku ntambwe kugira ngo bakore igikinisho cya telephone</li> <li>- Kwemera no kwakira inama n'ubufasha by'umurezi mu gihe bakora ibikinisho bya telephone kugeza barangije</li> </ul>	<ul style="list-style-type: none"> <li>- Impapuro, telephone n'ibikinisho byazo, amakaramu y'ibiti, marikeri, ibikarito, imikasi</li> </ul>
<p><b>Umusozo</b> Iminota</p>	<ul style="list-style-type: none"> <li>- Kubaza abana ibyo bakoze mu gukora ibikinisho bya telephone</li> </ul>	<ul style="list-style-type: none"> <li>- Gusubiza ibibazo byo gusobanura ibyo bakoze mu gukora tibikinisho bya telephone</li> </ul>	
<p><b>Ibikorwa by'isuzuma/umukoro wo mu rugo</b> Iminota</p>	<ul style="list-style-type: none"> <li>- Guha abana uburenganzira bagashyira mu bikorwa ibyo bazi telephone ikora byose bakoresheje ibikinisho bya telephone bikoreye.</li> <li>- Gufasha abana kubika ahabugenewe kandi neza ibikoresho byose byakoreshejwe</li> <li>- Gusukura aho bakoreye kandi nabo ubwabo ubafasha gukaraba intoki neza.</li> </ul>	<ul style="list-style-type: none"> <li>- Gushyira mu bikorwa ibyo telephone ikora bahamagara, bandika ubutumwa bugufi, bareba amafaranga, bohererezanya amafaranga, bakina imikino iba muri telephone n'ibindi</li> <li>- Kubika neza ibikoresho byakoreshejwe ahabugenewe banasukura aho bakoreye na bo ubwabo bafashwa gukaraba intoki neza.</li> </ul>	

## Isomo rya 2 n'irya 3: Guhanga ibikoresho byo mu bukorikori bakenera mu kuririmba no kubyina

- a. **Intego z'amasomo:** Guhanga ibikoresho byo kuririmba no kubyina yahisemo no gusobanura uko yabikoze.
- b. **Imfashanyigisho:** gitari, ingoma, ibinyuguri (ipendo), inanga, amakondera, ifirimbi, akuma gakata impapuro, amakaramu y'ibiti.
- c. **Ibikorwa by'imyigire n'imyigishirize:**

Abana bakunda gukina mu buryo butandukanye by'umwihariko bakunda kwiga binyuze mu mikino n'indirimbo, ni yo mpamvu bakenera ibikoresho bibafasha mu kuririmba no kubyina. Umurezi agomba kubafasha kuba bakwihangira ibikoresho bibabafasha muri ibyo bikorwa birimo kwihangira ingoma bavuzza, inanga (ya Kinyarwanda), piyano (imwe mu nanga za kizungu), ibinyuguri (ipendo), umwirogi, ifirimbi n'ibindi. Ibi byose muri rusange bifasha abana mu kuririmba no kubyina.

Mu myigire n'imyigishirize y'aya masomo, irya kabiri (2) n'irya gatatu (3) yo guhanga ibikoresho byo kuririmba no kubyina abana bahisemo; ibikorwa bishobora gukorwa mu buryo bukurikira:

- Umurezi yereka abana ibikoresho bikoreshe mu kuririmba no kubyina biboneka aho batuye. Ni byiza kuba abana bakwerekwa ibikoresho bya nyabyo ku girango babashe kubyigana
- Umurezi abaza abana amazina n'akamaro k'ibyo bikoreshe beretswe.
- Umurezi aha abana bimwe mu byifashishwa bahanga ibikoresho byifashishwa mu kuririmba no kubyina
- Umurezi aha abana umwanya wo kwihangira ibikoresho bishakiye, buri mwana ahanga igikoreshe yishakiye kandi umurezi akamufasha bitewe nubushobozi bwe
- Nyuma yo kurangiza guhanga ibikoresho umurezi aha umwanya abana bagasonura ibyo bahanze
- Umurezi aha abana umwanya bagacuranga ibikoresho bihangiyeye
- Umurezi afatanyaga n'abana gusukura aho bakoreye no kubika neza ibyo bakoresheje ahabugenewe



## Isomo rya 4: Guhanga ibikoresho byo mu bukorikori bakenera mu gutaka ishuri

- a. **Intego z'amasomo:** Guhanga ibikoresho byo mu bukorikori bakenera bataka ishuri
- b. **Imfashanyigisho:** impapuro zitandukanye, amakaramu y'ibiti, imikasi, uduzi, ubudodo, amakaramu y'amabara, ibidebe bitagikoreshwa, indabo, amafoto, ubujeni, ibikenyeri,
- c. **Ibikorwa by'imyigire n'imyigishirize:**

Gukoresha ibyo abana bihangiyeye ni kimwe mu bukorwa byiza cyane umurezi yakoresha bigashimisha abana, bigakundisha abana ishuri, bikazamura urwego rw'imitekerereze yabo. Ni muri urwo rwego ibikinisho byose bihangiyeye bigomba kwifashishwa bitakwa mu ishuri. Ibyo bakora bituruka mu biboneka aho batuye.

Mu myigire n'imyigishirize yiri somo rya kane (4) ryo ibikoresho byo mu bukorikori bakenera bataka ishuri; ibikorwa bishobora gukorwa mu buryo bukurikira:

- Nyuma yo kwicazwa neza ku ruziga, abana bafashijwe n'umurezi baririmba indirimbo yitwa 'Agashuri kacu'.

'Agashuri kacu karimo amashusho  
Na mwalimu wacu aradukunda cyane  
Iyo tugiye gutaha, tumusezeraho  
Bye Bye Bye tuzabonana ejo'

- Umurezi yereka abana ibikoresho bikoreshe mu gutaka ishuri ryaabo biboneka aho batuye. Ni byiza kwereka abana ibikoresho bya nyabyo ku gira ngo babashe kubyigana
- Umurezi aha abana bimwe mu bukorwa byifashishwa bahanga ibikoresho byo gutaka ishuri ryabo
- Umurezi aha abana umwanya wo kwihangira ibikoresho bishakiye, buri mwana ahanga igikoresho yishakiye kandi umurezi akamufasha bitewe n'ubushobozi bwe
- Nyuma yo kurangiza guhanga ibikoresho umurezi aha umwanya abana bagasonura ibyo bahanze byakoreshe mu gutaka ishuri
- Umurezi aha abana umwanya ugereranije bagatakisha ishuri ryabo bimwe mu bukorwa bahanze. By'umwihariko ibyinshi muri byo binashyirwa mu nguni y'ubugeni
- Umurezi afatanye n'abanyeshuri kwisukura no gusukura aho bakoreye bakanabika neza ibyo bakoresheje ahabugenewe

#### 4.3.4. Ingero z'ibikorwa bihuza uyu mutwe n'ibindi byigwa

1	Ikinyarwanda	Kunozza imvugo asobanura uko yakozze igikoresho, amagambo mashya ajyanye nibikoresho ndetse n'uburyo bwifashishwa mu bukorikori.
2	Iterambere mu mibanire n'abandi n'imbamutima	Bishimira gukina n'abandi bakoresheje ibikoresho biva mubukorikori, bakorera hamwe.
3	Iboneza buzima	Banoza ingingo nto n'inini bakoresheje ibikoresho biva ubukorikori.
4	Imibare	Gushyira hamwe ibintu bisa.
5	Ibidukikije	Bakoresha ibikoresho babona mu bidukukuje.

#### 4.3.5. Isuzumabushobozi risoza uyu mutwe

Umurezi agomba kwibuka ko isuzuma ry'amasomo agize uyu mutwe wo guhanga ibikoresho n'ibikinisho byo mu bukorikori hitabwa ukuntu asobanura ibyo yahanze ibi bigakorwa buhoro buhoro abana bari mugikorwa aho gushingira kubwiza gusa bw'ibyobahanze. Umwana abazwa ibibazo bimufasha kubona ko hari ibyo akwiriye kunozza kurushaho. Umurezi asabwa kubika neza kandi ku gihe amakuru ajyanye n'ubushobozi bw'abana bushingiye ku ntego za buri somo yigishije.

Ibihangano abana bakoze bijyanye no guhanga ibikinisho, bizamurikwa ahagaragara kuburyo abana bazajya bagereranya ibyo babumbye n'ibyo abandi bakoze maze bakabyigiraho.



*Abana n'umurezi wabo bari kuririmba abandi babyina.*

## 5.0. Intangiriro

Ubusanzwe abana batoya biga binyuze mu ndirimbo ndetse no mu mbyino, mu mikino no mu nkuru. Isomo ryo kuririmba iyo rihawe abana bakiri batoya duhereye ku bo mu mashuri y'inshuke, bikuza iterambere ry'ubwonko mu nzego zitandukanye. Mu by'ukuri, umwana utangiye kuririmba akiri mutoya, bimufasha guhora yibuka ibyo yize, yumvise cyangwa se yabonye, gufata mu mutwe ibyo yumvise n'ibyo yabonye, n'ibindi. By'akarusho, iyo abana bamenyereye gucuranga ibyuma bya muzika bakiri bato, bizamura ubushobozi bwabo mu kwiga imibare na siyansi; mu gihe iyo binyuze mu mbyino, abana bazamura ubushobozi bwo gukoresha ibice by'umubiri wabo ndetse bakanakuza imibanire yabo n'abandi.

### 5.0.1. Uruhererekane rw'amasomo

Umwaka	Umutwe	Amasomo
<b>Umwaka wa mbere w'inshuke</b>	Umutwe: <b>Kuririmba indirimbo bamenyereye</b>	<b>Isomo:</b> Indirimbo n'imbyino zoroheje bijyanye n'insanganyamatsiko igezweho
<b>Umwaka wa kabiri w'inshuke</b>	Umutwe: <b>Kuririmba no kubyina hubahirizwa injyana</b>	<b>Isomo:</b> Indirimbo n'imbyino bijyanye n'insanganyamatsiko igezweho
<b>Umwaka wa gatatu w'inshuke</b>	Umutwe: <b>Guhimba, kuririmba no kubyina indirimbo</b>	<b>Isomo rya 1:</b> Indirimbo n'imbyino bamenyereye mu birori bitandukanye <b>Isomo rya 2:</b> Kuririmba indirimbo bihimbiye

## 5.1. KURIRIMBA NO KUBYINA (Umwaka wa mbere)

### 5.1.1. Ubushobozi bw'ingenzi bugamijwe

Abana bazaba bashobora kuririmba no kubyina imbyino n'indirimbo bamenyereye.

### 5.1.2. Ingingo nsanganyamasomo.

- **Uburyanganire n'ubwuzuzanye bw'ibitsina byombi:** Mu bikorwa byateguwe n'umurezi mu kwigisha kubyina abakobwa n'abahungu bagiramo uruhare rungana.

- **Uburezi budaheza:** Mu gihe abana bazaba baririmba cyangwa babyina, buri wese mu bushobozi bwe azahabwa ibikoresho n’umwanya uhagije kugira ngo ashobore gukoresha ibikoresho yagenewe. Umurezi yita kuri buri mwana wese agatanga ubufasha igihe umwana abukeneye.
- **Kwita ku bidukikije:** Abana batozwa kuririmba no kubyina imbyino zishishikariza abantu twita kubidukikije barangiza bagakora isuku aho babyiniraga.

### 5.1.3. Inama ku myigishirize y’amasomo.

Mu gihe umurezi ategura indirimbo n’imbyino z’abana bato, agomba kwita ku kigero cy’imyaka bafite kuko igipimo cyo gufata mu mutwe gishobora gutandukana bishingiye ku kigero cy’imyaka. Akenshi, abana bato ntibakunda ibintu birambirana, bityo umurezi agomba gutegura indirimbo n’imbyino bigufiya kandi bibemerera gukora imiyego itandukanye kuko mu mibereho y’umwana muto aba ashaka guhindukira mu bice bitandukanye ibi bikamufasha kuzamura ubushobozi bwo gukoresha ibice by’umubiri bitandukanye. Ni byiza ko amagambo ari mundirimbo z’abana batoya aba ari amagambo adakomeye abana basanzwe bumva kandi asanzwe bakoresha mu buzima bwabo bwa buri muni.

### Isomo rya 1: Indirimbo n’imbyino zoroheje ziyanye n’insanganyamatsiko igezweho

- Intego y’isomo:** Kuririmba yumvikanisha amagambo avuga ajyanye n’insanganyamatsiko
- Imfashanyigisho:** Ingoma, ibinyuguri, radiyo n’ibindi.
- Ibitabo byifashishijwe:**
  - Inyoborabarezi yo mu mashuri y’inshuke,
  - Igitabo cy’Ubugeni n’umuco,
  - Ibindi bitabo bifitanye isano n’ubugeni n’umuco ku mashuri y’inshuke

Intambwe n'igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
<b>Intangiriro</b> Iminota	<ul style="list-style-type: none"> <li>- Dufashe urugero rw'insanganyatsiko ivuga amazi umurezi azabaza abana akamaro k'amazi.</li> <li>- Umurezi azabaza abana niba hari uzi indirimbo ivuga ku kamaro k'amazi. Amusabe kuyiririmba</li> <li>-Kumva niba indirimbo abana barimo kuririmba yoroheje: bivuga ko itagomba kuba ari ndende cyangwa ifite amagambo akomereye abana mu kuyavuga.</li> </ul>	<ul style="list-style-type: none"> <li>- Abana bazavuga akamaro k'amazi.</li> </ul> <p>Urugero: barayakaraba, barayakoropesha, barayatekesha...</p> <ul style="list-style-type: none"> <li>- Kuririmba indirimbo ivuga ku kamaro k'amazi.</li> </ul>	Ijerekani,
<b>Ibikorwa bijyanye n'isom ry'umunsi</b> Iminota	<ul style="list-style-type: none"> <li>- Umurezi abwira abana ko bagiye gusubira mu ndirimbo ya mugenzi wabo bakayirimbira hamwe bose barangiza bakayiririmba babyina.</li> <li>- Kubwira abana bagasubira mu ndirimbo bahereye ku kuganira ku magambo ayigize.</li> <li>- Umurezi asaba abana gusubira mu ndirimbo agace gato bakakarangiza bakajya ku kandi.</li> <li>- Umurezi asaba abana gusubiramo indirimbo bajyanisha n'amashyi.</li> <li>- Gusaba abana bifuza kubyina bagahaguruka maze abandi bakaririmba abandi bayibyina.</li> </ul>	<ul style="list-style-type: none"> <li>- Abana bumva amabwiriza y'umurezi.</li> <li>- Kuganira amagambo agize indirimbo</li> <li>- Abana basubira mundirimbo agace ku kandi.</li> <li>- Gusubira mu ndirimbo bajyanisha n'amashyi.</li> <li>- Kuririmba abandi barimo babyina.</li> <li>- Kumva inama z'umurezi.</li> </ul>	Ibumba , igitaka, amazi, urubaho, igikarito

	- Umurezi afasha abana kunoza indirimbo bakajyanisha amashyi n'imibyinire. Umurezi kandi yita mu kureba niba buri mwana ari kugira uruhare mu kuririmba cyangwa mu kubyina yasanga hari utari gukora nk'iby'abandi akamuganiriza akumva ikibazo afite agamije kumufasha kugira ngo na we ashobore kuririmba.		
<b>Umusozo</b> Iminota	Umurezi asaba abana gusoza bibukiranya ibintu bigaragaza akamaro k'amazi bivugwa mundirimbo bamaze kuririmba.	Kuvuga akamaro k'amazi.	
<b>Ibikorwa by'isuzuma/ umukoro wo mu rugo</b> Iminota	Umurezi asuzuma ubushozwi bwaburi mwana kuri buri ntambwe y'igikorwa cyo kuririmba. Bigakorwa agenda areba intwambwe umwana atera yabona hari ubufasha akeneye ako kanya akabumuha. Ntabwo isuzuma ritegereza umwanya wihariye cyangwa ibibazo byihariye.	Kugaragariza umurezi imbogamizi kugirango agufashe muri buri ntambwe y'igikorwa	

#### 5.1.4. Ingero z'ibikorwa bihuza uyu mutwe n'ibindi byigwa

<b>1</b>	<b>Ikinyarwanda</b>	Bunguka amagambo mashya ari mu ndirimbo
<b>2</b>	<b>Iterambere mu mibanire n'abandi n'imbamutima</b>	Igihe bagaragaza imbamutima babyina kandi baririmba
<b>3</b>	<b>Iboneza buzima</b>	Igihe babyina bagorora ingingo nini.
<b>4</b>	<b>Imibare</b>	Baririmba indirimbo zirimo imibare
<b>5</b>	<b>Ibidukikije</b>	Indirimbo zirimo amagambo y'ibidukikije

### 5.1.5. Isuzumabushobozi risoza uyu mutwe

Umurezi agomba kwibuka ko isuzuma ryo kuririmba no kubyina rikorwa buhoro buhoro abana bari mugikorwa kandi hitabwa kureba ubushake n’umurava abana bafite bwo kuririmba no kubyina bijyanye n’insanganyamatsiko igezweho ndetse no kureba ukuntu umwana abikora yishimye. Ubushake umwana agira bwo kugira icyo akora kijyanye no kuririmba cyangwa no kubyina imbere y’abandi bifatwa nk’intambwe ikomeye ku mwana mu gusabana nabandi. ibi bimufasha kandi kumenya ibyo anozza arebeye ku bandi cyangwa agendeye ku bufasha bw’umurezi. Ni yo mpamvu isuzuma rizakorwa kuri buri ntambwe y’igikorwa cyo kuririmba no kubyina by’umwana kandi rigamije kumufasha kugira ibyo anozza kurushaho.

## 5.2. KURIRIMBA NO KUBYINA HUBAHIRIZWA INJYANA (Umwaka wa kabiri)

### 5.2.1. Ubushobozi bw’ingenzi bugamijwe

Abana bazaba bashobora kuririmba no kubyina imbyino n’indirimo nyarwanda ndetse n’izahandi bubahiriza injyana.

### 5.2.2. Ingingo nsanganyamasomo.

- **Uburyanire n’ubwuzuzanye bw’ibitsina byombi:** Mu bikorwa byateguwe n’umurezi mu kwigisha kubyina abakobwa n’abahungu bagiramo uruhare rungana.
- **Uburezi budaheza:** Mu gihe abana bazaba baririmba cyangwa babyina, buri wese mu bushobozi bwe azahabwa ibikoresho nu umwanya uhagije kugira ngo ashobore gukoresha ibikoresho yagenewe. Umurezi yita kuri buri mwana wese agatanga ubufasha igihe umwana ubukeneye.
- **Kwita ku bidukikije:** Abana batozwa kuririmba no kubyina imbyino zishishikariza abantu twita kubidukikije barangiza bagakora isuku aho babyiniraga.

### 5.2.3. Inama ku myigishirize y’amasomo.

Mugihe umurezi ategura indirimbo n’imbyino z’abana bato agomba kwita ku kigero cy’imyaka bafite kuko igimpimo cyo gufata mu mutwe gishobora gutandukana bishingiye ku kigero cy’imyaka. Abana bato ntibakunda ibintu birambirana bityo umurezi agomba gutegura indirimbo n’imbyino bigufiya kandi bibemerera gukora imiyego itandukanye kuko mumibereho y’umwana muto abashaka guhindukira mubice bitandukanye ibi bikamufasha kuzamura ubushobozi bwo gukoresha ibice by’ umubiri bitandukanye. Ni byiza ko indirimbo z’abana batoya zigirwa n’amagambo adakomeye kandi agomba kuba ari amagambo basanzwe bakoresha

mu buzima bwabo bwa buri muni. Umurezi agomba twita gufasha abana guhuza injyana, amashyi ndetse n’imirimbire

**Isomo: Indirimbo n’imbyino bijyanye n’insanganyamatsiko igezweho**

- a. **Intego y’isomo:** Kuririmba yumvikanisha amagambo avuga, akabyina yubahiriza injyana kandi yizihwe
- b. **Imfashanyigisho:** Ingoma, ibinyuguri, radiyo...
- c. **Ibitabo byifashishijwe:**
  - Inyoborabarezi yo mu mashuri y’inshuke,
  - Igitabo cy’Ubugeni n’umuco,
  - Ibindi bitabo bifitanye isano n’ubugeni n’umuco ku mashuri y’inshuke

Intambwe n’igihe (kigenwa n’umurezi)	Ibikorwa by’umurezi	Ibikorwa by’abana	Imfashanyigisho zijyanye na buri gice
Intangiriro Iminota	<p>- Dufashe urugero rw’insanganyatsiko ivuga iminsi mikuru. umurezi azabaza abana kuvuga iminsi mikuru bazi yizihizwa aho batuye.</p> <p>- Kubaza abana niba hari uzi indirimbo ivuga ku muni mukuru. Mwarimu iyo asanze hari umwana ufite indirimbo ivuga ku muni mukuru amusaba kuyirimbira abandi.</p> <p>Urugero: <b>Noheri nziza</b></p>	<p>- Abana bazavuga iminsi mikuru bizihiza aho batuye</p> <p>Urugero: umunsi mukuru w’amavuko, umunsi mukuru usoza umwaka (noheli), ubunani....</p> <p>- Kuririmba indirimbo ivuga ku muni mukuru.</p>	Ingoma



<p><b>Ibikorwa bijyanye n'isomoriy'umunsi</b></p> <p>Iminota</p>	<ul style="list-style-type: none"> <li>- Nyuma yo kumva indirimbo y'umwana. Umurezi iyo asanze iri ku rwego rutagora abana muri rusange. Abwira abandi bana ko bagiye kuririmba hamwe indirimbo ya mugenzi wabo bayijyanisha n'amashyi n'umudiho.</li> <li>- Umurezi asaba abana kuririmba agace gato bakagasubiramo inshuro nyinshi kugeza bagafashe neza barangiza bakajya kugakurikira kugeza indirimbo irangiye. Iyo ishuri rigizwe nabana benshi urigabanyamo amatsinda. Bamwe bakaririmba abandi bakabyina.</li> <li>- Umurezi yirinda guhata umwana ngo abyine, ahubwo amufasha gukora ibyo ashoboye: nko kuririmba, gukoma amashyi, kuvuza ingoma n'ibindi. Hanyuma buhoro buhoro, umurezi akundisha umwana kubyina amusaba kuza bakabyinana.</li> </ul>	<ul style="list-style-type: none"> <li>- Abana bumva amabwiriza y'umurezi.</li> <li>- Kuganira amagambo agize indirimbo</li> <li>- Abana basubira mu ndirimbo agace ku kandi.</li> <li>- Gusubira mu ndirimbo bajyanisha n'amashyi.</li> <li>- Kuririmba abandi barimo babyina.</li> <li>- Mu gihe abana bamwe baririmba abandi bashobora kuba bari gucuranga ingoma n'ibindi bicurangisho bashobora kubona hafi.</li> </ul>	<p>Ingoma, icupa rya purasitike, umurishyo</p>
<p><b>Umusozo</b></p> <p>Iminota</p>	<p>Umurezi asaba abana gusoza bibukiranya bimwe mu biranga umunsi mukuru wa Noheli bivugwa mu ndirimbo bamaze kuririmba.</p>	<p>Kuvuga ibiranga umunsi mukuru wa Noheli.</p>	

<b>Ibikorwa by'isuzuma/ umukoro wo mu rugo</b> Iminota	Umurezi asuzuma ubushozozo bwa buri mwana kuri buri ntambwe y'igikorwa cyo kuririmba. Bigakorwa agenda areba intambwe umwana atera yabona hari ubufasha akeneye ako kanya akabumuha. Ntabwo isuzuma ritegereza umwanya wihariye cyangwa ibibazo byihariye.  Umurezi kandi yirinda kubwira abana ko hari ufite intege nkeya.	Kugaragariza umurezi imbogamizi kugira ngo atange ubufasha k'umwana ubukeneye kuri buri ntambwe y'igikorwa	
---	---	--	--

#### 5.2.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo baririmba, bunguka amagambo mashya
2	<b>Iterambere mu mibanire n'abandi n'imbamutima</b>	Igihe bagaragaza imbamutima babyina kandi baririmbira hamwe.
3	<b>Iboneza buzima</b>	Igihe babyina bitoza guhimba guhuza imiyego yingingo nto n'inini.
4	<b>Imibare</b>	Baririmba indirimbo zirimo imibare
5	<b>Ibidukikije</b>	Indirimbo zirimo amagambo y'ibidukikije

#### 5.2.5. Isuzumabushobozi risoza uyu mutwe

Umurezi agomba kwibuka ko isuzuma ryo kuririmba no kubyina rikorwa buhoro buhoro abana bari mu gikorwa kandi hitabwa ku kureba ubushake n'umurava abana bafite bwo kuririmba no kubyina bijyanye n'insanganyamatsiko igezweho akabikora yishimye. Umurezi yita mu kureba ukuntu umwana ayanisha imiyego, injyana n'ingoma by'indirimbo. Ubushake umwana agira bwo kugira icyo akora bufatwa nk'intambwe ikomeye umwana aheraho agira ibyo anozza arebeye ku bandi cyangwa agendeye ku bufasha bw'umurezi ni yo mpamvuzu isuzuma rizakora kuriburi ntambwe yigikorwa cy'umwana kandi rigamije kumufasha kugira ibyo anozza kurushaho.

## 5.3 GUHIMBA, KURIRIMBA NO KUBYINA INDIRIMBO (Umwaka wa gatatu)

### 5.3.1. Ubushobozi bw'ingenzi bugamijwe

Abana bazaba bashobora kuririmba, kubyina no guhimba, indirimbo zabo bagaragaza imbamutima zikwiye kandi bifitiye icyizere.

### 5.3.2. Ingingo nsanganyamasomo.

- **Uburinganire n'ubwuzuzanye bw'ibitsina byombi** : Mu bikorwa byateguwe n'umurezi mu kwigisha guhimba, kuririmba no kubyina indirimbo abakobwa n'abahungu bagiramo uruhare rungana.
- **Uburezi budaheza** : Mu gihe abana bazaba bahimba, baririmba cyangwa babyina indirimbo, buri wese mu bushobozi bwe azahabwa ibikoresho n'umwanya uhagije kugira ngo ashobore gukoresha ibikoresho yagenewe. Umurezi yita kuri buri mwana wese agatanga ubufasha igihe umwana ubukeneye.
- **Kwita ku bidukikije** : Abana batozwa guhimba, kuririmba no kubyina imbyino zishishikariza abantu twita kubidukikije barangiza bagakora isuku aho babyiniraga.

### 5.3.3. Inama ku myigishirize y'amasomo.

Mugihe abana bari guhimba indirimbo umurezi agomba kubaba hafi akajya abafasha kugorora imvugo aho biringombwa.

### **Isomo rya 1 : Indirimbo n'imbyino bamenyereye mu birori bitandukanye**

**Intego y'isomo** : Kuririmba yumvikanisha amagambo avuga kandi agaragaza imbamutima zikwiye.

**Imfashanyigisho:** Ingoma, umurishyo, ibinyuguri, radiyo...

### **Ibitabo byifashishijwe:**

- Inyoborabarezi yo mu mashuri y'inshuke,
- Igitabo cy'Ubugeni n'umuco,
- Ibindi bitabo bifitanye isano n'ubugeni n'umuco ku mashuri y'inshuke

<b>Intambwe n'igihe (igihe kigenwa n'umurezi)</b>	<b>Ibikorwa by'umurezi</b>	<b>Ibikorwa by'abana</b>	<b>Imfashanyigisho zijyanye na buri gice</b>
<p><b>Intangiriro</b></p> <p>Iminota</p>	<p>- Umurezi abaza abana niba hari uzi indirimbo iririmba bizihiza ibirori runaka. Yarangiza akamusabako yayirimbira abandi.</p> <p>-Umurezi azatega amatwi indirimbo agasuzuma koko niba ijyanye nibirori runaka kandi akareba niba yakorohera abandi bana kuyirimba no kuyibyina.</p> <p>-Umurezi abaza abandi bana niba basanzwe bazi iyo ndirimbo</p> <p>-Umurezi abaza abana ibirori byumvikana mu ndirimbo</p>	<p>-Gutega amatwi indirimbo iri kurimbwa namugenzi wabo.</p> <p>-abana basubiza niba basanzwe bayizi</p> <p>-Abana bavuga ibirori byumvikana mu ndirimbo.</p>	<p>Ingoma</p>
<p><b>Ibikorwa bijyanye n'isomo ry'umunsi</b></p> <p>Iminota</p>	<p>Umurezi azabwira abana ko bagiye kwigirahamwe indirimbo baririmbiwe namugenziwabo baranziza bakayibyina.</p> <p>-Umurezi aha ibicurangisho abana bijyana n'indirimbo.</p> <p>-Iyo umurezi yasanze abana basanzwe bazi indirimbo abasaba kuyisubiramo rimwe bosehamwe.</p> <p>-Gusaba abana kurimba bubahiriza injyana nokuyihuza n'ingoma.</p>	<p>- Abana bumva amabwiriza y'umurezi.</p> <p>-Kwakira ibikoresho</p> <p>-Kurimba bubahiriza injyana bajyanisha n' ibicurangisho.</p>	<p>Ingoma, icupa rya purasitike, umurishyo</p>

	-Gusaba itsinda rimwe ry'abana kuririmba irindi ribyina indirimbo yarangira ababyinaga nabo bakaririmba.	-Kuririmba babyina.	
<b>Umusozo</b> Iminota	Umurezi asaba abana gusoza bibukiranya bimwe mubiranga ibirori byaririmbwaga mundirimbo	Kuvuga ibiranga ibirori bivuga mu ndirimbo	
<b>Ibikorwa by'isuzuma/ umukoro wo mu rugo</b> Iminota	Umurezi asuzuma ubushozozo bwaburi mwana kuri buri ntambwe y'igikorwa cyo guhimba, kuririmba no kubyina.  Bigakorwa agenda areba intambwe umwana atera yabona hari ubufasha akeneye ako kanya akabumuha. Ntabwo isuzuma ritegereza umwanya wihariye cyangwa ibibazo byihariye.  Umurezi kandi yirinda kubwira abana ko hari ufite intege nkeya.	-Gusubiza umurezi igihe amubajije ikibazo  -Gusaba ubufasha igihe abukeneye	

## Isomo rya 2 : Kuririmba indirimbo bihimbiye

- a. **Intego y'isomo** : Guhimba indirimbo ngufi.
- b. **Imfashanyigisho** : ingoma, umurisho, ibinyuguri, amayugi, inanga...
- c. **Ibikorwa by'imyigire n'imyigishirize**
  - Umurezi asaba abana gutuza bakamutega amatwi akabarimbira indirimbo yahimbwe n'abandi bana.
  - Abana baratuza bagatega amatwi indirimbo umurezi abarimbira
  - Umurezi abaza abana niba nabo bahimba akaririmbo kabo
  - Abana basubiza umurezi ko nabo bahimba indirimbo yabo

- Umurezi ashyira abana mumatsinda matoya akabasaba guhimba akaririmbo kagufi
- Abana baja mumastinda mato
- Umurezi agera kuri buritsinda akarifasha kubona isanganyamatsiko n'injyana
- Mumatsinda matoya abana bahimba indirimbo bajyanisha ninjyana bakayisubiramo ishuro irenze imwe.
- Umurezi agera kuri buritsinda akumva aho bageze basubiramo indirimbo yabo yasanga bakeneye ubufasha akabubaha.
- Umurezi asaba buritsinda kuririmba no kubyina indirimbo bahimbye
- Umurezi afatanyije n'abana bashimira buri tsinda.

#### 5.3.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Kunoza imvugo baririmba, amagambo mashya ari mubyino no mundirimbo.
2	<b>Iterambere mu mibanire n'abandi n'imbamutima</b>	Igihe bagaragaza imbamutima babyina kandi baririmba hamwe nabagenzi babo.
3	<b>Iboneza buzima</b>	Igihe babyina bitoza guhimba guhuza imiyego yingingo nto n'inini.
4	<b>Imibare</b>	Baririmba indirimbo zirimo imibare
5	<b>Ibidukikije</b>	Indirimbo zirimo amagambo y'ibidukikije

#### 5.3.5. Isuzumabushobozi risoza uyu mutwe

Umurezi agomba kwibuka ko isuzuma ryo kuririmba no kubyina rikorwa buhorobuhoro abana bari mu gikorwa kandi hitabwa ku kureba ubushake n'umurava abana bafite mugikorwa guhimba indirimbo kuyiririmba ndetse no kuyibyina bagaragaza amarangamutima yabo. Umurezi yita mukureba ukuntu umwana ayanisha imiyego, injyana n'ingoma by'indirimbo. Ubushake umwana agira bwo kugira icyo akora bufatwa nk'intambwe ikomeye umwana aheraho agira ibyo anozza arebeye ku bandi cyangwa agendeye ku bufasha bw'umurezi ni yo mpamvuzi isuzuma rizakora kuri buri ntambwe y'igikorwa cy'umwana kandi rigamije kumufasha kugira ibyo anozza kurushaho ndeste no kumuha urubuga mu kugaragaza ibyo atekereza.



*Abana bari gucuranga ibikoresho bya muzika bitandukanye.*

## 6.0. Intangiriro

Ibikoresho bya Muzika, ni buri kintu gikorwa gifitiwe intego yo gutanga cyangwa gusohora ijwi ry’umuziki. Bimwe mu bikoresho bya muzika bikunze kugaragara by’umwihariko mu Rwanda, harimo imyirongi, ingoma za kizungu, piyano, gitari, umuduri, inanga, inzogera, ifirimbi, amayugi, ibinyuguri, ingoma za kinyarwanda zigizwe n’ishakwe, inyahura, igihumurizo, n’ibindi bikoresho bitandukanye.

Ni kenshi abana biga mu mashuri y’inshuke bakunda gukinisha ibikoresho bya Muzika ariko ugasanga babikinisha mu buryo budakwiriye bitewe n’uko badasobanukiwe n’imikoreshereze ya byo. Ibi bikoresho bya muzika bifite akamaro gakomeye kuri aba bana. By’umwihariko kubikinisha bizamura urwego rw’imitekerereze yabo hakiri kare.

Mu mashuri y’inshuke, ibikoresho bya muzika byigwa mu isomo rimwe gusa (1) ni ukuvuga isomo rimwe muri buri mwaka.

### 6.0.1. Uruhererekane rw’amasomo

Umwaka	Umutwe	Amasomo
Umwaka wa mbere w’inshuke	Inkomoko y’amajwi	Isomo: Amajwi atangwa n’ibikoresho binyuranye
Umwaka wa kabiri w’inshuke	Inkomoko y’amajwi	Isomo: Amajwi atangwa n’ibikoresho bya Muzika
Umwaka wa gatatu w’inshuke	Gukoresha ibikoresho bya Muzika	Isomo: Gucuranga ibikoresho bya Muzika baririmba

## 6.1. INKOMOKO Y’AMAJWI (Umwaka wa mbere)

### 6.1.1. Ubushobozi bw’ingenzi bugamijwe

Abana bazaba bashobora gutandukanya amajwi akomoka ku bintu binyuranye ahura na byo mu bidukikije.

### 6.1.2. Ingingo nsanganyamasomo

- Umuco w’amahoro n’indangagaciro: igihe bakina imikino yo kuvuga amazina y’ibikoresho binyuranye bitanga amajwi banatahura amajwi y’abantu cyangwa ibintu babyumva babireba cyangwa batabireba bizatuma abana bashobora



kubana mu mahoro.

- Uburinganire n’ubwuzuzanye bw’ibitsina byombi: Muri icyo mikino yo kuvuga amazina y’ibikoresho binyuranye bitanga amajwi banatahura amajwi y’abantu cyangwa ibintu abakobwa n’abahungu babigiramo uruhare rungana.
- Uburezi budaheza: Mu gihe abana bazaba bakina imikino yo kuvuga amazina y’ibikoresho binyuranye bitanga amajwi banatahura amajwi y’abantu cyangwa y’ibintu, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe.
- Kwita ku bidukikije: mu gihe abana bakina imikino yo kuvuga amazina y’ibikoresho bitanga amajwi no gutahura amajwi yibintu cyangwa abantu bakinira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### 6.1.3. Inama ku myigishirize y’isomo.

Mu mivugire n’imitekerereze mu ruririmi bizamuka cyane uko umuntu, ibintu cyangwa inyamaswa bisohora amajwi atandukanye. Ku umwana akenera iterambere mu nzego zitandukanye nko gukura kw’ingingo, gukura mu kugaragaza amarangamutima, mu mibanire n’abandi, mu mitekerereze ndetse no mu rurimi by’umwihariko. Amajwi n’ingenzi mu iterambere ry’ururimi cyane, abana bato batangira Kumva amajwi bakiri mu nda, uko bakura bagenda bunguka amajwi y’ibintu bishyashya n’abantu bashyashya bityo bikazamura imitekerereze ye ndetse n’irurimi muri rusange. Mu mashuri abana bahura n’umuziki aho baririmba bakanabyina. Umurezi afasha abana mu bikorwa byose bya muzika ariko by’umwihariko agateganya ibikoresho bya muzika bitandukanye, bishobora kuba ingoma, gitari n’umwirongi.

### Isomo rya 1: Amajwi atangwa n’ibikoresho binyuranye

- a. Intego y’isomo:** Abana bazaba bashobora gutandukanya amajwi akomoka kubintu binyuranye ahura nabyo mu bidukukije.
- b. Imfashanyigisho:** Sede (CD) cyangwa furashi disike (Flash disk) iriho amajwi y’ibintu bitandukanye biri buze gusohora amajwi atandukanye igihe udafite ubushobozi buhagije mu gusohora amajwi, radiyo, telefoni, amacupa washyizemo utubuye duto cyagwa umucanga nibindi wakwifashisha bigatanga amajwi atandukanye.
- c. Ibitabo byifashishijwe:**
  - Inyoborabarezi yo mu mashuri y’inshuke,
  - Igitabo k’Imibare cy’umunyeshuri,

- Isaranganyamasomo mu mashuri y'inshuke,
- Imfashanyigisho y'amahugurwa ku ntegyanyigisho y'uburezi bw'inshuke.

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Infashanyigisho zijyanye na buri gice
<p><b>Intangiriro</b></p> <p>Iminota</p>	<p>-Gutangiza akaririmbo karimo amajwi atandukanye ndetse abana bakabyina banavuzura ningoma kugirango abana bumve amajwi atandukanye.</p> <p>-Kubwira abana amazina yibikoresho binyuranye bitanga amajwi,</p> <p>Gushyira abana ku ruziga bicaye.</p>	<p>- Kuririmba, kubyina no kuvuzura ingoma.</p> <p>- Gutega amatwi bakumva amazina y'ibikoresho bitanga amajwi</p> <p>Kujya ku ruziga.</p>	<p><b>a)</b> Sede (CD) cyangwa furashi disike (Flash disk) iriho amajwi y'ibintu bitandukanye biri buze gusohora amajwi atandukanye igihe udufite ubushobozi buhagije mu gusohora amajwi, radiyo, telefoni, amacupa washyizemo utubuye duto cyagwa umucanga nibindi wakwifashisha bigatanga amajwi atandukanye.</p>
<p><b>Ibikorwa bijyanye n'isomero ry'umunsi</b></p> <p>Iminota</p>	<p>Kwerekana abana ko amashusho ariho ibikoresho binyuranye bitanga amajwi atandukanye.</p> <p>Kubaza abana ibikoresho babonye ku mashusho atandukanye beretswe n'umurezi.</p> <p>Kubwira abana amazina y'ibikoresho binyuranye bitanga amajwi</p> <p>Gushyira abana mu matsinda matomato no kubicaza ku ruziga.</p>	<p>Kwitegereza amashusho anyuranye ariho ibikoresho bitanga amajwi</p> <p>Kuvugana ibikoresho bitanga amajwi beretswe n'umurezi.</p> <p>Gutega amatwi bakumva amazina yibikoresho bitanga amajwi</p>	

	<p>Kureba uburyo abana bakina umukino wo gutahura amajwi aturuka ku bintu basanzwe bazi ariko batabona atanga ubufasha aho biri ngobwa.</p> <p>Gusaba abana gusobanurira bagenzi babo umukino wo gutahura amajwi bakinaga.</p>	<p>Mu matsinda mato abana bakina umukino wo gutahura amajwi aturuka ku bintu basanzwe bazi ariko batabireba.</p> <p>Gukomeza umukino wo gutahura</p> <p>Gusobanura umukino wo gutahura amajwi uko wagenze basobanurira bagenzi babo.</p>	
<p><b>Umusozo</b> Iminota</p>	<p>Kubumvisha amajwi yibintu bitandukanye ukabasaba ko batahura ayo majwi</p>	<p>Gutahura amajwi y'ibintu bitandukanye bumvise.</p>	
<p><b>Ibikorwa by'isuzuma/ umukoro wo mu rugo</b> Iminota</p>	<p>-Gusaba abana gutandukanya amajwi akomoka kubintu bidukikuje binyuranye bahura na byo.</p>	<p>-gutandukanya amajwi akomoka ku bintu bidukikuje binyuranye bahura na byo.</p>	

#### 6.1.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Igihe azaba yunguka amagambo mashya ajyanye n'ibikoresho bya muzika.
2	<b>Iterambere mu mibanire n'abandi n'imbamutima</b>	Igihe bagaragaza imbamutima bigana ibintu/ abantu/ibisimba binyuranye
3	<b>Iboneza buzima</b>	Igihe bakoma amashyi bavuzura ingoma bazaba bakuza imiyego yingingo nto n'inini.
4	<b>Imibare</b>	Bashobora kubara ikoresho bya muzika bahawe.
5	<b>Ibidukikije</b>	Batekereza kubintu byo mu bidukikije binyuranye bitanga amajwi.

### **6.1.5. Isuzumabushobozi risoza uyu mutwe**

Isuzuma ku nkomoko y'amajwi rikorwa buhoro buhoro ntrigombera igihe cy'umwihariko rikorwa kuri buri ntambwe y'isomo aho abana basabwa kumva amajwi arimo atangwa n'ibintu binyuranye bagasabwa gutahura ayo majwi. Umurezi nanone ashobora gusaba abana kwigana amajwi y'ibintu bimwe na bimwe.

## **6.2. INKOMOKO Y'AMAJWI (Umwaka wa kabiri)**

### **6.2.1. Ubushobozi bw'ingenzi bugamijwe**

Abana bazaba bashobora gutandukanya ibikoresho bya muzika bakunze kubona bahereye ku majwi bitanga.

### **6.2.2. Ingingo nsanganyamasomo**

- Umuco w'amahoro n'indangagaciro: igihe bakina imikino yo kuvuga amazina y'ibikoresho binyuranye bitanga amajwi banatahura amajwi y'abantu cyangwa ibintu babyumva babireba cyangwa batabireba bizatuma abana bashobora kubana mu mahoro.
- Uburinganire n'ubwuzuzanye bw'ibitsina byombi: Muri icyo mikino yo kuvuga amazina y'ibikoresho binyuranye bitanga amajwi banatahura amajwi y'abantu cyangwa ibintu abakobwa n'abahungu babigiramo uruhare rungana.
- Uburezi budaheza: Mu gihe abana bazaba bakina imikino yo kuvuga amazina y'ibikoresho binyuranye bitanga amajwi banatahura amajwi y'abantu cyangwa y'ibintu, buri wese mu bushobozi bwe azahabwa umwanya uhagije kugira ngo ashobore gukoresha ibikoresho yagenewe.
- Kwita ku bidukikije: mu gihe abana bakina imikino yo kuvuga amazina y'ibikoresho bitanga amajwi no gutahura amajwi yibintu cyangwa abantu bakinira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### **6.2.3. Inama ku myigishirize y'isomo.**

Ibikoresho bya muzika bigira amajwi atandukanye, ku buryo abana bo mu mwaka wa kabiri baba bakeneye kumenya amajwi bitanga kugira ngo bazabashe kubitandukanya. Nyuma yuko umwaka wa mbere bafashwa kumenya amajwi atangwa n'ibikoresho bisanzwe, uwa kabiri bagomba kwibanda kubikoreshwa mu muziki bakabimenya bagafashwa no kumenya gutandukanya amajwi ya byo. Ni byiza ko umurezi amenya, akita no ku kigero kimitekerereze y'abana n'imyaka yabo kugira ngo ahitemo ibikoresho n'ibikorwa bibakwiriye.

## Isomo rya 1: Amajwi atangwa n'ibikoresho bya Muzika

- a. **Intego y'isomo:** Abana bazaba bashobora gutandukanya amajwi akomoka kubintu binyuranye ahura nabyo bidukikije.
- b. **Imfashanyigisho:** ikinyuguri(ipendo), gitari, inzogera, iningiri, umwirongi, ifirimbi ingoma n'ibindi.
- c. **Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo k'Imibare cy'umunyeshuri,
  - Isaranganyamasomo mu mashuri y'inshuke,
  - Imfashanyigisho y'amahugurwa ku nteganyanyigisho y'uburezi bw'inshuke.

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
Intangiriro  Iminota	-Gutangiza akaririmbo karimo amajwi atandukanye ariko hakoreshejwe ibikoresho bya muzika  -Kubwira abana amazina yibikoresho bya muzika binyuranye bitanga amajwi,  Gushyira abana ku ruziga bicaye .	-Kuririmba akaririmbo karimo amajwi atandukanye ariko hakoreshejwe ibikoresho bya muzika.  -Gutega amatwi bakumva amazina yibikoresho bya muzika bitanga amajwi  Kujya ku ruziga.	Ikinyuguri (ipendo), gitari, inzogera, iningiri, umwirongi, ifirimbi, ingoma,
Ibikorwa bijyanye n'isomo ry'umunsi  Iminota	Kwerekana abana amashusho ariho ibikoresho bya muzika binyuranye bitanga amajwi atandukanye.  Kubaza abana ibikoresho bya muzika babonye ku mashusho atandukanye beretswe n'umurezi.	Kwitegereza amashusho anyuranye ariho ibikoresho bya muzika bitanga amajwi	

	<p>Kubwira abana amazina yibikoresho bya muzika binyuranye bitanga amajwi</p> <p>Gushyira abana mu matsinda matomato no kubicaza ku ruziga. bagakina umukino wo kuvuga izina ry'igikoresho cya muzika ahereye ku ijwi gitanga ariko batakireba ndetse banahuza ijwin'igikikoresho cyatanze ijwi atakireba</p> <p>Kureba abana uburyo bakina umukino utanga ubufasha aho biri ngobwa.</p> <p>Gusaba abana gusobanurira bagenzi babo umukino wo kuvuga izina ry'igikoresho cya muzika ahereye ku ijwi gitanga ariko batakireba ndetse banahuza ijwin'igikikoresho cyatanze ijwi atakireba</p>	<p>Kuvuga ibikoresho bya muzika bitanga amajwi beretswe n'umurezi.</p> <p>Gutega amatwi bakumva amazina</p> <p>yibikoresho bya muzika bitanga amajwi</p> <p>Mu matsinda mato abana bakina umukino wo kuvuga izina ry'igikoresho cya muzika bahereye ku ijwi gitanga ariko batakireba ndetse banahuza ijwin'igikikoresho cyatanze ijwi atakireba</p> <p>Gukomeza umukino, aho bagize ikibazo babaza umurezi.</p> <p>Gusobanura umukino wo gutahura amajwi uko wagenze basobanurira bagenzi babo.</p>	
<p><b>Umusozo</b></p> <p>Iminota</p>	<p>Kubumvisha amajwi yibintu bitandukanye hakoreshejwe ibikoresho bya muzika ukabasaba ko batahura amajwi y'ibikoresho bya muzika.</p>	<p>Gutahura amajwi y'ibikoresho bya muzika bitandukanye bumvise.</p>	
<p><b>Ibikorwa by'isuzuma/ umukoro wo mu rugo</b></p> <p>Iminota</p>	<p>-Gusaba abana gutahura no guhuza amajwi y'ibikoresho bya muzika.</p>	<p>Gutahura no guhuza amajwi y'ibikoresho bya muzika.</p>	

#### 6.2.4. Ingero z'ibikorwa bihuza uyu mutwe n'ibindi byigwa

1	<b>Ikinyarwanda</b>	Bunguka amagambo mashya ajyanye n'ibikoresho bya muzika.
2	<b>Iterambere mu mibanire n'abandi n'imbamutima</b>	Igihe bagaragaza imbamutima, bakoresha ibikoresho bya muzika.
3	<b>Iboneza buzima</b>	Guteza imbere ingingo nini n'intoza mugihe bavuzura ingoma. bahuza imiyego y'amaboko ndetse n'iyumubiri wose.
4	<b>Imibare</b>	Bashobora kubara ibikoresho bya muzika bahawe.
5	<b>Ibidukikije</b>	Baganira ku bikoresho bikorwamo ibikoresho by'umuziki biva mu bidukikije.

#### 6.2.5. Isuzumabushobozi risoza uyu mutwe

Isuzuma ku gukoresha ibikoresho bya muzika rikorwa buhoro buhoro ntrigombera igihe cy'umwihariko rikorwa kuri buri ntambwe y'isomoaho aho abana basabwa kuvuga igikoresho cyamuzika asanzwe azi kirimo gutanga ijwi.

### 6.3. GUKORESHA IBIKORESHO BYA MUZIKA (Umwaka wa gatatu)

#### 6.3.1. Ubushobozi bw'ingenzi bugamijwe

Abana bazaba bashobora gukoresha ibikoresho bya muzika bakunze kubona kandi bifitanye icyizere.

#### 6.3.2. Ingingo nsanganyamasomo

- Umuco w'amahoro n'indangagaciro: igihe abana bazaba boresha ibikoresho bya muzika mu imikino itandukanye bizatuma abana bashobora kubana mu mahoro.
- Uburinganire n'ubwuzuzanye bw'ibitsina byombi: Muri icyo mikino bakina hakoreshweje ibikoresho bya muzika abakobwa n'abahungu babigiramo uruhare rungana.
- Uburezi budaheza: Mu gihe abana bazaba bakina imikino itandukanye bakoresheje ibikoresho bya muzika binyuranye bitanga amajwi, buri wese mu bushobozi bwe azahabwa umwanya uhagije kugira ngo ashobore gukoresha ibikoresho byagenewe.
- Kwita ku bidukikije: mu gihe abana bakina imikino itandukanye bakoresheje ibikoresho bya muzika binyuranye bitanga amajwi, bakinira ahabugenewe kandi bakamenyerezwa kubungabunga ibidukikije no kutabyangiza. Abana batozwa kandi kwandurura ibikoresho no gusukura aho bakoreye.

### 6.3.3. Inama ku myigishirize y'isomo

Nyuma y'aho bigiye amajwi atangwa n'ibikoresho, mu mwaka wa gatatu abana abenshi baba bageze ku kigero cy'imyaka 5 ni 6, abana batangira gufashwa gukoresha ibikoresho bya muzika, by'umwihariko bibanda ku biboneka aho batuye. Ibyinshi muri byo ni nk'ingoma, gitari, mwirongi, ibinyuguri, inanga, umuduri... Umurezi agomba kwita kubushobozi bw'abana, aha abana ibikoresho n'ibikorwa biri ku kigero cyabo.

#### Isomo rya 1: Gucuranga ibikoresho bya Muzika baririmba

- a. **Intego y'isomo:** Abana bazaba bashobora gucuranga ibikoresho bya muzika baririmba n'amajwi.
- b. **Imfashanyigisho:** ikinyuguri, gitari, inzogera, iningiri, umwirongi, ifirimbi, ingoma, inanga, umuduri
- c. **Ibitabo byifashishijwe:**
  - Inyoborabarezi yo mu mashuri y'inshuke,
  - Igitabo k'Imibare cy'umunyeshuri,
  - Isaranganyamasomo mu mashuri y'inshuke,
  - Imfashanyigisho y'amahugurwa ku nteganyanyigisho y'uburezi bw'inshuke.

Intambwe n'igihe (igihe kigenwa n'umurezi)	Ibikorwa by'umurezi	Ibikorwa by'abana	Imfashanyigisho zijyanye na buri gice
Intangiriro  Iminota	-Gutangiza akaririmbo karimo amajwi atandukanye ariko hakoreshejwe ibikoresho bya muzika babona aho batuye.  Gushyira abana ku ruziga bicaye.	-Kuririmba akaririmbo karimo amajwi atandukanye ariko hakoreshejwe ibikoresho bya muzika babona aho batuye.  Kujya ku ruziga.	a) ikinyuguri, gitari, inzogera, iningiri, umwirongi, ifirimbi, ingoma,



<p><b>Ibikorwa byijyanye n'isomori umunsi</b></p> <p>Iminota</p>	<p>Gutanga urugero rwo gucuranga hakoreshejwe ibikoresho bya muzika biboneka aho batuye.</p> <p>Gushyira abana mu matsinda mato bagahabwa umwanya wo kugerageza gukoresha igikoresho cya muzika babona aho batuye.</p> <p>Gukomeza guha abana umwanya wo kwitoza gukoresha igikoresho runaka kugeza bigaragaye ko umwana yifitiye icyizere.</p> <p>Kureba uburyo abana bakina bakoresha ibikoresho bya muzika babona aho batuye utanga ubufasha aho biri ngobwa.</p> <p>Gusaba abana gusobanurira bagenzi babo umukino wo gukoresha ibikoresho bya muzika biboneka aho batuye</p>	<p>Abana bose bitegereza uko igikoresho runaka cya muzika gikoreshwa mu gucuranga.</p> <p>Mu matsinda mato abana bahabwa umwanya bakagerageza gukoresha igikoresho cya muzika babona aho batuye.</p> <p>Buri mwana ahabwa umwanya uhagije wo kwitoza gukoresha igikoresho runaka kugeza bigaragaye ko yifitiye ikizere.</p> <p>Gukomeza umukino wo gukoresha ibikoresho bya muzika, aho bagize ikibazo babaza umurezi.</p> <p>Gusobanura umukino wo gukoresha ibikoresho bya muzika biboneka aho batuye</p>	
--	---	---	--

<b>Umusozo</b>  Iminota	Kubaha ibikoresho byamuzika biboneka aho batuye ukabasaba kubikoresha bacuranga ndetse baririmba.	Gucuranga banaririmba bakoresheje ibikoresho bya muzika biboneka aho batuye.	
<b>Ibikorwa by'isuzuma/ umukoro wo mu rugo</b>  Iminota	-Gusaba abana gucuranga bakoresheje ibikoresho bya muzika bihitiyemo.	Gucuranga bakoresheje ibikoresho bya muzika bihitiyemo.	

#### 6.3.4. Ingero z'ibikorwa bihuza uyu mutwe n'ibindi byigwa

<b>1</b>	<b>Ikinyarwanda</b>	Bunguka amagambo mashya ajyanye n'ibikoresho bya muzika.
<b>2</b>	<b>Iterambere mu mibanire n'abandi n'imbamutima</b>	Igihe bagaragaza imbamutima, bakoresha ibikoresho bya muzika.
<b>3</b>	<b>Iboneza buzima</b>	Gutezimbere ingingo nini n'intoya mugihe bavuzi ingoma bahuza imiyego y'amaboko ndetse n'iyumubiri wose
<b>4</b>	<b>Imibare</b>	Bashobora kubara ibikoresho bya muzika bahawe
<b>5</b>	<b>Ibidukikije</b>	Bitegereza ibikoresho bya muzika biboneka mu bidukikije.

#### 6.3.5. Isuzumabushobozi risoza uyu mutwe

Umurezi agomba kwibuka ko isuzuma ryo gukoresha ibikoresho bya muzika rikorwa buhoro buhoro abana bari mu gikorwa kandi hitabwa kureba ubushake n'umurava abana bafite mu gikorwa cyo gukoresha ibikoresho bya muzika no guhanga bimwe muri ibyo bikoresho. Ubushake umwana agira bwo kugira icyo akora bufatwa nk'intambwe ikomeye umwana aheraho agira ibyo anoza arebeye ku bandi cyangwa agendeye ku bufasha bw'umurezi ni yo mpamvu isuzuma rizakorwa kuri buri ntambwe y'igikorwa cy'umwana kandi rigamije kumufasha kugira ibyo anoza kurushaho ndeste no kumuha urubuga mu kugaragaza ibyo atekereza.

### **Ibitabo byifashishijwe**

MINEDUC. (2018). Iyipimo ngenderwaho by'ibanze ku mashuri y'inshuke mu Rwanda. Kigali: MINEDUC.

REB. (2015). Integanyanyigisho y'uburezi bw'inshuke. Kigali: REB.

REB. (2015). Inyoborabarezi ku nteganyanyigisho y'uburezi bw'inshuke. Kigali: REB.

REB. (2018). Isaranganyamasomo ryo mu mashuri y'inshuke. Kigali: REB.

REB. (2019). Ubugeni n'umuco. Kigali: REB.